

正閣續見義門原本如此本者及門傳錄乃并惠校以不敢定
其真為余初見印以為何係傳臨惠係真蹟故甚重此書庚
辰正月收得松屋左傳補注手摺乃知如何校印惠氏所臨
為之狂喜兩本今同一庫可以永遠作證松屋傳臨此書未及
詳校故校謬摺簡僅加一跋否則可為千里先河矣

余友王君欣夫潘君博山均早有惠臨何校之說兩_君曾在歸世堂
丁氏遠去散出時親見左傳補注摺本故非余之創獲也



余舊藏華陽國志為顧千里手校本即為孫端如
校刻底本後為鄰水廖氏刊行者也朱墨斑駁洵罕
見之秘今歲秋九重返都門與翰文齋韓君遇目覩
此編知為義門手校且有惠松屋題識數行雖未知
所校與千里有無異同然吳中兩大校讐家手筆萃於
一書豈可不謀延津之合乃貸諸真家門收之敝篋歲暮
寧家吾知羣碧樓中必有光燄上燭霄漢矣

壬戌長至燈下

羣碧居士鄧邦述



此書底本藏吾鄉圖書館中為錢唐丁氏故物
今年余來金陵親檢對之唯忘松崖跋語此稿
為義門弟子嘗付傳錄之書余翁所藏之史通
亦与此同雖楷信不同而必其師之骨髓聚於
不辨扁費矣魚跋真偽亦自難定安得起
蓮生祭酒一論空之癸亥長至燈下羣碧再記



華陽國志序



呂大防微仲撰



先王之制自二十五家之間書其恭敏任恤等而上
之或月書其學行或歲考其道德故民之賢能衰惡
其吏無不與知之者焉漢魏以還井地廢而王政闕
然猶時有所考察旌勸而州都中正之職尚修於羣
國鄉閭士女之行多見於史官隋唐急事緩政此制
遂廢而不舉潛德隱行非野史紀述則悉無見於時
民日益漓俗日益卑此有志之士所為歎惜也晉常
璩作華陽國志於一方人物丁寧反覆如恐有遺雖

鬻髦之民井曰之婦苟有可紀皆著於書且云得之陳壽所為耆舊傳按壽嘗為郡中正故能著述若此之詳自先漢至晉初踰四百歲士女可書者四百人亦可謂衆矣復自晉初至于周顯德僅七百歲而史所紀者無幾人忠魂義骨與塵埃野馬同沒於丘原者蓋亦多矣豈不重可歎惜哉此書雖繁富不及承祚之精微然議論忠篤樂道人之善蜀記之可觀未有過於此者鏤行於世庶有益於風教云宋元豐戊申秋日序

華陽國志目錄

第一

巴志



第二

漢中志

第三

蜀志

第四

南中志

第五

公孫述劉二牧志

第六

劉先主志

第七

劉後主志

第八

大同志

第九

李特雄壽勢志



第十

先賢士女摭讚

第十一

後賢志

第十二

序志并益梁寧三州先漢以來士

女名目錄

華陽國志目錄照錢封寶河歲影宋抄本錄出焯記

抄本目錄第二
行上空四字

華陽國志卷第一



晉 常璩 著

明 吳瑄 校

巴志

昔在唐堯洪水滔天鯀功無成聖禹嗣興導江疏河
百川蠲脩封殖天下因古九圍以置九州仰稟參伐
俯壤華陽黑水江漢爲梁州厥土青黎厥田惟下上
厥賦惟下中厥貢璆鐵銀鏤砮磬熊羆狐狸織皮於
是四輿既宅九州道同六府孔脩庶土交正底春財
賦成貢中國蓋時雍之化東被西漸矣歷夏殷周九

史下空白二字
合畫斷下凡畫
處都五三字

州牧伯率職周文爲伯西有九國及武王克商并徐
合青省梁合雍而職方氏猶掌其地辨其土壤甄其
寶利起於秦帝漢興高祖藉之成業乃改雍曰涼革
梁曰益故巴漢庸蜀屬益州至魏咸熙元年平蜀始
分益州巴漢七郡置梁州治漢中以相國參軍中山
耿輔爲刺史元康六年廣漢益州更割雍州之武都
陰平荊州之新城上庸魏興以屬焉凡統郡一十一
縣五十八洛書曰人皇始出繼地皇之後兄弟九人
分理九州爲九囿人皇居中州制八輔華陽之壤梁
岷之域是其一囿囿中之國則巴蜀矣其分野輿鬼

東井其君上世未聞五帝以來黃帝高陽之支庶世
爲侯伯及禹治水命州巴蜀以屬梁州禹娶於塗山
辛壬癸甲而去生子啓呱呱啼不及視三過其門而
不入室務在救時今江州塗山是也帝禹之廟銘存
焉會諸侯於會稽執玉帛者萬國巴蜀往焉周武王
伐紂實得巴蜀之師著乎尚書巴師勇銳歌舞以凌
殷人倒戈故世稱之曰武王伐紂前歌後舞也武王
既克殷以其宗姬於巴爵之以子古者遠國雖大爵
不過子故吳楚及巴皆曰子其地東至魚復西至棘
道北接漢中南極黔涪土植五穀牲具六畜桑蠶麻

紵魚鹽銅鐵丹漆茶蜜靈龜巨犀山雞白雉黃潤鮮
粉皆納貢之其果實之珍者樹有荔支蔓有辛蒟園
有芳蒨香茗給客橙葵其藥物之異者有巴戟天椒
竹木之瓊者有桃支靈壽其名山有塗籍靈臺石書
邗山其民質直好義土風敦厚有先民之流故其詩
曰川崖惟平其稼多黍旨酒嘉穀可以養父野惟阜
丘彼稷多有嘉穀旨酒可以養母其祭祀之詩曰惟
月孟春獮祭彼崖永言孝思享祀孔嘉彼黍既潔彼
儀惟澤蒸命良辰祖考來格其好古樂道之詩曰日
月明明亦惟其名誰能長生不朽難獲又曰惟德實

寶富貴何常我思古人令問令望而其失在於重遲
魯鈍俗素樸無造次辨麗之氣其屬有濮寶苴共奴
獯夷蠻之蠻周之仲世雖奉王職與秦楚鄧爲比春
秋魯桓公九年巴子使韓服告楚請與鄧爲好楚子
使道朔將巴客聘鄧鄧南鄙攻而奪其幣巴子怒伐
鄧敗之其後巴師楚師伐申楚子驚巴師魯莊公十
八年巴伐楚克之魯文公十六年巴與秦楚共滅庸
哀公十八年巴人伐楚敗於鄆是後楚主夏盟秦擅
西土巴國分遠故於盟會希與戰國時嘗與楚婚及
七國稱王巴亦稱王周之季世巴國有亂將軍蔓子

請師於楚許以三城楚王救巴巴國既寧楚使請城
蔓子曰藉楚之靈克弭禍難誠許楚王城將吾頭往
謝之城不可得也乃自刎以頭授楚使王歎曰使吾
得臣若巴蔓子用城何爲乃以上卿禮葬其頭巴國
葬其身亦以上卿禮周顯王時楚國衰弱秦惠文王
與巴蜀爲好蜀王弟苴私親於巴巴蜀世戰爭周慎
王五年蜀王伐苴侯苴奔巴巴爲求救於秦秦惠
文王遣張儀司馬錯救苴巴遂伐蜀滅之儀貪巴苴
之富因取巴執王以歸置巴蜀及漢中郡分其地爲
二縣儀城江州司馬錯自巴涪水取楚商於之地爲

黔中郡秦昭襄王時白虎爲害自秦蜀巴漢患之秦
王乃重募國中有能殺虎者邑萬家金帛稱之於是
夷胸忍廖仲藥何射虎秦精等乃作白竹弩於高樓
上射虎中頭三節白虎常從羣虎曠恚盡搏殺羣虎
大啣而死秦王嘉之曰虎歷四郡害千二百人一朝
患除功莫大焉欲如蜀王嫌其夷人乃刻石爲盟要
復夷人頃田不租十妻不筭傷人者論煞人顧死俛
錢係樂夷盟曰秦犯夷輸黃龍一雙夷犯秦輸清酒
一鍾夷人安之漢興亦從高祖定秦有功高祖因復
之專以射白虎爲事戶歲出資錢口四十故世號白

虎復夷一曰板楯蠻今所謂犛頭虎子者也漢高帝
滅秦爲漢王王巴蜀閬中人范目有恩信方畧知帝
必定天下說帝爲募發實民要與共定秦秦地既定
封目爲長安建章鄉侯帝將討關東實民皆思歸帝
嘉其功而難傷其意遂聽還巴謂目曰富貴不歸故
鄉如衣繡夜行耳徙封閬中慈鄉侯目固辭乃封渡
沔縣侯故世謂三秦亡范三侯也目復除民羅朴笱
鄂度夕龔七姓不供租賦閬中有渝水實民多居水
左右天性勁勇初爲漢前鋒陷陣銳氣喜舞帝善之
曰此武王伐紂之歌也乃令樂人習學之今所謂巴

渝舞也天下既定高帝乃分巴置廣漢郡孝武帝又
兩割置犍爲郡故世曰分巴割蜀以成犍廣也自時
厥後五教雍和秀茂挺逸英偉旣多而風謠苟作故
朝廷有忠貞盡節之臣鄉黨有主文歌詠之音巴郡
譙君黃仕成哀之世爲諫議大夫數進忠言後違避
王莽又不事公孫述述怒遣使齎藥酒以懼之君黃
笑曰吾不省藥乎其子瑛納錢八百萬得免國人作
詩曰肅肅清節士執德寔固貞違惡以授命沒世遺
令聲巴郡陳紀山爲漢司隸校尉嚴明正直西虜獻
眩王庭試之分公卿以爲嬉紀山獨不視京師稱之

巴人歌曰桑室載直梁國人以貞真邪娛不揚目枉
行不動身姦軌僻乎遠理義協乎民巴郡嚴王思爲
揚州刺史惠愛在民每當遷官吏民塞路攀轅實詔遂
留之居官十八年卒百姓若喪考妣義送者齊錢百
萬欲以贍王思家其子徐州刺史不受送吏義崇不
忍持還乃散以爲食食行客巴郡太守汝南應季先
善而美之乃作詩曰乘彼西漢潭潭其淵君子愷悌
作民二親沒世遺愛式鏡後人漢安帝時巴郡太守
連失道國人風之曰明明上天下土是觀帝選元后
求定民安孰可不念禍福由人願君奉詔惟德日親

永初中廣漢漢中羌反霍及巴郡有馬妙祈妻義王
元憤妻姬趙蔓君妻華夙喪夫執共姜之節守一醮
之禮號曰三貞遭亂兵迫匿懼見拘辱三人同時自
沈於西漢水而沒死有黃鳥鳴其亡處徘徊焉國人
傷之乃作詩曰關關黃鳥爰集于樹窈窕淑女是繡
是黼惟彼繡黼其心匪石嗟爾臨川邈不可獲永建
中秦山吳資元約爲郡守屢獲豐年民歌之曰習習
晨風動澍雨潤乎苗我后卹時務我民以優饒及資
遷去民人思慕又曰望遠忽不見惆悵嘗徯徊恩澤
實難忘悠悠心永懷孝桓帝時河南李盛仲和爲郡

守貪財重賦國人刺之曰狗吠何誼誼有吏來在門
披衣出門應府記欲得錢語窮乞請期吏怒反見尤
旋步顧家中家中無可與思往從鄰貸鄰人以言遺
錢錢何難得令我獨憔悴漢末政衰牧守自擅民人
思治作詩曰混混濁沼魚習習激清流温温亂國民
業業仰前脩其德操仁義文學政幹若洛下閎任文
公馮鴻卿龐宣孟玄文和趙温柔龔升侯楊文義等
播名立事言行表世者不勝次載者也孝安帝元初
三年梁州羌反入漢中殺太守董炳擾動巴中中郎
將尹就討之不克益州諸郡皆起兵禦之三府舉廣

漢王堂爲巴郡太守撥亂致治進賢達士貢孝子嚴
永隱士黃錯名儒陳髦俊士張璠皆至大位益州刺
史張喬表其尤異徙右扶風民爲立祠孝桓帝以并
州刺史秦山但望字伯闔爲巴郡太守勲卹民隱郡
文學掾宕渠趙芬弘農馮尤塾江龔榮王祈李温臨
江嚴就胡良文愷安漢陳禧閬中黃閻江州母成陽
譽喬就張紹牟存平直等詣望自訟曰郡境廣遠千
里給吏兼將人從冬往夏還夏單冬複惟踰時之後
懷怨曠之思其廢喪吉凶不得相見解緩補綻下至
薪菜之物無不躬買於市富者財得自供貧者無以

自久是以清儉天枉不聞加以水陸艱難山有猛獸
思迫期會隕身江河投歿虎口咨嗟之歎歷世所苦
天之應感乃遭明府欲爲更新童兒匹婦懽喜相賀
將去遠就近釋危蒙安縣無數十民無遠邇恩加未
生澤及來世巍巍之功勒於金石乞以文書付計椽
史人鬼同符必獲嘉報芬等幸甚望深納之郡戶曹
史枳白望曰芬等前後百餘人歷政訟訴未蒙感悟
明府運機布政稽當皇極爲民庶請命救患德合天
地澤潤河海開闢以來今遇慈父經曰奕奕梁山惟
禹甸之有俾其道韓侯受命比隆等盛於斯爲美永

興二年三月甲午望上疏曰謹按巴郡圖經境界南
北四千東西五千周萬餘里屬縣十四鹽鐵五官各
有丞史戶四十六萬四千七百八十口百八十七萬
五千五百三十五遠縣去郡千二百至千五百里鄉
亭去縣或三四百或及千里土界遐遠令尉不能窮
詰姦凶時有賊發督郵追案十日乃到賊已遠逃蹤
迹絕滅罪逮捕證驗文書詰訊卽從春至冬不能究
訖繩憲未加或遇德令是以賊盜公行姦宄不絕榮
等及隴西太守馮含上谷太守陳弘說往者至有劫
閭中令楊殷終津侯姜昊傷尉蘇鴻彭亭侯孫魯雍

亭侯陳已廢侯樂普又有女服賊千有餘人布散千里不卽發覺謀成乃誅其水陸覆害煞郡掾枳謝盛塞威張御魚復令尹尋主簿胡直若此非一給吏休謁往還數千閉囚須報或有彈劾動便歷年吏坐踰科恐失冬節侵疑先死如當移傳不能待報輒自刑戮或長吏忿怒冤枉弱民欲赴訴郡官每憚還往太守行桑農不到四縣刺史行部不到十縣郡治江州時有溫風遙縣客吏多有疾病地勢剗險皆重屋累居數有火害又不相容結舫水居五百餘家承三江之會夏水漲盛壞散顛溺歿者無數而江州以東濱

江山險其人半楚姿態敦重墊江以西土地平敞精敏輕疾上下殊俗情性不同敢欲分爲二郡一治臨江一治安漢各有桑麻丹漆布帛漁池鹽鐵足相供給兩近京師榮等自欲義出財帛造立府寺不費縣官得百姓懽心孝武以來亦分吳蜀諸郡聖德廣被民物滋繁增置郡土釋民之勞誠聖王之盛業也雖貪大郡以自優暇不忍小民顛顛蔽隔謹具以聞朝議未許遂不分郡分郡之議始於是矣國順桓之世板楯數反太守蜀郡趙溫恩信降服於是宕渠出九穗之禾胸忍有連理之木光和二年板楯復叛攻害

三蜀漢中州郡連年苦之天子欲大軍出時征後疲
弊問益州計曹考以考畧益州計曹椽程包對曰板
楯七姓以射白虎爲業立功先漢本爲義民復除徭
役但出資錢口歲四十其人勇敢能戰昔羌數入漢
中郡縣破壞不絕若線後得板楯來虜彌盡號爲神
兵羌人畏忌傳語種輩勿復南行後建寧後漢作二
年羌復入漢牧守遑遑復賴板楯破之若微板楯則
蜀漢之民爲左衽矣前車騎將軍馮緄南征雖授丹
楊精兵亦倚板楯近益州之亂朱龜以并涼勁卒討
之無功太守李顥以板楯平之忠功如此本無惡心

長吏鄉亭更賦至重僕役過於奴婢箠楚隆於囚虜
至乃嫁妻賣子或自剄割陳寃州郡牧守不理去關
庭遙遠不能自聞含怨呼天叩心窮谷愁於賦役困
乎刑酷邑域相聚以致叛戾非有深謀至計僭號不
軌但選明能牧守益其資穀安便賞募從其利隙自
然安集不煩征伐也昔中郎將尹就伐羌擾動益部
百姓諺云虜來尚可尹將殺我就徵還後羌自破退
如臣愚見權之遣軍不如任之州郡天子從之遣太
守曹謙宣詔降赦一朝清戰獻帝初平元年征東中
郎將安漢趙穎建議分巴爲二郡穎欲得巴舊名故

宗本巴子三
字連寫

白益州牧劉璋以墊江以上爲巴郡江南龐羲爲太守治安漢以江州至臨江爲永寧郡胸忍至魚復爲固陵郡巴遂分矣建安六年魚復蹇胤白璋爭巴名璋乃改永寧爲巴郡以固陵爲巴東徙羲爲巴西太守是爲三巴於是涪陵謝本白璋求以丹興漢髮二縣爲郡初以爲巴東屬國後遂爲涪陵郡分後屬縣七戶二萬去洛三千七百八十五里東接胸忍西接蔣縣南接涪陵北接安德漢陽

巴子時雖都江州或治墊江或治平都後治閬中其先王陵墓多在枳其畜牧在沮今東突破下畜沮是

也又立市於龜亭北岸今新市里是也其郡東枳有明月碛廣德嶼故巴亦有三峽巴楚數相攻伐故置扞關陽關及沔關漢世郡治江州巴水北有緝橘官今北府城是也後乃還南城劉先主初以江夏費璠爲太守領江州都督後都護李嚴更城大城周迴十六里欲穿城後山自汶江通水入巴江使城爲州求以五都置巴州丞相諸葛亮不許亮將北征召嚴漢中故穿山不遠然造蒼龍白虎門別郡縣倉皆有城嚴子農代爲都督農解後梓潼李福爲都督延熙中車騎將軍鄧文爲都督治陽關十七年省平都樂城

江州提行後倣

常安咸熙元年但四縣以鎮西參軍隴西怡思和為太守二部守軍。江州縣郡治塗山有禹王祠及塗后祠北水有銘書詞云漢初犍為張君為太守忽得仙道從此升渡今民曰張府君祠縣下有清水穴巴人以此水為粉則膏暉鮮芳貢粉京師因名粉水故世謂江州墮林粉也有荔支園至熟二千石常設厨膳命士大夫共會樹下食之縣北有稻田出御米陂池出蒲葦蘭席其冠族有波鈿母謝然愷楊白上官程常世有大官也。枳縣郡東四百里治涪陵水會土地确瘠時多人士有章常連黎牟楊郡冠首也。

江州提行

臨江另行

平都另行

墊江另行

臨江縣枳東西百里接胸忍有鹽官在監除二溪一郡所仰其豪門亦家有鹽井又嚴甘文楊杜為大姓晉初文立實作常伯納言左右楊宗符稱武隆人在吳為孫氏虎臣也。平都縣蜀延熙時省大姓殷呂蔡氏。墊江縣郡西北中水四百里有桑蠶牛馬漢時龔榮以俊才為荊州刺史後有龔楊趙敏令德為巴郡太守淳于長寧雅有美貌黎夏杜皆大姓也。樂城縣在西州江三百里延熙十七年省常安縣亦省。

巴東郡先主入益州改為江關都尉建安二十一年

小注九字空本
無空白二字
置都下字空
十字

以胸忍魚復羊渠據晉志巴東郡有宕渠及宜都巫北井六縣
爲固陵郡武陵康立爲太守章武元年胸忍徐慮魚
復蹇機以失巴名上表自訟先主聽復爲巴東南郡
輔臣爲太守先主征吳於夷道還薨斯郡以尚書令
李嚴爲都督造設圍戍嚴還江州征西將軍汝南陳
到爲都督到卒官以征北大將軍南陽宗預爲都督
預還內領軍襄陽羅獻爲代蜀平獻仍其任拜凌江
將軍領武陵太守泰始二年吳大將步闡唐咨攻獻
獻保城咨西侵至胸忍故蜀尚書郎巴郡楊宗告急
于洛未還獻出擊闡大破之闡咨退獻遷監軍假節

安南將軍封西鄂侯入朝加錫御蓋朝服吳武陵太
守孫恢寇南浦安蠻護軍楊宗討之退走因表以宗
爲武陵太守住南浦誘卹武陵蠻夷得三縣初附民
獻卒以捷爲太守天水楊攸爲監軍攸遷梁州刺史
朝議以唐彬及宗爲代晉武帝問散騎常侍文立曰
彬宗孰可用立對曰彬宗俱立事績在西不可失者
然宗才誠佳有酒嗜彬亦其人性在財欲惟陛下裁
之帝曰財欲可足酒嗜難改遂用彬爲監軍加廣武
將軍迄吳平巴東後省羊渠置南浦晉太康初將巫
北井還建平但五縣去洛二千五百里東接建平南

接武陵西接巴郡北接房陵奴獠夷蠻之蠻民。魚
復縣郡治公孫述更名白帝章武二年改曰永安咸
熙初復有橘官又有澤水神天旱鳴鼓於傍卽雨也
胸忍縣西二百九十里水道有東陽下瞿數灘山
有大小石城並靈壽木鹽井靈龜咸熙元年獻靈龜
於相府天姓扶先徐氏漢時有扶徐荊州着石楚訪
有芴頭白虎復夷者也。着石楚訪四字未詳。芴其
雨切又翹移切弓強貌又渠
羈切又渠良切漢豐縣建安二十一年置在郡西
北彭溪源。南浦縣郡南三百里晉初置主夷郡郡
與楚接人多勁勇少文學有將帥材

涪陵郡巴之南鄙從枳南入折丹涪水本與楚商於
之地接秦將司馬錯由之取楚商於地爲黔中郡也
後恒有都尉守之舊屬縣五去洛五千一百七十里
東接巴東南接武陵西接牂牁北接巴郡土地山險
水灘人多戇勇多獠蠻之民縣邑阿黨鬪訟必死無
蠶桑少文學惟出茶丹漆蜜蠟漢時赤甲軍常取其
民蜀丞相亮亦發其勁卒三千人爲連弩士遂移家
漢中延熙十三年大姓徐巨反車騎將軍鄧芝討平
之見玄猿緣其山芝性好弩手自射猿中之猿子拔
其箭卷木葉塞其創芝嘆曰嘻吾傷物之性其將死

矣乃移其豪徐闡謝范五千家於蜀為獵射官分羸弱配督將韓蔣名為助郡軍遂世掌部曲為大姓晉初移弩士于馮翊蓮勺其人性質直雖徒他所風俗不變故迄今有蜀漢關中涪陵其為軍在南方者猶存山有大龜其甲可卜其緣可作义世號靈义出涪陵縣郡治 丹興蜀時省山出名丹 漢平縣延熙十三年置 萬寧縣孝靈帝時本名永寧 漢髮縣有鹽井諸縣北有獾蠻又有曠夷也

巴西郡屬縣七去洛二千八百一十五里東接巴郡南接梓潼北接梁西城土地山原多平有牛馬桑蠶

人自先漢以來傀偉倣儻冠冕三巴及郡分後叔布榮始周羣父子程公弘等或學兼三才或精秀竒逸其次馬盛衡承伯才藻清妙龔德緒兄弟英氣曄然黃公衡應權通變馬德信王子均勾孝興張伯岐建功立事劉二王之世稱美荆楚乃先漢以來馮車騎范鎮南皆植斯鄉故曰巴有將蜀有相也及晉譙侯修文於前陳君煥炳於後並遷雙固倬羣穎世甄在傳記縉紳之徒不勝次載焉 閬中縣郡治有彭池大澤名山靈臺見文緯書識大姓有三狐五馬蒲趙任黃嚴也 南克國縣和帝時置有鹽井大姓侯譙

氏 安漢縣號出人士大姓陳范閻趙 平州縣其
二縣爲郡

宕渠郡延熈中置以廣漢王士爲太守郡建九年省
永興元年李雄復置今遂爲郡長老言宕渠蓋爲故
賓國今有賓城盧城秦始皇時有長人二十五丈見
宕渠秦史胡毋敬曰是後五百年外必有異人爲大
人者及雄之王祖世出自宕渠有識者皆以爲應之
先漢以來士女賢貞縣民車騎將軍馮緄大司農玄
賀大鴻臚龐雄桂陽太守李溫等皆建功立事有補
於世緄溫各葬所在常以三月二子之靈還鄉里水


暴漲郡縣吏民莫不於水上祭之其列女節義在先
賢志 宕渠縣郡治有鐵官石蜜山圖所採也 漢
昌縣和帝時置大姓勾氏 宣漢縣今省 右巴國
分爲五郡二十三縣

譏曰巴國遠世則黃炎之支封在周則宗姬之戚親
故於春秋班侔秦楚示甸衛也若蔓子之忠烈范目
之果毅風惇俗厚世挺名將斯乃江漢之含靈山岳
之精爽乎觀其俗足以知其敦一矣昔沙麓崩卜偃
言其後當有聖女興元城郭公謂王翁孺屬當其時
故有政君李雄宕渠之廝伍略陽之黔首耳起自流

隸君獲士民其長人之鬼良有以也

華陽國志卷第一

華陽國志卷第二



晉 常璩 著

明 吳琯 校

漢中志

漢中郡本附庸國_屬周赧王二年秦惠文王置郡因水名也漢有二源東源出武都氐道漾山因名漾禹貢流漾為漢是也西源出隴西蟠冢山會白水經葭萌入漢始源曰沔故曰漢沔在詩曰滔滔江漢南國之紀其應上昭于天又曰惟天有漢其分野與巴蜀同占其地東接南郡南接廣漢西接隴西陰平北接

秦川厥壤沃美賦貢所出略侷三蜀六國時楚強盛
略有其地後爲秦恒成爭地漢高帝旣克秦獲子嬰
項羽封高帝爲漢王王巴蜀三十一縣帝不悅丞相
蕭何謀曰雖王漢之惡不猶愈於死乎且語曰天漢
其稱甚美夫能屈於一人之下則伸於萬乘之上者
湯武是也願大王王漢中撫其民以致賢人收用巴
蜀還定三秦天下可圖也帝從之都南鄭及項籍弑
義帝高帝東伐蕭何常居守漢中足食足兵旣定三
秦蕭何鎮關中資其衆卒平天下以田叔爲漢中守
屬縣十一去洛一千九十一里叔旣饋以軍饟又致

名材立宮室帝嘉之後爲魯相然以帝業所興不封
藩王自叔之後世脩文教有倣儻之士異人竝挺鄧
公抗言於孝景之朝以明忠枉之情張騫特以蒙險
遠爲孝武帝開緣邊之地賓沙越之國致大宛之馬
入南海之象而車渠瑪瑙珊瑚琳碧麝寶明珠玳瑁
虎魄水晶琉璃火浣之布蒲桃之酒錦竹蒟醬殊方
竒玩盈於市朝振揚威靈被於幽裔遂登九列杖節
繡衣剖符博望谷口子真秉箕頽之操湛然岳立不
營不求德聲邁流楊王孫應至人之概自建武以後
羣儒修業開按圖緯漢之宰相當出坤鄉於是司徒

李公屢登七政太傅子堅奕世論道其珪璋瑚璉之器則陳伯臺季季子申伯之徒文秀瑋擘其州牧郡守冠蓋相繼於西州爲盛蓋濟濟焉莽時公孫述據蜀跨有漢中當秦隴之徑每懼其害安帝永初二年陰平武都羌反入漢中殺太守董炳沒略吏民四年羌復來太守鄭廛出屯褒中欲與羌戰主簿段崇陳禪以爲但可堅守來虜乘勝其鋒不可當廛不從戰敗績崇與門下吏王宗原展及崇子勃兄子伯生力戰捍廛并命功曹程信素居守馳來赴難冒寇殞殮廛虜遂大盛天子乃拜巴郡陳禪爲漢中太守虜素

憚禪更來盤結禪知攻守未可卒下而年荒民困乃矯詔赦之大小咸服旣誅其亂首天子善之徙禪左馮翊太守程信怨恥乃結故吏冠蓋子弟嚴孳李容姜濟陳巴曹廉勾矩劉旌等二十五人誓志報羌各募壯士豫結同歿以待寇太守鄧成命信爲五官孳等門下官屬元和二年羌復來巴郡板楯救之信等將其士卒力奮討大破之信被八創二十五人戰歿自是後羌不敢南向五年天子下詔褒歎信崇等賜其家穀各千斛宗展孳等家穀各五百斛列畫東觀每新太守到必先存問其家以羌畏服陳禪拜禪子

澄漢中太守漢末沛國張陵學道於蜀鶴鳴山造作
道書自稱太清玄元以惑百姓陵歿子衡傳其業衡
死子魯傳其業魯字公祺以鬼道見信於益州牧劉
焉魯母有少容往來焉家初平中以魯爲督義司馬
往漢中斷谷道魯旣至行寬惠以鬼道教立義舍置
義米義肉其中行者取之量腹而已不得過過多云
鬼病之其市肆價平亦然犯法者三原而後行刑學
道未信者謂之鬼卒後乃爲祭酒巴漢夷民多便之
其供通限出五斗米故世謂之米道扶風蘇固爲漢
中太守魯遣其黨張脩攻固城固人陳調素遊俠學

兵法固以爲門下掾說固守扞禦寇之術固不能用
踰墻走投南鄭趙嵩嵩將俱逃賊盛固遣嵩求隱避
處嵩未還固又令鈐下偵賊賊得鈐下遂得殺固嵩
痛憤仗劔直入調亦聚其賓客百餘人攻修戰死魯
遂有漢中數害漢使焉上書言米賊斷道至劉焉子

璋爲牧時魯益驕恣璋怒建安五年殺魯母弟魯率
巴夷杜濩朴胡袁約等叛爲讐敵魯時使使漢朝亦
慢僑帝室以亂不能征就拜中郎將漢寧太守不置
長吏皆以祭酒爲治民璋數遣龐羲李思等討之不
能克而巴夷日叛乃以羲爲巴西太守又遣楊懷高

沛守關頭請劉先主討魯先主更襲取璋二十年魏武帝西征魯魯走巴中先主將迎之而魯功曹巴西閻圃圃說魯北降歸魏武贊以大事宜附託不然西結劉備以歸之魯勃然曰寧爲曹公作奴不爲劉備上客遂委質魏武武帝拜魯鎮南將軍封襄平侯又封其五子皆列侯時先主東下江安巴漢稽服魏武以巴夷王杜濩朴胡袁約爲三巴太守留征西將軍夏侯淵及張郃益州刺史趙顛等守漢中遷其民於關隴二十四年春先主進軍攻漢中至定軍淵郃顛來戰大爲先主所破將軍黃忠斬淵顛首魏武帝復西

征先主先主曰孟德雖來無能爲也我必有漢川矣先主遂爲漢中王將還成都當得重將以鎮漢中衆皆以必張飛張飛心亦自許先主乃以牙門義陽魏延爲鎮遠將軍漢中太守先主大會羣臣問延曰今委卿以漢中卿居之若何對曰若曹操舉天下而來請爲大王拒之若偏將十萬而來請爲大王吞之衆壯其言初魏武之留淵郃也以雞肋示外外人莫察惟主簿楊修知之故曰夫雞肋棄之如可惜食之無所得以比漢中也是後處蜀魏界固險重守自丞相大司馬大將軍皆鎮漢中蜀平梁州治沔陽

大康據前史之字
連寫
南字另月
沔陽另月

大康中晉武帝子漢王迪受封更曰漢國郡但六縣
南鄭縣郡治周貞王十六年秦厲公城之有池水
從旱山來入沔大姓李^釋趙氏 沔陽縣州治有鐵
官又有度水水有二源一曰清檢二曰濁檢有魚穴
清水出鱖濁水出鮒常以二月八月取蜀丞相諸葛
亮葬定軍山 褒中縣孝昭帝元鳳六年置本都尉
治也山名扶木有唐公房祠也 城固縣蜀時以沔
陽為漢城城固為樂城蒲池縣 西鄉縣
魏興郡本漢中西城縣哀平之世縣民錫光字長冲
為交州刺史徙交趾太守王莽篡位拒郡不附莽方

有事海內未以為意尋值所在兵遂起自守更始即
祚^位正其本官世祖嘉其忠節徵拜為大將軍朝侯祭
酒封鹽水侯後漢中數寇亂縣土獨存漢季世別為
郡建安二十四年劉先主命宜都太守孟達從秭歸
北伐房陵上庸自漢中又遣副軍中郎將劉封乘沔
水會達上庸以申耽弟儀為建信將軍西城太守達
耽降魏黃初二年文帝轉儀為魏興太守封鄖鄉侯
蜀平遂治西城屬縣六戶萬去洛一千七百土地險
隘其人半楚風俗畧與荊州沔中郡同 西城縣郡
治元康元年封越騎校尉蜀郡何攀為公國也 錫

縣 安康縣 興晉縣晉置 鄖鄉縣本名長利縣
縣有鄖鄉 洵陽縣洵水所出

上庸郡故庸國楚與巴秦所共滅者也秦時屬蜀後

屬漢中漢末為上庸郡建安二十四年孟達劉封征

上庸上庸太守申耽稽服遣子弟及宗族詣成都先

主拜耽征北將軍封鄖鄉侯仍郡如故黃初中降魏

魏文帝拜耽懷集將軍徙居南陽省上庸并新城孟

達誅後復為郡屬縣五戶七千去洛一千七百里

上庸縣郡治 北巫縣 安樂縣咸熙元年為公國

封劉後主也 武陵縣 安富縣 微陽縣 晉書上庸郡有

上庸無
宋樂

新城郡本漢中房陵縣也秦始皇徙呂不韋舍人萬

家於房陵以其隘地也漢時宗族大臣有罪亦多徙

此縣漢末以為房陵郡建安二十四年孟達征房陵

殺太守蒯祺進平三郡與劉封不和封奪達鼓吹關

羽圍樊城求助於封達封達以新據山郡未可擾動

為辭羽為吳所破殺達既忿封又懼先主見責遂拜

書先主告叛降魏魏文帝善達姿容觀以為散騎

常侍建武將軍襲劉封封敗走達據房陵文帝合三

郡為新城以達為太守後蜀丞相諸葛亮將北伐招

達爲外援故貽書曰嗟乎孟子度邇者劉封侵凌足
下以傷先帝待士之望慨然永歎每存天下平素之
志豈虛托名載策者哉都護李嚴亦與書曰吾與孔
明並受遺詔思得良伴吳王孫權亦招之達遂背魏
通吳蜀表請馬弩於文帝撫軍司馬宣王以爲不可
許帝曰吾爲天下主義不先負人當使吳蜀知吾心
乃多與之過其所求明帝太和初達叛魏歸蜀時宣
王屯宛知其情乃以書喻之曰將軍昔棄劉備託身
國家委將軍以疆場之任任將軍以圖蜀之事可謂
心貫白日蜀人愚智莫不切齒於將軍諸葛亮欲相

破惟苦無路耳模之所言

郭模亮遺詐降
洩孟達謀者

非小事也

亮豈輕之而令宣露此殆易知耳達乃以書與亮曰
宛去洛八百去此千二百里聞吾舉事當表上天子
比相反覆一月間也則吾城已固諸軍足辦則吾所
在深險司馬公必不自來諸將來吾無患矣及兵到
達又告亮曰吾起事八日而兵至城下何其神速也
亮以其數反覆亦不救遂爲宣王所誅滅宣王分爲
三郡新城屬縣四戶二萬去洛一千六百里

房陵

縣有維山維水所出東入瀘

瀘字疑誤
當作漢

○又按巴漢
志新城郡

亦天東入瀘

沔鄉縣

昌魏縣

緩陽縣

右三

郡漢中所分也在漢之東故蜀漢謂之東三郡蜀時
爲魏屬荊州晉元康六年始還梁州山水艱阻有黃
金子牛馬聰建鼓之阻又有作道九君搏土作人處
而其記及漢中記不載又不爲李雄所據璩識其大
梗概未能詳其小委曲也

梓潼郡本廣漢屬縣也建安十八年劉先主自葭萌
南攻州牧劉璋留中郎將南郡霍峻守葭萌城張魯
遣將楊帛誘峻求共城守峻曰小人頭可得城不可
得也帛退劉璋將向存扶禁由巴閬水攻峻歲餘不
能克峻衆才八百人存衆萬計更爲峻所破敗退走

成都既定先主嘉峻功二十三年分廣漢置梓潼郡
以峻爲太守屬縣六戶萬去洛二千八百三十八里
東接巴西南接廣漢西接陰平北接漢中土地出金
銀丹漆藥蜜也世有雋彥人侔於巴蜀梓潼縣郡
治有五婦山故蜀五丁士所拽虵崩山處也有善板
祠一曰惡子民歲上雷杼十枚歲盡不復見云雷取
去四姓文景雍鄧者也本梓潼縣去成都三百五十里
水通于巴爲蜀東北之要蜀時大將軍鎮之有宕田
平稻田孱水出孱山其源出金銀鑛洗取火融合之
爲金銀陽泉出石丹大司馬蔣琬葬此大姓楊杜李

人士多見耆舊也。晉壽縣本葭萌城劉氏更曰漢壽水通于巴西又入漢川有金銀鑛民今歲歲取洗之蜀亦大將軍鎮之漆藥蜜所出也大將軍費禕葬此山大姓葬此者多。白水縣有關尉故州牧璋將楊懷高沛守也。廣漢縣。德陽縣。有劔閣道三十里至險有閣尉桑下兵民也。

武都郡本廣漢西部都尉治也元鼎六年別爲郡屬縣九戶萬去洛一千八百七十八里東接梓潼西接天水北接始平土地嶮阻有麻田氏僂多羌戎之民其人半秦多勇戇出名馬牛羊漆蜜有瞿堆百頃嶮

勢氏僂常依之爲叛漢世數征討之分徙其羌遠至酒泉燉煌其攻戰壘戍處所亦多建安二十四年先主遣將軍雷同吳蘭平之爲魏將曹洪所破殺魏益州刺史天水楊阜治此郡阜以濱蜀境移其氏僂於汧雍及天水略陽建興七年丞相諸葛亮遣護軍陳戒伐之遂平武都陰平二郡還屬益州魏將夏侯淵張郃徐晃征伐常由此郡而蜀丞相亮及魏延姜維等多從此出秦川遂荒無晉民其氏僂楊濮屬魏魏遙置其郡屬蜀蜀平屬雍州太康六年還梁州八年氏僂齊萬年反郡罹其寇晉民流徙入蜀及梁州永

嘉初天水氐使楊茂搜率種人爲寇保據其郡貢獻
長安愍帝以胡寇方盛欲懷來戎翟拜驃騎將軍左
賢王劉曜破長安丞相平昌公上隴據天水茂搜數
饋平昌公拜茂搜長子難敵征南將軍少子堅頭龍
驤將軍種衆彊盛東破梁州南連李雄威服羌戎時
平昌公爲劉曜所破陳安作賊于時并氐使如一國
茂搜死敵堅代爲主數歲曜自攻武都敵堅南奔雄
至晉壽遣子爲質又厚賂雄兄晉壽守將稚曜不獲
敵堅引還武都恃嶮驕慢攻走雄陰平太守羅演演
稚舅也稚念恚白兄含與雄求征之雄使含將稚數

下辨另行

千人攻之時敵妻死葬於陰平含稚征至下辨入武
街城以深入無繼盡爲氐使所破煞敵堅歿于磐毅

復代爲主

按下辨縣名有赤亭

咸康四年敵從弟初煞磐毅兄

弟代爲主迄今自茂搜父子之結據也通晉家及李

雄劉曜石勒石虎張駿皆稱臣奉貢受其官號所向

用其官及其年號下辨縣郡治一曰武街 武都縣

東漢水所出有天地澤

一本去天池澤

上祿故道縣

河

池縣 泉街縣水入沮合漢也

沮縣河池水所出

東狼谷也

上祿故道二縣名俱屬武都郡

平樂縣

脩武縣

嘉

陵縣

卷之三

卷之三

三


陰平郡本廣漢北部都尉永平後羌虜數反遂置爲郡屬縣四戶萬去洛二千三百四十四里東接漢中南接梓潼西接隴西北接酒泉土地山嶮人民剛勇多氏復有黑白水羌紫羌胡虜風俗所出與武都畧同漢安帝永初二年羌反燒郡城郡人退住白水會漢陽諸羌反溢入漢殺太守漢陽杜琦自稱將軍叛亂廣漢郡屯葭萌漢使御史大夫唐喜討琦進討羌經年不下詔賜死更遣中郎將尹就討羌亦無功諸郡太守皆屯涪元初五年巴郡板楯軍救漢中漢中大破羌羌乃退郡復治置助郡都尉劉先主之入漢

中也爭二郡不得建興七年諸葛亮始命陳戒平之魏亦遙置其郡屬雍州自景谷有步道徑江由左儋行出涪鄧艾從之伐蜀元康六年還蜀梁州永嘉末太守王鑿粗暴郡民毛深左騰等逐出之相率降李雄晉民盡出蜀氏羌爲楊茂搜所占有的陰平縣郡治漢曰陰平道也 甸氏縣有白水出徼外入漢平武縣有關尉自景谷有步道徑江由左儋出涪鄧艾伐蜀道也劉主時置義守號關尉 剛氏縣涪水所出有金銀鑛 右梁州 譏曰漢沔彪炳靈光上照在天鑿爲雲漢於地畫爲

梁州而皇劉應之洪祚攸長蕭公之云不亦宜乎

華陽國志卷第二

華陽國志卷第三



常璩著
明 吳琯校

蜀志

蜀之為國肇於人皇與巴同囿至黃帝為其子昌意娶蜀山氏之女生子高陽是為帝嚳封其支庶於蜀世為侯伯歷夏商周武王伐紂蜀與焉其地東接于巴南接于越北與秦分西奄峨嶓地稱天府原曰華陽故其精靈則井絡垂耀江漢遵流河圖括地象曰岷山之下為井絡帝以會昌神以建福夏書曰岷山

導江東別爲沱泉源深盛爲四瀆之首而分爲九江
其寶則有璧玉金銀珠碧銅鐵鉛錫赭堊錦繡麝鼈
犀象鼈鼉丹黃空青桑漆麻紵之饒滇獠寶玳僮僕
六百之富其卦值坤故多斑綵文章其辰值未故尚
滋味德在少昊故好辛香星應輿鬼故君子精敏小
人鬼黠與秦同分故多悍勇在詩文王之化被乎江
漢之域秦幽同詠故有夏聲也其山林澤漁園囿果
瓜四時代熟靡不有焉有周之世限以秦巴雖奉王
職不得與春秋盟會君長莫同書軌周失綱紀蜀先
稱王有蜀侯蠶叢其目縱始稱王死作石棺石槨國

人從之故俗以石棺槨爲縱目人家次王曰栢灌次
王曰魚鳧魚鳧王田於湔山忽得仙道蜀人思之爲
立祠後有王曰杜宇教民務農一號杜王時朱提有
梁氏女利遊江源宇悅之納以爲妃移治郫邑或治
瞿上七國稱王杜宇稱帝號曰望帝更名蒲野自以
功德高諸王乃以褒斜爲前門熊耳靈關爲後戶玉
壘峨眉爲城郭江潛綿洛爲池澤以汶山爲畜牧南
中爲園苑會有水災其相開明決玉壘山以除水害
帝遂委以政事法堯舜禪授之義遂禪位于開明帝
升西山隱焉時適二月子鵠鳥鳴故蜀人悲子鵠鳥

鳴也巴亦化其教而力農務迄今巴蜀民農時先祀
杜主君開明位號曰叢帝叢帝生盧帝盧帝攻秦至
雍生保子帝帝攻青衣雄張獠夔九世有開明帝始
立宗廟以酒曰醴樂曰荆人尚赤帝稱王時蜀有五
丁力士能移山舉萬鈞每王薨輒立大石長三丈重
千鈞爲墓志今石笋是也號曰笋里未有謚列但以
五色爲主故其廟稱青赤黑黃白帝也開明王自夢
廓移乃徙治成都周顯王之世蜀王有褒漢之地因
獵谷中與秦惠王遇惠王以金一笥遺蜀王王報珍
玩之物物化爲土惠王怒羣臣賀曰天奉我矣王將

得蜀土地惠王喜乃作石牛五頭朝瀉金其後曰牛
便金有養卒百人蜀人悅之使使請石牛惠王許之
乃遣五丁迎石牛旣不便金怒遣還之乃嘲秦人曰
東方牧犢兒秦人笑之曰吾雖牧犢當得蜀也武都
有一丈夫化爲女子美而豔蓋山精也蜀王納爲妃
不習水土欲去王必留之乃爲東平之歌以樂之無
幾物故蜀王哀之乃遣五丁之武都擔土爲妃作冢
蓋地數畝高七丈上有石鏡今成都北角武擔是也
後王悲悼作更邪歌隴歸之曲其親埋作冢者皆立
方石以志其墓成都縣內有一方折石圍可六尺長

三丈許去城北六十里曰毗橋亦有一折石亦如之
長老傳言丁士擔土擔也公孫述時武擔石折故治
中從事任文公歎曰噫西方智士歿吾其應之歲中
卒周顯王二十二年蜀侯使朝秦秦惠王數以姜女
進蜀王感之故朝焉惠王知蜀王好色許嫁五女於
蜀蜀遣五丁迎之還到梓潼見一大蛇入穴中一人
覽其尾掣之不禁至五人相助大呼拽蛇山崩時壓
殺五人及秦五女并將從而山分爲五嶺直頂上有
平石蜀王痛傷乃登之因命曰五婦冢山川平石上
爲望婦塚作思妻臺今其山或名五丁冢蜀王別封

弟葭萌於漢中號苴侯命其邑曰葭萌焉苴侯與巴
王爲好巴與蜀讎故蜀王怒伐苴侯苴侯奔巴求救
於秦秦惠王方欲謀楚羣臣議曰夫蜀西僻之國戎
狄爲鄰不如伐楚司馬錯中尉田真黃曰蜀有桀紂
之亂其國富饒得其布帛金銀足給軍用水通于楚
有巴之勁卒浮大船舶以東向楚楚地可得得蜀則
得楚楚亡則天下并矣惠王曰善周慎王五年秋秦
大夫張儀司馬錯都尉墨等從石牛道伐蜀蜀王自
於葭萌拒之敗績王遜走至武陽爲秦軍所害其傳
相及太子退至逢鄉死於白鹿山開明氏遂亡凡王

蜀十二世秦十月蜀平司馬錯等因取苴與巴焉周
赧王元年秦惠王封子通國爲蜀侯以陳壯爲相置
巴郡以張若爲蜀國守戎伯尚強乃移秦民萬家實
之三年分巴蜀置漢中郡六年陳壯反殺蜀侯通國
秦遣庶長甘茂張儀司馬錯復伐蜀誅陳壯七年封
子惲爲蜀侯司馬錯率巴蜀衆十萬大船舶萬艘米
六百萬斛浮江伐楚取商於之地爲黔中郡五年惠
王二十七年儀與若城成都周迴十二里高七丈郾
城周迴七里高六丈臨邛城周迴六里高五丈造作
下倉上皆有屋而置觀樓射圃成都縣本治赤里街

若徙置少城內城營廣府金置鹽鐵市官并長丞修
整里闐市張列肆與咸陽同制其築城取土去城十
里因以養魚今萬歲池是也惠王二十七年也城北
又有龍壩池城東有千秋池城西有柳池冬夏不竭
其園囿因之平陽山亦有池澤蜀之漁畋之地也赧
王十四年蜀侯惲祭山川獻饋於秦孝文王惲後母
害其寵加毒以進王王將嘗之後母曰饋從二千里
來當試之王與近臣近臣卽斃文王大怒遣司馬錯
賜惲劔使自裁惲懼夫婦自殺秦誅其臣郎中令嬰
等二十七人蜀人葬惲郭外十五年王封其子綰爲

蜀侯十七年聞憚無罪冤枉使喪入葬之郭內
初則炎旱三月後又霖雨七月車溺不得行喪車至
城北門忽陷入地中蜀人因名北門曰咸陽門爲蜀
侯憚立祠其神有靈能興雲致雨水旱禱之三十年
疑蜀侯縮反王復誅之但置蜀守張若因取筭及其
江南地焉周滅後秦孝文王以李冰爲蜀守冰能知
天文地理謂汶山爲天彭門乃至湔及縣見兩山對
如闕因號天彭鬪髣髴若見神遂從水上立祀三所
祭用三牲珪璧沈瀆漢興數使使者祭之冰乃壅江
作壩穿郫江檢江別支流雙過郡下以行舟舡岷山

自涉水經注
作白方

多梓柏大竹頽隨水流坐致材木功省用饒又溉灌
三郡開稻田於是蜀沃野千里號爲陸海旱則引水
浸潤雨則杜塞水門故記曰水旱從人不知饑饉時
無荒年天下謂之天府也外作石犀五頭以厭水精
穿石犀溪於江南命曰犀牛里後轉置犀牛二頭一
在府市市橋門今所謂石牛門是也一在淵中乃自
前堰上分穿羊摩江灌江西於玉女房下自涉郵作
三石人立三水中與江神要水竭不至足盛不沒肩
時青衣有沫水出蒙山下伏行地中會江南安觸山
脇溷崖水脈漂疾破害舟船歷代患之水發卒鑿平

溷崖通正水道或曰水鑿崖時水神怒水乃操刀入水中與神鬪至今蒙福棘道有故蜀王兵闌亦有神作大灘江中其崖嶮峻不可鑿乃積薪燒之故其處懸崖有赤白五色冰又通窄通汶井江徑臨邛與蒙溪分水白木江會武陽天社山下合江又導洛通山洛水或出瀑口經什邡郫別江會新都大渡又有綿水出紫巖山經縣竹入洛東流過資中會江陽皆漑灌稻田膏潤稼穡是以蜀川人稱郫繁曰膏腴綿洛爲浸沃也又識齊水脉穿廣都鹽井諸陂池蜀於是盛有養生之饒焉漢祖自漢中出三秦伐楚蕭何發

蜀漢米萬船而給助軍糧收其精銳以補傷疾雖王有巴蜀南中不賓也高祖六年始分置廣漢郡高后六年城棘道開青衣孝文帝末年以廬江文翁爲蜀守穿湔江口漑灌繁田千七百頃是時世平道治民物阜康承秦之後學校陵夷俗好文刻翁乃立學選吏子弟就學遣雋士張叔等十八人東詣博士受七經還以教授學徒鱗萃蜀學比於齊魯巴漢亦立文學孝景帝嘉之令天下郡國皆立文學因翁倡其教蜀爲之始也孝武帝皆徵入叔爲博士叔明天文災異始作春秋章句官至侍中揚州刺史元光四年置

蜀四部都尉元鼎二年立成都十八郭於是郡縣多
城觀矣六年分廣漢置犍爲郡元封元年分犍爲置
牂柯郡二年分牂柯置益州郡六年以廣漢西部蜀
南郡爲越雋郡北部冉龐爲汶山郡邛笮爲沉黎郡
合置二十餘縣天漢四年罷沉黎置兩部都尉一治
旄牛主外羌一治青衣漢民孝宣帝地節三年罷汶
山郡置北部都尉時又穿臨邛蒲江鹽井二十所增
置鹽鐵官蜀自漢興至于哀平皇德隆熙牧守仁明
宣德立教風雅英偉之士命世挺生感於帝思於是
璽書交馳於斜谷之南玉帛踐乎梁益之鄉而西秀

彥盛或龍飛紫闥允陟璿璣或盤桓利居經綸皓素
故司馬相如耀文上京楊子雲齊聖廣淵嚴君平經
德秉哲王子淵才高名雋李仲元湛然岳立林翁儒
訓誥玄遠何君公謨明弼諧王延世著勳河平其次
楊壯何顯得意之徒恂恂焉斯蓋華岷之靈標江漢
之精華也故益州刺史王襄悅之命王褒作中和頌
令胄子作鹿鳴聲歌之以上孝宣帝帝曰此盛德之
事朕何以堪之卽拜爲郎降及建武以後爰迄靈獻
文化彌純道德彌臻趙志伯三遷台衡子柔兄弟相
繼元輔司空張公宣融皇極太常仲經爲天下材英

廣陵太守張文紀號天下整理武陵太守杜伯持能
決天下所疑王稚子震名華夏常茂尼流芳京尹其
次張俊秦宓英辯博通董扶楊厚究知天文任定祖
訓徒同風洙泗其孝悌則有姜詩感物寤靈禽堅精
動殊俗隗通石橫中流吳順赤烏來巢其忠貞則王
皓隕身不傾朱遵絆馬必死王累懸頸州門張任守
節故主其淑媛則有元常紀常程玦及吳幾先絡耶
之二姚殷氏兩女趙公夫人自時厥後龍宗有鱗鳳
集有翼摺紳邵右之疇比肩而進世載其美是以四
方述作有志者莫不仰其高風範其儀則擅名八區

爲世師表矣其忠臣孝子烈士貞女不勝詠述雖魯
之詠洙泗齊之禮稷下未足尚也故漢徵八士蜀有
四焉然秦惠文始皇克定六國輒徙其豪俠於蜀資
我豐土家有鹽銅之利戶專山川之材居給人足以
富相尚故工商致結駟連騎豪族服王侯美衣娶嫁
設太牢之厨膳歸女有百兩之徒車送葬必高墳瓦
椁祭奠而羊豕夕牲贈襚兼加贈賻過禮此其所失
原其由來染秦化故也若卓王孫家僮千數程鄭各
八百人而郗公從禽巷無行人簫鼓歌吹擊鐘肆懸
富侔公室豪過田文漢家食貨以爲稱首蓋亦地沃

土豐奢侈不期而至也

蜀郡州治屬縣五曰漢廿七萬晉六萬五千去洛三千一百二十里東接廣漢北接汶山西接漢嘉犍爲州治大城郡治少城西南兩江有七橋直西門郫江中冲治橋西南石牛門曰市橋下石犀所潛淵中也城南曰江橋南渡流曰萬里橋西上曰夷里橋上曰竿橋橋從冲治橋西出折曰長昇橋郫江上西有永平橋長老傳言李冰造七橋上應七星故世祖謂吳漢曰安軍宜在七星間城北十里有昇仙橋有送客觀司馬相如初入長安題市門曰不乘赤車駟馬不

過汝下也其郫西上有永平橋於是江衆多作橋故

蜀立里多以橋爲名

按水經注中洮作冲里

其大江自湔堰下

至犍爲有五津始曰白華津二曰里津三曰江首津

四曰涉頭津劉璋時召東州民居此改曰東州頭五

曰江南津入犍

有漢安橋玉津東沮津津亦七始

文翁立文學精舍講堂作石室一作玉室在城南永

初後堂遇火太守陳留高耿更修立又增造二石室

州奪郡文學爲州學郡更於夷里橋南岸道東邊

文學有女墻其道西城故錦官也錦江織錦濯其中

則鮮明濯他江則不好故命曰錦里也西又有車官

歐陽公集古錄引顏有甚蓋州學館廟堂祀云華陽國志云爲蜀郡守也漢堂作石室一名至堂安帝永初間裂火爲父堂及至合並皆焚燬惟存石室存至高祖於至堂東後居一石室爲用公初感其文與以異小蓋

者劍前已非有善也
日百見之本夫類有
此托物言志為叔常時
人占下久与遠望想
陳不

城其城東西南北皆有軍營壘城其郡四出大道道
實二十里有衢今言十八里者昔蜀王女未嫁年二
十亡王哀悼不忍言二十故言十八也王女墓在城
北今王女陌是也其太守著德垂績者前漢莫聞建
武以來有第五倫廉范叔度特垂惠愛百姓歌之曰
廉叔度來何暮來時我單衣去時重五袴其後漢中
趙瑤自扶風太守來之郡司空張温謂曰第五伯魚
從蜀郡為司空今掃吾第以待足下瑤與廣漢陳留
高朕亦播文教太尉趙公初為九卿適子甯還蜀朕
命為文學撰鄉俗記亦能屈士如此廣漢王商捷為

楊洪皆見詠懷及晉建西夷府太守多遷為西夷校
尉亦遷益州刺史

成都縣郡治有十二鄉五部尉漢戶七萬晉三萬七
千名難治時廣漢馮顥為令而太守京兆劉宣不奉
法令顥奏之立文學學徒八百人實戶口萬八千開
稻田百頃治蹟尤異後有廣漢劉龐為令大姓恣縱
諸趙倚公故多犯法濮陽太守趙子真父子強橫龐
治其罪莫不震肅郫民楊伯侯奢侈大起塚營因龐
為郫令伯侯遂徙占成都龐復為成都豪右敬服有
蜀侯祠大姓有柳杜張趙郭楊氏豪富先有程鄭郗

公後有郭子平奢豪楊伯侯兄弟 郫縣郡西北六十里冠冕大姓何羅郭氏 繁縣郡北九十里有泉水稻田三張爲甲族 江原縣郡西渡大江濱文井江去郡一百二十里有青城山稱江祠安漢上下朱邑出好麻黃潤細布有羌筒盛小亭有好稻田東方常氏爲大姓文井上有守捉三十里上有天馬祠臨邛縣郡西南二百里本有邛民秦始皇從上郡實之有布濮水從布濮來合火井江有火井夜時光映上昭民欲其火光以家火授之頃許如雷聲火焰出通耀數十里以竹筒盛其光藏之可拽行終日不滅

也井有二水取井火煮之一斛水得五斗鹽家火煮之得無幾也有古石山有石鑛大如蒜子火燒合之成流支鐵甚剛因置鐵官有鐵祖廟祠漢文帝時以鐵銅賜侍郎鄧通通假民卓王孫歲取千疋故王孫貨累巨萬億鄧通錢亦盡天下王孫女文君能鼓琴時有司馬長卿者臨邛令王吉與之遊王孫家文君因奔長卿漢世縣民陳立歷巴郡牂柯天水太守有異政陳氏劉氏爲大姓冠蓋也 廣都縣郡西三十里元朔二年置有鹽井漁田之饒大豪馮氏有魚池鹽井縣凡有小井十數所及魚田之饒江有魯漕梁

山有鐵鑛江西有安稻田穿山崖過水二十里漢時縣民朱辰字元燕爲巴郡太守甚著德惠辰卒官郡獲民北送及墓穰耆鼓刀辟踊感動路人於是葬所草木頃許皆倣之曲折迄今蜀人莫不歎辰之德靈爲之感應今朱氏爲首族也成都市官本有長建甃十八年省蜀郡太康初屬王國改號曰成都內史王改封乃復舊

廣漢郡高帝六年置屬縣八漢戶十七萬晉四萬去洛三千里南去成都百二十里西接汶山北接梓潼東接巴郡本治繩鄉安帝永和中陰平漢中羌反元

初二年移涪後治雒城王莽改曰就都公孫述名曰子同益州以蜀郡廣漢犍爲三蜀土地沃美人士俊又爲一州稱望然漢選蜀郡廣漢太守每重德高俊故前有趙護第五伯魚後有蔡陳表章禮物殊於諸郡其太守著功德者有劉感孫賓蔡陳寵伯魚自郡徑遷司徒寵亦至三公而殺諷尹睦鮮于定趙瑤皆公望也薛鴻輩卿佐也而許靖亦爲上公及何祗常閤皆有稱望以處州中益州恒治此郡初平中益州牧劉焉自綿竹移雒縣城築闕門云其地不王乃留孫修據之建安十八年劉先主自涪攻圍且一年軍

師龐統中流矢歿先主痛惜言則涕泣廣漢太守南陽張存曰統雖可惜違大雅之體先主怒曰統殺身成仁非仁者乎卽免存官十九年牧雒城援襄陽馬良書詣諸葛亮曰承雒縣已下尊兄配業先國臆兆見矣時州或治成都時復治雒爲蜀淵府 雒縣郡治汎鄉有孝子姜詩田地宅姓族有鐔李郭翟氏綿竹縣劉焉初所治綿與雒各出稻稼畝收三十斛有至十五斛漢時任安定祖以儒學教號侔洙泗有多士秦杜爲首族也 什邡縣山出好茶楊氏爲大姓美田有鹽井 新都縣蜀以成都廣都新都爲三

都號名城有金堂山水通于巴漢時五倉名萬安倉有棗魚梁多名士有楊厚董扶又有四姓馬史汝鄭者也 五城縣郡東南有水通于巴漢時置五倉發五縣民尉部主之後因以爲縣出龍骨云龍升其山值天門閉不達墮歿於此後沒地中故掘取得龍骨 郫縣有山原田富國鹽井濮出好棗宜君山出麋尾特好入貢大姓王李氏又有高馬家世常部曲蜀時高勝馬秦皆叛伏誅 廣漢縣有山原田蜀時彭義有雋才晉世改號令德故二姓爲甲族也 德陽縣有青石祠山原肥沃有澤漁之利士女貞孝望山

樂水土地易爲生事車騎將軍鄧芝雅有終焉之思後遂葬其山太守夏侯慕時古濮爲功曹康古袁氏爲四姓大族之甲者也劉氏延熙中分廣漢四縣置東廣漢郡咸熙初省泰始末又分置新都郡太康省末年又置蜀王國蜀郡常騫爲內史永嘉末省

犍爲郡孝武建元六年置時治犍縣十二漢戶十萬犍故犍爲地是也犍有犍山見保乾圖武帝初欲開南中令蜀通犍青衣道是元年犍道令通之費功無成百姓愁怨司馬相如諷諭之使者唐蒙將南入以道不通執令將斬之令歎曰忝官益土恨不見成都

市蒙卽令送成都市而殺之蒙乃斬石通閣道故世爲諺曰思都郵斬令頭云後蒙爲都尉治南夷道元光五年郡移治南廣四年益州刺史任安城武陽孝昭元年郡治犍道後遂徙武陽至晉屬縣五戶二萬去洛三千二百七十里東接江陽南接朱提北接蜀郡西接廣漢王喬升其北山彭祖家其彭蒙白虎仁於廣德寶鼎見於江漑流緩和五年又上寶磬十六劉向以爲美化所降用立辟雍而士多仁孝女姓貞專王莽改曰西順郡人不會更始都南陽遠奉貢職及公孫述有蜀郡拒守述伐之郡功曹朱遵逆戰衆寡

不敵遵絆馬歿戰遂爲述所并而任君業閉戶費貽
素隱光武帝嘉之曰士大夫之郡也郡去成都百五
十里渡大江昔人作大橋曰漢安橋廣一里半每秋
夏水盛斷絕歲歲修理百姓苦之建安二十一年太
守南陽李嚴乃鑿天社山尋江通車道省橋梁三津
吏民悅之嚴因更造起府寺觀壯麗爲一州勝宇二
十四年黃龍見武陽赤水九日蜀以劉氏瑞應其太
守漢興以來鮮有顯者 武陽縣郡治有王喬彭祖
祠蒲江大堰灌郡下六門有朱遵祠山出鐵及白玉
特多大姓有七陽五李諸姓十二也 南安縣郡東

四百里治青衣江會縣溉有名灘一曰雷垣二曰鹽
概李冰所平也有柑橘官社漢有鹽井南安武陽皆
出名茶多陂池西有熊耳南有峨眉山山去縣八十
里孔子地圖言有仙藥漢武帝遣使者祭之欲致其
藥不能得有四姓能宣謝審五大族楊費又有信士
呂孟貞紀至行也 犍道縣在南安東四百里拒郡
百里高后六年城之治馬湖江會水通越雋本有犍
人故秦紀言犍童之富漢民多漸斥徙之有荔支薑
蒟濱江有兵欄後漢書注引本志云李冰燒之崖有
五色赤白映水玄黃魚從楚來至此而止畏崖映水

也有韓原素祠又有孝子隗通爲母汲江齋水天爲
出平石生江中今石在馬湖江而孝子吳順養母赤
烏巢其門朔容江出好磨石崩江多魚良失在於徵
巫好鬼妖大姓吳隗又有楚石薛相者 牛鞞縣受
新都江去郡三百里元鼎二年置相陽明鹽井程韓
氏爲冠蓋之族資中縣受牛鞞江也

江陽郡先有王延世著勳河平後有董鈞爲漢定禮
王董張趙爲四族二縣在中多山田少種稻之地本
犍爲枝江都尉建安十八年置郡漢安程徵石謙白
州牧劉璋求立郡璋聽之以都尉廣漢成存爲太守

屬縣四戶五千去洛四千八十里東接巴郡南接牂
柯西接廣漢犍爲北接廣漢有荔支巴菽桃枝蒟給
橙俗好文刻少儒學多樸野蓋天性也 江陽縣郡

治江雒會有方山蘭祠江中有大關小關季春黃龍
堆沒闕卽平昔云世祖微時過江陽有一子望氣者
曰江陽有貴兒氣王莽求之縣人殺之後世祖爲子
立祠謫江陽民不使冠帶者數世有富義鹽井又郡
下百二十里者曰伯塗魚梁六伯氏女爲塗氏婦梁

四姓王孫程鄭八族又有魏趙先周也

有荔支巴菽
桃枝蒟給橙

字與上文巴志序所
稱菓蔓名大同小異

漢安縣郡東五百里土地雖

迫山水特美好宜蠶桑有鹽井魚池以百數家家有
馬一郡豐沃四姓程石姚郭八族張季李趙董而程
石傑立郡常秉議論選之符縣郡東二百里元鼎
二年置治安樂水會東接巴蜀樂城南水通平羌營
縣永建元年十二月縣長趙祉遣吏先尼和拜檄巴
蜀守過成瑞灘死子賢求喪不得女絡年二十五迺
分金珠作二錦囊繫兒頭下至二年二月十五日女
絡乃乘小船至父沒所哀哭自沈見夢告賢曰至二
十一日與父屍俱出至日父子浮出縣言郡太守蕭
登高之上尚書遣戶曹掾爲之立碑人爲語曰符有

先絡楚道張帛求其人天下無有其偶者矣按楚道黃帛張事頗類此語乃去新樂縣郡西二百八十里元康

貞事也沈身未真

五年置西楚楚道有鹽井大姓魏呂氏

汶山郡本蜀郡北部冉駝都尉孝武元封四年置舊
屬縣八戶二十五萬去洛三千四百六十三里東接
蜀郡南接漢嘉西接梁州酒泉北接陰平有六夷羌
胡羌虜白蘭蚬九種之戎牛馬旄氍斑斕青頓髦毼
羊羖之屬特多雜藥名香土地剛鹵不宜五穀惟種
麥而多冰寒盛夏凝凍不釋故夷人冬則避寒入蜀
庸賃自食夏則避暑反落歲以爲常故蜀人謂之作

京白茂州下注引華陽
國志云宣帝地節二年
武都白馬羌反使駱武
平定之文山支民詣武
自強歲丹度金賦注
重邊人負甚無得供給
從者郡邊有汶山郡
置新尉今自文山支民
以皆無之蓋亦非實
白馬見之本兵

五百石子也宣帝地節元年武都白馬羌反使者駱
武平之因拜越雋太守迎者如雲後蜀郡趙温亦著
治績故王莽遣任貴爲鎮戍大尹守之自建武後數
叛章武三年越雋叟大師高定元稱王恣睢遣都督
李承之殺將軍梓潼焦璜破沒郡土丞相亮遣越雋
太守龔祿任安上縣遙領太守安上去郡八百里有
名而已建興三年蜀安南將軍馬忠率越雋郡夷郡
夷剛狼皆鴟視忠率越雋太守張嶷將所領之郡誘
殺蘇祈邑君冬逢及其弟隗渠等懷集種落威信允
著諸種漸服又斬斯都耆師李承之首及手殺焦璜

龔祿者也又討叛鄙降夷人安種落蠻夷率服嶷始

以郡邪宇頽更築小塢居之

舊本記此段訛舛不可重叙姑考事之本末畧

加整頓

延熹二年乃還舊郡更城郡城夷人男女莫

不致力興復七縣嶷遷復後頗姦宄雖有四部斯兒

及七營軍不足固守乃置赤甲北軍二牙門及斯兒

督軍中堅衛夷徼 卽都縣郡治因卽邑名也卽之

初有七部後爲七部營軍又有四部斯兒南山出銅

有溫泉穴冬夏熱其溫可湯雞豚下流治疾病餘多

惡水水神護之不可污穢及沈亂髮照面則使人被

惡疾一郡通云然 臺登縣有孫水一曰白沙江入

馬湖水山有磐石火燒成鐵剛利禹貢厥賦磐是也
又有漆漢末夷皆有之疑取焉張焜 闡縣故邛人
邑邛都接寒關今省 蘇示縣漢末夷王及弟隗渠
數偕叛以服諸種張焜先殺王弟隗渠又叛遁入西
徼遣親信二人使焜焜知姦計以重賂使使殺渠渠
死夷徼肅清縣晉省 會無縣路通寧州渡瀘得任
狼縣故濮人邑也今有濮人家冢不閉戶其穴多有
碧珠人不可取取之不祥有天馬河馬日千里後死
於蜀莽江原小亭今天馬冢是也縣有天馬祠初民
家馬牧山下或產駿駒云天馬子也今其天馬逕厥

迹存焉河中有銅船今以羊祀之可取河中見存土

地時產犀牛山色青碧

後漢書註引
本志田无馬

大竿縣漢末

省也

定笮縣笮笮夷也汶山曰夷南中曰昆明漢

嘉越雋曰笮蜀曰邛皆夷種也縣在郡西渡瀘水賓

剛徼白摩沙夷有鹽池積薪以齊水灌而後焚之成

鹽漢末夷皆錮之張焜往爭夷帥岑槃木明不肯服

焜禽捷殺之厚賞賜餘類皆安官迄有之北沙河是

三縫縣一曰小會無音三播

音三播
字疑誤

通道寧州渡


瀘得蜻蛉縣有長谷石時平中有石豬子母數千頭
長老傳言夷昔牧豬於此一朝豬化為石迄今夷不

敢往牧 卑水縣去郡三百里水流通馬湖 潛溪
縣漢末置晉初省 安上縣 馬湖縣水通夔道入
江晉初省 右益州漢初統郡五後漸分建蜀郡及
巴郡又分爲五郡廣漢漢中犍爲爲四郡又開益州
五郡合二十五郡又寧州梁州建復增七郡蜀於是
有州四十二郡一百九十六縣州州分後益州凡新
舊郡九縣四十八戶夷晉二十四萬

議曰蜀之爲邦天文井絡輝其上地理岷嶓鎮其域
五岳華山表其陽四瀆則汶江出其徼故上聖則大
禹生其鄉媾姻則黃帝婚其女 族大賢彭祖育其
山列仙王喬升其岡而寶鼎輝光於中流驪龍仁虎
躍乎淵陵開闢及漢國富民殷府腐穀帛家蘊畜積
雅頌之聲充塞天衢中穆之詠侔乎二南蕃衍三州
土廣萬里方之九區於斯爲盛固乾坤之靈囿先王
之所經緯也

華陽國志卷第三

華陽國志卷第四



晉常璩著

明吳瑄校

南中志

寧州晉泰始六年初置蜀之南中諸郡庾亮都督治也南中在昔蓋夷越之地滇濮句町夜郎葉榆桐師
舊唐侯王國以十數編髮左衽隨畜遷徙莫能相雄
長下永昌縣有舊唐縣周之季世楚威王遣將軍莊躋泝沅水
出且蘭以伐夜郎植牂牁繫船於是且蘭既尅夜郎
又降而秦奪楚黔中地無路得反遂留王滇池躋楚

莊王苗裔也以繫船因名且蘭爲牂牁國分侯支黨
傳數百年秦并蜀通五尺道置吏主之漢興遂不賓
有竹王者興於邈水有一女子浣於水濱有三節大
竹流入女子足間推之不肯去聞有兒聲取持歸破
之得一男兒長養有才武遂雄夷狄以竹爲姓捐所
破竹於野成竹林今竹王祠竹林是也王與從人嘗
止大石上命作羹從者曰無水王以劔擊石水出今
王水是也破石存焉後漸驕恣武帝使張騫至大夏
國見邛竹蜀布問所從來曰吾賈人從身毒國得之
身毒國蜀之西國今永昌是也騫以白帝東越攻南

越大行王恢救之恢使番陽令唐蒙曉喻南越南越
人食有茺醬蒙問所從曰牂牁來蒙亦以白帝因上
書曰南越地東西萬里名爲外臣實一州主今以長
沙豫章往水道多絕難行竊聞夜郎精兵可得十萬
若從番禺浮船牂牁出其不意此制越之一奇也可
通得夜郎道爲置吏主之帝乃拜蒙中郎將巴蜀兵
千人奉幣帛見夜郎候喻以威德爲置吏旁小邑皆
貪漢繒帛以爲道遠漢終不能有也故皆且聽命司
馬相如亦言西戎邛笮蜀之後園可置爲郡帝旣感
邛竹又甘茺醬乃拜爲中郎將往喻意皆聽命後西

南夷數反廢運興役費甚多相如知其不易也乃假
巴蜀之論以諷帝且以宣指便於百姓檄文在本傳卒開
棘門通南中相如持節開越雋按道侯韓說開益州
武帝傳拜唐蒙為都尉開牂牁以重幣喻告諸種侯
王侯王服從因斬竹王置牂牁郡以吳霸為太守及
置越雋朱提益州四郡後夷濮阻城感怨訴竹王非
血氣所生求立後嗣霸表封其三子列侯歿配食父
祠今竹王三郎神是也昭帝始元元年益州廉頭姑
繒等二十四縣民反水衡都尉呂破奴募吏民及發
犍為蜀郡奔命擊破之後三歲姑繒復反都尉呂辟

辟胡擊之敗績明年遣大鴻臚田廣明等大破之斬
首捕虜五萬人獲畜產十萬餘頭富埒中國封其渠
帥王波為句町王以助擊反者故也廣明賜爵邑成
帝時夜郎王興與句町王禹漏卧侯俞更相攻擊帝
使太中大夫張戾持節和解之句町夜郎王不服乃
刻木作漢使射之大將軍王鳳薦金城司馬蜀郡陳
立為牂牁太守何霸為中郎將出益州立既到郡單
車至夜郎召興與與邑君數千人來見立立責數斬興
邑君皆悅服興與妻父翁指與興子恥復反立討之威
震南裔平帝末梓潼文齊為益州太守公孫述時拒

郡不服光武稱帝以南中有義

按漢書述據益土齊圍守拒險述拘齊妻

子許以封侯終不降聞光武即

位間道遣聞蜀平封齊成義侯

益州西部金銀寶貨之地居其官者皆富及十世孝明帝初廣漢鄭純獨尚清廉毫毛不犯夷漢歌詠表薦無數上自三司下及卿士莫不歎賞明帝嘉之因以為永昌郡拜純太守章帝時蜀郡王阜為益州太守治化尤異神馬四匹出滇池河中甘露降白鳥見始興文學漸遷其俗安帝永初中漢中陰平廣漢羌反征戰連年元初四年益州永昌越雋諸夷封離等反眾十餘萬多所殘破益州刺史張喬遣從事蜀郡楊竦將兵討之竦先

以詔書告喻告喻不從方略滌討凡殺虜三萬餘人獲生口千五百人財物四十餘萬降赦夷三十六種舉劾姦貪長吏九十人黃綬六十人諸郡皆平竦以

傷死故功不錄自是後少寧五十餘年迄靈帝熹平中蠻夷復反擁沒益州太守雍陟遣御史中丞朱龜將并涼勁兵討之不克朝議不能征欲依朱翟故事

翟

棄之太尉掾巴郡李顥獻陳方策以為可討帝乃拜顥益州太守與刺史龐芝伐之徵龜還顥將巴郡板楯軍討之皆破陟得生出後復更叛梓潼景毅為益州太守承喪亂後民夷困餓米一斗千錢皆離散毅

至安集後米一斗八錢建安十九年劉先主定蜀遣安遠將軍南郡鄧方以朱提太守庾降都督治南昌縣輕財果毅夷漢敬其威信方爲先主問代於治中從事建寧李恢對曰西零之後趙充國有言莫若老臣先主遂用恢爲都督治平夷縣先主薨後越雋叟帥高定元殺郡將軍焦璜舉郡稱王以叛益州大姓雍闓亦殺太守正昂更以蜀郡張裔爲太守闓假鬼教曰張裔府君如瓠壺外雖澤而內實粗殺之不可令縛與吳於是執送裔於吳吳王孫權遙用闓爲永昌太守遣故劉璋子闓爲益州刺史處交益州際牂

牁郡丞朱提朱褒領太守恣睢丞相諸葛亮以初遭大喪未便加兵遣越雋太守巴西龔祿任安上縣遙領郡從事蜀郡常頌行部南入以都護李嚴書曉諭闓闓荅曰愚聞天無二日土無二主今天下派分正朔有二遠人惶惑不知所歸其傲慢如此願至牂牁牧郡主簿考訊姦褒因煞頌爲亂益州夷復不從闓闓使建寧孟獲說夷叟曰官欲得烏狗三百頭膺前盡黑螭腦三斗斲木構三丈者三千枚汝能得不夷以爲然皆從闓斲木堅剛性委曲高不至二丈故獲以欺夷建興三年春亮南征自安上由水路入越雋

別遣馬忠伐牂牁李恢向益州以犍爲太守廣漢王士爲益州太守高定元自旄牛定笮卑水多爲壘守亮欲俟定元軍衆集合并討之軍卑水定元部曲殺雍闓及士庶等孟獲代闓爲主亮旣斬定元而馬忠破牂牁李恢敗於南中夏五月亮渡瀘進征益州生虜孟獲置軍中問曰我軍如何獲對曰恨不相知公易勝耳亮以方務在北而南中好叛亂宜窮其詐乃赦獲使還合軍更戰凡七虜七赦獲等心服夷漢亦思反善亮復問獲對曰明公天威也邊民長不爲惡矣秋遂平四郡改益州爲建寧以李恢爲太守加

安漢將軍領交州刺史移治味縣分建寧越嶲置雲南郡以呂凱爲太守又分建寧牂牁置興古郡以馬忠爲牂牁太守移南中勁卒青羌萬餘家於蜀爲五部所當無前號爲飛軍分其羸弱配大姓焦雍婁麤孟量毛李爲部曲置五部都尉號五子故南人言四姓五子也以夷多剛狠不賓大姓富豪乃勸令出金帛聘策惡夷爲家部曲得多者奕世襲官於是夷人貪貨物以漸服屬於漢成夷漢部曲亮收其俊傑建寧麤習朱提孟琰及獲爲官屬習官至領軍琰輔漢將軍獲御史中丞出其金銀丹漆耕牛戰馬給軍國

之用都督常重用人李恢卒後以蜀郡太守犍爲張翼爲都督翼持法嚴不得殊俗和夷帥劉胄反徵翼以馬忠爲代忠未至翼修攻戰方略資儲羣下懼翼曰吾方臨戰場豈可以絀退之故廢公家之務乎忠至承以滅胄蜀賜翼爵關內侯忠在南柔遠能邇甚垂惠愛官至鎮南大將軍卒後南人爲之立祠水旱禱之以蜀郡張表爲代加安南將軍又以犍爲楊義爲參軍副貳之表後以南郡閻宇爲都督南郡霍弋爲參軍弋甚善參毗之禮遂代宇爲監軍安南將軍撫和異俗爲之立法施教輕重允當夷晉安之及晉

世因仍其任時交趾不附假弋節遙領交州刺史得以便宜選用長吏令官和解夷人及適罰之皆依弋故事弋卒子在龔領其兵和諸姓晉以巴西太守吳靜在官數年撫卹失和軍司鮮于嬰表徵靜還嬰因代之泰始六年以益州大分南中四郡爲寧州嬰爲刺史咸寧五年尚書令衛瓘奏兼并州郡太康三年罷寧州置南夷以天水李毅爲校尉持節統兵鎮南中統五十八部夷族都監行事每夷供貢南夷府入牛金旃馬動以萬計皆豫作忿恚致校尉官屬其供郡縣亦然南人以爲饒自四姓子弟仕進必先經都

監夷人大種曰昆小種曰叟皆曲頭木耳環鐵裹結無大侯王如汶山漢嘉夷也夷中有桀黠能言議屈服種人者謂之耆老使爲主論議好譬喻物謂之夷經今南人言論雖學者亦半引夷經與夷爲姓曰遑耶諸姓爲自有耶世亂犯法輒依之藏匿或曰有爲官所法夷或爲執仇與夷至厚者謂之百世遑耶恩若骨肉爲其逋逃之藪故南人輕爲禍變恃此也其俗徵巫鬼好詛盟投石結草官常以盟詛要之諸葛亮乃爲夷作圖譜先畫天地日月君長城府次畫神龍龍生夷及牛馬羊後畫部主吏乘馬幡蓋巡行安

卹又畫牽牛負酒齋金寶詣之之象以賜夷夷甚重之許致生口直又與瑞錦鐵券今皆存每刺史校尉至齋以呈詣動亦如之毅後永昌呂祥爲校尉祥後數人李廣漢從雲南犍爲郡守爲校尉久之建寧太守巴西杜俊朱提太守梓潼雍約懦鈍無治政以賄成俊奪大姓鐵官令毛詵中郎李督部曲致詵弟耐罪朱提大姓太中大夫李猛有才幹弟爲功曹分當察舉而俊約受都尉雷逢賂舉逢子炤孝廉不禮猛猛等怨之天安元年秋詵督猛逐俊以叛猛遺之書曰昔魯侯失道季氏出之天之愛民君師所治知足

下追踵古人見賢思齊足下箕帚枉慚吾郡亦逐約
應之作亂衆數萬毅討破之斬誅首督走依遑耶五
茶夷帥于陵承猛箋降曰生長遐荒不達禮教徒與
李雄和光合勢雖不能營師五丈略地涓濱冀北斷
褒斜東據永安退考靈符晉德長久誠非狂夫所能
干輒表革面歸罪有司毅惡其言遂誘殺之行部永
昌從事江陽孫辨上南中形勢七郡斗絕晉弱夷強
加其土人屈塞應復寧州以相鎮慰冬十一月丙戌
詔書復置寧州增統牂牁益州朱提合七郡爲刺史
加龍驤將軍進封成都縣侯二年于陵承詣毅請恕

督罪毅許之督至羣下以爲誅督破亂州土必殺之
毅不得已許諾及督死于陵承及誅猛遑耶怒扇動
謀反奉建寧太守巴西馬恢爲刺史燒郡僞發毅方
疾作力出軍初以救恢及聞其情乃殺恢夷愈強盛
破壞郡縣役吏民會毅疾甚軍連不利晉民或入交
州或入永昌牂牁半亦爲夷所困虜夷因攻圍州城
毅但併力固孤城病篤不能戰討時李特李雄作亂
益州而所在有事救援莫致毅上疏陳謝不能式遏
寇害疾與事遇使虜遊覓兵穀旣單器械窮盡而求
救無望坐待殄斃若必不垂矜憂乞請大使及臣尚

存加臣重罪若臣已死陳屍為戮光熙元年春三月
 毅薨子釗任洛還赴到牂牁路塞停任交州文武以
 毅女秀明達有父才遂奉領州事秀初適漢嘉太守
 廣漢王載載將家避地在南故共推之又以載領南
 夷龍驤參軍秀獎厲戰討食糧已盡人但茹草炙鼠
 為命秀伺夷怠緩輒出軍掩破首尾三年釗乃得達
 丁喪文武復逼釗領州府事毅故吏毛孟等詣洛求
 救至欲自刎懷帝乃下交州使救助之以釗為平寇
 將軍領南夷護軍遣御史趙濤贈毅少府諡曰威侯
 交州刺史吾彥遣子威遠將軍咨以援之朝廷以廣

漢太守魏興王遜為南夷校尉寧州刺史代毅自永
 嘉元年受除四年乃至遙舉建寧董敏為秀才郡久
 無太守功曹周悅行郡事輕敏不下其板遜至怒殺
 悅悅弟秦臧長周曷合夷叟謀以趙濤父混昔為建
 寧有德惠欲殺遜樹濤誅之并殺濤夷晉莫不惶
 懼表釗為朱提太守治南廣禦雄時荒亂後倉無斗
 粟眾無一旅官民虛竭繩紀弛廢遜惡衣菜食招集
 夷民夷徼厭亂漸亦返善勞來不怠數年克復以五
 茶夷昔為亂首圖討之未有致罪會夷發夜郎莊王
 墓遜因此遂討滅之及討惡獠剛夷數千落威震南

方官至平西安南將軍又兼益州刺史加散騎常侍封褒中伯而嚴猛太過多所誅鋤犍爲太守朱提雷炤流民陰貢平樂太守董霸破牂牁平夷南廣北降李雄建寧爨量與益州太守李易梁水太守董懂保興古槃以_南叛雄遣叔父驤破越雋伐寧州遜使使督護雲南姚岳距驤於螳螂縣違遜指授雖大破驤不獲太興四年遜發病薨州人推中子堅領州事永昌元年晉朝更用零陵太守南陽尹奉爲寧州刺史南夷校尉加安西將軍奉威刑緩鈍政治不理咸和八年遂爲雄弟壽所破獲南中盡爲雄所有惟牂牁

謝恕不爲壽所用遂保郡獨爲晉官至撫夷中郎將寧州刺史冠軍是歲咸和八年也

牂牁郡漢武帝元鼎二年開屬縣漢十七戶六萬及晉縣四戶五千去洛五千六百一十里郡上值天井故多雨獠俗好鬼巫多禁忌畚山爲田無蠶桑頗尚學書少威儀多懦怯寡畜產雖有僮僕方諸郡爲貧王莽更名牂牁曰同亭郡不服會公孫述時三蜀大姓龍傳尹董氏與功曹謝暹保郡聞漢世祖在河北乃遠使使由番禺江出奉貢漢朝世祖嘉之號爲義郎明章之世母歛人尹珍字道真貞以生遐裔未漸庠

序乃遠從汝南許叔重受五經又師事應世叔學圖
緯通三材還以教授於是南域始有學焉珍以經術
選用歷尚書丞郎荊州刺史而世叔爲司隸校尉師
生並顯平夷傳寶夜郎尹貢亦有名德歷尚書郎長
安令巴郡太守彭城相號南州人士郡特多阻險有
延江霧赤煎水爲池衛少有亂惟朱褒見誅其郡守
垂功名者前有吳霸陳立後有漢中張亮則廣漢劉
寵犍爲費詩巴西馬忠皆著勳烈晉元帝世太守建
寧孟才以驕暴無恩郡民王清范期逐出之刺史王
遜怒分警半爲平夷郡夜郎以南爲夜郎郡四縣

萬壽縣郡治有萬壽山沮本有鹽井漢末時夷民共
詛盟不開今三郡皆無鹽且蘭縣音沮漢曰故且
蘭有柱蒲關也按地道記曰有沈水廣談縣毋歛縣有剛火
也

平夷郡晉元帝建興元年置屬縣二千戶 平夷縣

郡治有砭津安樂水山出茶蜜 營縣故犍爲郡城

也不狼山出豎水入沅有野生薜可食大姓王氏

夜郎郡夜郎國也屬縣二千戶 夜郎縣郡治有遯

水通廣鬱林有竹王三郎祠甚有靈響 談指縣按漢

書談指縣出丹江去
有不津江有瘴氣

晉寧郡本益州也元鼎初屬牂牁越雋漢武帝元封二年叟反遣將軍郭昌討平之因開爲郡治滇池上號曰益州漢屬縣二十四戶二十萬晉縣七戶萬去洛五千六百里司馬相如韓說初開得牛馬羊屬三十萬漢乃募徙死罪及奸豪實之郡土大平敞原田多長松臯有鸚鵡孔雀鹽池田漁之饒金銀畜產之富俗奢豪難撫御惟文齊王阜景毅李顥及南郡董和爲之防檢後遂爲善蜀建興三年丞相亮之南征以郡民李恢爲太守改曰建寧治味縣寧州別建爲益州郡後太守李暹恢孫也與前太守董儉建寧麩

量共叛寧州刺史王遜表改益州爲晉寧郡 滇池

縣郡治故滇國也有澤水周迴二百里所出深廣下流淺狹如倒流故曰滇池長老傳言池中有神馬或交焉卽生駿駒俗稱之曰滇池駒日行五百里水神祠祀亦有溫泉如越雋温水又有白蜩山山無石惟有蜩也 同勞縣 同安縣 連然縣有鹽泉南中共仰之 建寧縣 毋單縣 秦臧縣

建寧郡治故庾降都督屯也南人謂之屯下屬縣晉太安二年分爲益州平樂二郡合縣十三戶萬去洛五千六百二十九里有五部都尉四姓及霍家部曲

味縣郡治有明月社夷晉不奉官則官與共盟於

此社也 升麻縣山出好升麻有塗水按漢書為敷靡李音曰靡

音麻音書建寧郡有麻 同樂縣天姓夔氏 穀昌縣漢武帝

將軍郭昌討夷平之因名郭昌以威夷孝章時改為

穀昌也 同瀨縣按漢書地記曰銅虜山米水所出 雙栢縣 存

驪縣雍闓反結壘於縣山繫馬柳柱生成林今夷言

無雍梁夷言馬也 昆澤縣 漏江縣九十里出蠙

口 談橐縣有濮獠 泠丘縣有主獠 修雲縣

新定縣

平樂郡元帝建興元年刺史割建寧新定興遷二縣

新立平樂三沮二縣合四縣為郡後太守建寧董霸

叛降李雄郡縣遂省寧州北屬雄復為郡以朱提李

壯為太守朱提郡本犍為南部孝武帝元封二年置

屬縣四建武後省為犍為屬國至建安二十年鄧方

為都尉先主因易名太守屬縣五戶八千去洛五千

三百里先有梓潼文齊初為屬國穿龍池溉稻田為

民興利亦為立祠大姓朱魯雷興仇遜高李亦有部

曲其民好學濱犍為號多士人為寧州冠冕 朱提

縣郡治 堂螂縣因山名也出銀鉛白銅雜藥有堂

螂附子 南秦縣自犍道南廣有八亭道通平夷

漢陽縣有漢水延江 南昌縣故都督治有鄧安遠城也

南廣郡蜀延熙中置以蜀郡常竺爲太守蜀朝召竺入爲侍中巴西令狐衷代之建武九年省元帝世刺史王遜移朱提治郡南廣太守李釗數破雄殺賊大將樂初後刺史尹奉却郡還舊治及雄定寧州復置郡以興古太守朱提李播爲太守屬縣四戶千自棘道至未提有水步道水道有黑水及羊官水至險難行步道度三津亦艱阻故行人爲語曰猶溪赤木盤虵七曲盤羊烏櫛氣與天通看都濩泚住柱呼尹庖

降賈子左儋七里又有牛叩頭馬搏坂其險如此土地無稻田蠶桑多虵蛭虎狼俗妖巫惑禁忌多神祠

南廣縣郡治漢武帝大初元年置有鹽官 臨利

縣 常遷縣 新興縣

永昌郡古哀牢國哀牢山名也其先有一婦人名曰

沙壺

後漢作沙壺

依哀牢山下居以捕魚自給忽於水中

觸一沈木遂感而有娠度十月產子男十人後沈木化爲龍出謂沙壺曰君爲我生子今在乎而九子驚走惟一小子不能去陪龍坐龍就而舐之沙壺與言語以龍與陪坐因名曰元隆猶漢言陪坐也沙壺將

元隆居龍山下元隆長大才武後九兄曰元隆能與
龍言而黠有智天所貴也共推以爲王時哀牢山下
復有一夫一婦產十女元隆兄弟妻之由是始有人
民皆象之衣後着十尾臂脛刻文元隆死世世相繼
分置小王往往邑居散在溪谷絕域荒外山川阻深
生民以來未嘗通中國也南中昆明祖之故諸葛爲
其國譜也孝武時通博南山度蘭滄水潛溪置雋唐
不韋二縣徙南越相呂嘉子孫宗族實之因名不韋
以彰其先人惡行人歌之曰漢德廣開不賓渡博南
越蘭津渡蘭滄爲他人渡蘭滄水以取哀牢地哀牢

轉衰至世祖建武二十三年王扈栗

後漢作
賢栗

遣兵乘

筩船南攻鹿蓼鹿蓼民弱小將爲所擒會天大震雷
疾風暴雨水爲逆流筩船沈沒溺歿者數千人後扈
栗復遣六王攻鹿蓼鹿蓼王迎戰大破哀牢軍殺其
六王哀牢人埋六王夜虎掘而食之哀牢人驚怖引
去扈栗懼謂諸耆老曰哀牢畧徼自古以來初不如
此今攻鹿蓼輒被天誅中國有受命之王乎是何天
祐之明也漢威甚神卽遣使詣越雋太守願帥種人
歸義奉貢世祖納之以爲西部屬國其地東西三千
里南北四千六百里有穿曾儋耳種閩越濮鳩獠其

渠帥皆曰王孝明帝永平十二年哀牢押狼遣子奉獻明帝乃置郡以蜀郡鄭純爲太守屬縣八戶六萬去洛六千九百里寧州之極西南也有閩濮鳩獠僮越裸濮身毒之民土地沃腴黃金光珠虎魄翡翠孔雀犀象蠶桑綿絹采帛文繡又有貊獸食鐵猩猩獸能言其血何以染朱罽有大竹名濮竹節相去一丈受一斛許有梧桐木其花柔如絲民績以爲布幅廣五尺潔白不受汚俗名曰桐華布以覆亡人然後服之乃賣與人有蘭干細布蘭干獠言紵也織成文如綾錦又有罽旄帛疊水精瑠璃軻蟲蚌珠宜五穀出

出銅錫太守著名績者自鄭純後有蜀郡張化常員巴郡沈稚黎彪然顯者猶鮮章武初郡無太守值諸郡叛亂功曹呂凱奉郡丞蜀郡王伉保境六年丞相亮南征高其義表曰不意永昌風俗乃爾以凱爲雲南太守伉爲永昌太守皆封亭侯李恢遷濮民數千落于雲南建寧界以實二郡凱子祥太康中獻光珠五百斤還臨本郡遷南夷校尉祥子元康末爲永昌太守值南夷作亂閩濮反乃南移永壽去故郡千里遂與州隔絕呂氏世官領郡於今三世矣大姓陳趙謝楊氏不韋縣故郡治北蘇縣哀牢縣永

壽縣今郡治 舊唐縣有周水從徼外來 雍鄉縣

南里縣有翡翠孔雀 博南縣西山高四十里越

之得蘭滄水有金沙以火融之為黃金有光珠穴出

光珠有虎魄能吸芥又有珊瑚

雲南郡蜀建興三年置屬縣七戶萬去洛六千三百

四十三里本雲川地有熊倉山上有神鹿一身兩頭

食毒草有上方下方夷亦出華布孔雀常以二月來

翔月餘而去土地有稻田畜牧但不蠶桑 雲南縣

郡治 葉榆縣有河洲 遂久縣有繩水按廣志曰

有綠 柎棟縣有無血水水出連山 蜻蛉縣有鹽

官濮水同出山有碧雞金馬光影倏忽民多見之有

山神漢宣帝遣諫議大夫蜀郡王褒祭之欲致雞馬

褒道病卒故不宣著 其縣二別為郡

河陽郡刺史王遜分雲南置蜀縣四戶千 河陽縣

郡治在河中源州上也

梁水郡刺史王遜分置在興古之盤南 梁水縣郡

治有振山出銅 賁古縣采山出銀鉛銅鐵 西隨

縣按地道記曰麋水西受徼外東至麋冷入斷龍鷄

興古郡建興三年置屬縣十一戶四萬去洛五千八

百九十里多鳩獠濮特有瘴氣自梁水興古西平三

郡少穀有桄榔木可以作麵以牛酥酪食之人民資以爲糧欲取其木先當祠祀 温縣郡治元鼎二年置 律高縣西有石空山出錫東南有盭町山出錫 鐔封縣有温水 句町縣故句町王國名也其置自濮王姓毋漢時受封迄今 漢興縣 勝休縣有河水也 一本云河水從廣百四十里深數十丈也道記曰水東至毋撥入橋水 唐都縣故名雲夢縣

西平郡刺史王遜時襲量保盤南遜出軍攻討不能克及遜薨後寇掠州下吏民患之刺史尹奉重募徼外夷刺殺量而誘降李邊盤南平奉以功進安西將

軍封遷陵伯乃割興古雲南之盤江南如南零三縣爲郡 右寧州統郡十四縣六十八

咸熙元年吳交趾郡吏呂興殺太守孫靖內附魏魏拜興安南將軍時南中監軍霍弋表遣建寧麋谷爲交趾太守率牙門將軍建寧董元毛炅孟幹孟通麋熊李松王素等領部曲以討之谷未至興已爲功曹李統所殺泰始元年谷等徑至郡撫和初附無幾谷卒晉更用馬忠子融代谷融卒遣犍爲楊稷代之加綏遠將軍又進諸牙門皆雜號將軍封吳侯交州刺史劉峻大都督修則領軍三攻稷皆爲稷所敗鬱林

九真皆附稷表遣將軍毛昺董元等攻合浦戰于
古城大破吳軍殺峻則稷因表昺爲鬱林太守元爲
九真太守元病亡更以益州王素代之數攻交州諸
郡泰始七年春吳王孫皓遣大都督薛珣交州刺史
陶璜帥二十萬軍與扶嚴惡夷合十萬伐交趾稷遣
昺及將軍建寧孟岳等禦之戰于封溪衆寡不敵昺
等敗績僅以身還交趾固城自守破敗之後衆纔千
人并新附可有四千男女萬餘口陶璜圍之杜塞蹊
徑救援不至雖班量約食猶不供繼至秋七月城中
食盡病餓死者大半交趾人廣野將軍王約反應陶

璜以梯援外吳人遂得入城得稷等皆囚之卽斬稷
長史張登將軍孟通及昺并交趾人邵暉等二千餘
人受皓詔傳稷秣陵故柁結稷及孟幹麋熊李松四人
于吳通四遠消息稷至合浦發病歐血歿傳首秣陵
棄其屍喪於海幹松熊至吳將加斬刑或說皓宥免
幹等可以勸邊將皓原之欲徙付臨海郡初稷等私
誓不能死節因辱虜手若蒙未死必當思求北歸稷
旣路死幹等恐北路轉遠以吳人愛蜀側竹弓弩言
能作之皓轉付部爲弓工九年幹自吳逃返洛陽松
能爲皓所殺初晉武帝以稷爲交州刺史大封半道

稷城陷或傳降故不錄幹至表狀乃追贈交州刺史封松熊後嗣侯焉古城之戰毛昺手殺修則則子允隨陶璜璜以昺壯勇欲赦之而允必欲求殺昺昺亦不屈於璜璜怒乃躄身囚結面縛呵曰晉兵賊昺亦烈聲呵曰吳狗何等爲賊吳人生割其腹允割其肝罵曰虜腹昺罵不斷曰尚欲斬汝孫皓汝父何死狗也吳人斬之武帝聞而哀矜卽詔昺子襲爵封諸子三人關內侯九真太守王素以交趾敗與董元牙門王承等欲還南中爲陶璜別將衛濮所獲功曹李祚見交趾民殘害還遂率吏民保郡爲晉祚舅黎晃爲


吳將攻伐祚不下數遣人解喻降之祚荅曰舅自吳將祚自晉臣惟力是視矣邵暉子胤先爲父使詣洛拜奉車都尉比還暉敗亡胤依祚固守求救南中南中遙爲之援諸姓得世有部曲弋遣之南征固以功相承也

議曰南域處邛笮五夷之表不毛閩濮之鄉固九服之外也而能開土列郡爰建方州踰博南越蘭滄遠撫西垂漢武之迹可謂大業然要荒之俗不與華同安邊撫遠務在得才故高祖思猛士作歌孝文想頗牧咨嗟斯靜禦之將信王者所詳擇也馬霍王尹得

失之際足以觀矣交趾雖異州部事連南中故并志焉

華陽國志卷之四

華陽國志卷第五



晉常璩著

明吳瑄校

公孫述劉二牧志

先王命史立典遠則經紀人倫三材炳煥品物章矣
然而有志之士猶敢議論於鄉校之下芻蕘之人加
之謠誦於林野之中管闕瞽言君子有採所以綜核
羣善休風惟照也公孫述劉牧二主之廢興存亡漢
書國志固以詳矣統之州部物有條貫必申斯篇者
格之前憲左氏素臣之功王侯之載籍也而八國之

語作焉五傳淵邃大義洋洋聖人之微言也而八覽之書興焉苟在宜稱雖道同世出一事身見遊精博志無嫌其繁矣

漢十二世孝平皇帝帝祚短促國統三絕孝元后兄子安漢公新都侯魏郡王莽篡盜稱天子改天下郡守爲卒正又改蜀郡爲導江遷故中散大夫茂陵公孫述字子陽爲導江卒正治臨邛而劉辟起兵廣漢更始劉聖公在南陽蜀欲應之會宗成垣副王岑等作亂述率吏民拒禦之所在討破作圍守防遏逸越斬首萬計遂據成都威有巴漢政治嚴刻民不爲非

更始誅王莽都關中爲赤眉賊所敗建武元年世祖

光武皇帝卽位河北述夢人謂已曰公孫系

後漢作八公子

十二爲期述以語婦婦曰朝聞道夕死尚可何況

十二乎會夏四月龍出府殿前以爲瑞應述遂稱皇帝號大成建元龍興以莽尚黃乃服色尚白自以興西方爲金行也以功曹李熊爲大司徒巴郡任滿爲大司空弟恢爲太尉具置百官造十層赤樓帛蘭改益州爲司隸蜀郡爲成都尹時世祖方平河北而荆邯延牙竝歸述盡有益州置鐵錢官廢銅錢百姓貨賣不行蜀中童謠曰黃牛白腹五銖當復謂莽黃牛

述爲白腹五銖漢錢言漢當復也故主簿李隆

後漢作張

隆常少數諫述歸帝稱藩述不納天水隗囂亦據隴

連述蜀土清晏述乃移檄中國稱引圖緯以惑衆世

祖報曰西狩獲麟讖曰乙子卯金即乙未歲授劉氏

非西方之守也光廢昌帝立子公孫卽霍光廢昌邑

王立孝宣帝也黃帝姓公孫自以土德君所知也漢

家九百二十歲以蒙孫亡受以承相其名當塗高高

豈君身耶

按後漢書曰代漢者當塗高君豈高之身耶又按東觀記載帝與述書曰承赤者黃

也姓當塗其各高

吾自繼祖而興不稱受命求漢之斷莫過

王莽近張滿作惡兵圍得之歎曰爲天文所誤恐君

復誤也又使述舊交馬援喻述述不從荆邯說述曰

昔湯以七十里王天下文王方百里臣諸侯其次漢

祖敗而復征傷瘳復戰故能禽秦亡楚以弱爲強况

今地方數千丈戟百萬天下之心未有所歸不東出

荆門北陵關隴與之進取則王業不全子孫不久安

也述悅之乃出軍荆門陳倉欲震盪秦楚多改易郡

縣分封子弟淫恣過度然國富民殷戶百餘萬世祖

未遑加兵與述及隗囂書輒署公孫皇帝七年囂背

漢降述述封爲王厚資給之十年世祖命大司馬吳

漢與大司徒鄧禹討囂平隴右述聞而惡之城東素

有秦時空倉述更名白帝倉使人宣言白帝倉暴出米巨萬公卿以下及國人就視之無米述曰倉去此數里虛妄如此按後漢本傳述曰訛言不可信隗王破者復如此矣隗王在數千里外言破壞真不然矣十一年世祖命征南大將軍岑彭自荆門泝江征述又遣中郎將來歙及述舊交馬援奉詔喻述隆少諫令服從述怒曰自古來有降天子乎尚書解文卿大夫鄭文伯初亦諫述繫之暴室六年二子幽死自是莫有言者彭破述荆門關及沔關徑至彭亡述使刺客刺殺彭由是改彭亡曰平無言無賊也又使刺客刺殺歙於武都世祖重遣

吳漢與劉尚征述又遣臧宮從斜谷道入述使妹婿延牙距宮大司徒謝豐距漢連戰輒北漢到城下軍其江橋及其少城豐在廣都牙引還成都述謂曰事當奈何牙對曰男兒貴死中求生敗中求成無愛財物也述乃大發金帛開門募兵得伍千餘人以配牙牙告漢戰因僞遣鼓角麾幟渡市橋漢兵爭觀牙因放奇兵擊漢大破之漢溺水緣馬尾至葦底得出後官兵已至北門述復城守占書曰虜死城下述以爲漢等是虜乃自出戰之當漢牙當宮大戰牙殺官兵數百三合三勝士卒氣驕漢益鼓之自旦至日中饑

不得食倦不得息日迭後述兵敗漢騎士高平以戟刺述中頭卽墜馬叩心者數十人都知是述前取其首牙等悵然還城吏民窮急即夜開門出降漢盡誅公孫氏及牙等諸將帥二十餘人放兵大掠多所殘害是歲十二年也漢搜求隱逸旌表忠義以述臣常少李隆忠諫發憤病死表更遷葬贈以漢卿官蜀郡王皓王嘉廣漢李業刎首死節表其門閭犍爲朱遵絆馬死戰贈以將軍爲之立祠費貽任永君業馮信等閉門素隱公車特徵文齊守義益州封爲列侯董鈞習禮明經貢爲博士程烏李育本有才幹擢而用

之於是西土宅心莫不嚮義建武十八年刺史郡守撫卹失和蜀郡史歆怨吳漢之殘掠蜀也擁郡自保世祖以天下始平民未忘兵而歆唱之事宜必克復遣漢平蜀多行誅戮世祖誚讓於漢漢深陳謝自是守藩供職自建武至於中平垂二百載府盈西南之貨朝多華岷之士矣

漢二十二世孝靈皇帝政治衰缺王室多故太常劉焉字君郎江夏竟陵人漢魯恭王之裔建議言刺史太守貨賂爲官割剝百姓以致離叛可選清名重臣以爲牧伯鎮安方夏焉內求州牧以避世難侍中廣

漢董扶私謂焉曰京都將亂益州分野有天子氣焉
惑之意在益州會刺史河南郟儉賦歛繁擾流言遠
聞而并州殺刺史張壹按蜀書壹作益涼州殺刺史耿鄙焉
議得行漢帝將徵儉加刑以焉為監軍使尋領益州
牧董扶亦求為蜀西部都尉太倉令巴郡趙韙去官
從焉中平元年涼州黃巾逆賊馬相趙祗等聚眾綿
竹殺縣令李升募疲役之民一二日中得數千人遣
王饒趙播等進攻雒城殺刺史儉并下蜀郡犍為旬
月之間破壞三郡相自稱天子眾以萬數又別破巴
郡殺太守趙韙部州從事賈龍素領家兵在犍為之

青衣率吏民攻相破滅之州界清淨龍乃選吏卒迎
焉焉既到州移治綿竹撫納離叛務行小惠時南陽
三輔民數萬家避地入蜀焉恣饒之引為黨與號東
州士遣張魯斷北道枉誅大姓巴郡太守王咸李權
等十餘人以立威刑前後左右部司馬擬四軍統兵
位皆二千石漢獻帝初平二年犍為太守任岐與賈
龍惡焉之陰圖異計也舉兵攻焉燒成都邑下焉禦
之東州人多為致力遂克岐龍焉意漸盛乃造乘輿
車服千餘僭擬至尊焉長子範為左中郎將仲子誕
治書御史季子璋奉車都尉皆從獻帝都長安惟叔

子別部司馬瑁隨焉焉聞相者相陳留吳懿妹當大
貴爲瑁聘之荊州牧山陽劉表上焉有子夏在西河
疑聖人論帝遣璋曉喻焉焉留璋不遣反四年征西
將軍馬騰自郿與焉焉通謀襲長安治中從事廣漢
王商亟諫不從謀泄範誣受誅議郎河南龐羲以通
家將範誣諸子入蜀而天火燒焉焉車乘蕩盡延及民
家興平元年焉焉徙治成都既痛二子又感祲災疽發
背卒州帳下司馬趙韙治中從事王商等貪璋溫仁
共表代又京師大亂不能更遣天子除璋監軍使者
領益州牧以韙爲征東中郎將率衆征劉表

璋字季玉旣襲位懦弱少斷張魯稍驕於漢中巴夷
杜濩朴胡表約等叛詣魯璋怒殺魯母弟遣和德中
郎將龐羲討魯不克巴人日叛乃以羲爲巴郡太守
屯閬中禦魯羲以宜須兵衛輒召漢昌實民爲兵或
構羲於璋璋與之情好攜隙趙韙數進諫不從亦恚
恨也建安五年趙韙起兵數萬將以攻璋璋逆擊之
明年韙敗羲懼遣吏程郁宣旨於郁父漢昌令畿索
益實兵畿曰郡合部曲本不爲亂縱有讒諛要在盡
誠遂懷異志非所聞也羲令郁重往畿曰我受牧恩
當爲盡節汝自郡吏宜念效力不義之事莫有一意

義恨之使人告曰不從太守家將及禍畿曰昔樂羊食子非無父子之恩大義然也今雖羹子畿飲之矣義乃厚謝於璋璋善畿遷爲江陽太守十年璋聞曹公將征荊州遣中郎將河內陰溥致敬公表加璋振威將軍兄瑁平寇將軍十二年璋復遣別駕從事蜀郡張肅送餽兵三百人并雜御物公辟肅爲掾拜廣漢太守十三年仍遣肅弟松爲別駕詣公公時已定荊州追劉主不存禮松加表望不足但拜越雋比蘇令松以是怨公會公軍不利兼以疫病而劉主尋取荊州松還疵毀曹公勸璋自絕因說璋曰劉豫州使

君之肺腑更可與通時扶風法正字孝直留客在蜀不見禮恨望松亦以身抱利器忖璋不足與有爲常與正竊歎息松舉正可使交好劉主璋從之使正將命正佯爲不得已行又遣正同郡孟達將兵助劉主守禦前後賂遺無限十六年璋聞曹公將遣司隸校尉鍾繇伐張魯有懼心松進曰曹公兵彊無敵天下若因張魯之資以向蜀土誰能禦之者乎璋曰吾固憂之而未有計松對曰劉豫州使君之宗室而曹公之深讐也善用兵使之伐魯魯必破破魯則益州彊曹公雖來無爲也且州中諸將龐羲李異等皆恃功

驕豪欲有外意不得豫州則敵攻其外民叛於內必
敗之道也璋然之復遣法正迎劉琰主主簿巴西黃
權諫曰左將軍有驍名今請到欲以部曲遇之則不
滿其心欲以客賓待之則一國不容二君客有太山
之安則主有累卵之危璋不聽從事廣漢王累倒懸
於州門以死諫璋璋一無所納正既宣旨陰獻策曰
以明將軍之英才乘劉牧之懦弱張松之股肱以響
應於內然後資益州之富憑天府之險以此成帝業
猶反手也劉主大悅乃留軍師中郎將諸葛亮將軍
關羽張飛鎮荊州率萬人泝江西上璋初勅所在供

奉入境如歸劉主至巴郡巴郡嚴顏拊心歎曰此所
謂獨坐窮山放虎自衛者也劉主由巴水達涪璋往
見之松復令正白劉主曰今因此會便可執璋則將
軍無用兵之勞坐定一州也軍師中郎將襄陽龐統
亦言之劉主曰此大事也初入他國恩信未著不可
倉卒歡飲百餘日璋推劉主行大司馬司隸校尉劉
主推璋行鎮西大將軍領牧如故益劉主兵使伐張
魯又令督白水軍併三萬軍車甲精實而別璋還州
劉主次葭萌厚樹恩德以收衆心十七年曹公征吳
吳主孫權呼劉主自救劉主貽璋書曰孫氏與孤本

爲唇齒今樂進在清泥與關羽相拒不往赴救進必大克轉侵州界其憂有甚於魯魯自守之賊不足慮也求益萬兵及資寶璋但許四千他物半給張松書與劉主及法正曰今大事垂可立如何釋此去乎松兄廣漢太守肅懼禍及已白璋露松謀璋殺松劉主歎曰君矯殺吾內主乎嫌隙始構璋勅諸關守不內劉主龐統說曰陰選精兵晝夜兼行徑襲成都璋旣不武又無素豫一舉而定此上計也楊懷高沛璋之名將各仗強兵據守關頭數有牋諫璋遣將軍還將軍遣與相聞說當東歸並使速裝二子旣服將軍名

又嘉將軍去必乘輕騎來見將軍因此執之進取其兵乃向成都此中計也退還白帝連引荊州徐還圖之此下計也劉主然其中計卽斬懷等遣將黃中卓膺魏延等勒兵前行梓潼令南陽王連固城堅守劉主義之不逼攻也進據涪城置酒作樂謂龐統曰今日之會可謂樂矣統對曰伐人之國而以爲歡非仁者也劉主曰武王伐紂前歌後舞豈非仁也統退出劉主尋請還謂曰向者之談阿誰爲失統曰君臣俱失十八年璋遣將劉瓚冷苞張任鄧賢吳懿等拒劉主於涪皆破敗還保綿竹縣令懿詣軍降拜討逆將

軍初劉主之南伐也廣漢鄭度說璋曰左將軍懸軍襲我衆不滿萬百姓未附野穀是資計莫若驅巴西梓潼民內涪水以南其倉廩野穀一皆燒除高壘深溝靜以待之彼請戰不許久無所資不過百日必禽矣先主聞而惡之法正曰璋終不能用無所憂也璋果謂羣下曰吾聞拒敵以安民未聞動民以避敵紕度不用故劉主所至有資進攻綿竹璋復遣護軍南陽李嚴江夏費觀等督綿竹軍嚴觀率衆降同拜裨將軍進圍璋子循於雒城十九年關羽統荊州事諸葛亮張飛趙雲等泝江降下巴東入巴郡巴郡太守

巴西趙筭拒守張飛攻破之獲將軍嚴顏謂曰大軍至何以不降敢逆戰顏對曰卿等無狀侵奪我州我州但有斷頭將軍無降將軍也飛怒曰牽去砍頭顏正色曰斫頭便斫何爲怒也飛義之引爲賓客趙雲自江州分定江陽犍爲飛攻巴西亮定德陽巴西功曹襲謀迎飛璋帳下司馬蜀郡張裔距亮敗于栢下裔退還夏劉主克雒城與飛等合圍成都而偏將軍扶風馬超率衆自漢中請降劉主遣建寧督李恢迎超超徑至璋震恐所署蜀郡太守汝南許靖踰城出降璋知不敢誅被圍數十日城中有精兵三萬穀支

二年衆咸欲力戰璋曰父子在州二十餘年無恩德以加百姓攻戰三年肌膚草野以璋故也何以能安遂遣張裔奉使詣劉主主許裔禮其君而安其民劉主又遣從事中郎涿郡簡雍說璋璋素雅敬雍遂與同輿而出降吏民莫不歔歔泣涕劉主復其所佩振威將軍印綬還其財物遷璋于南郡之公安吳主孫權之取荊州也以璋爲益州刺史劉主東征璋還吳卒也

譏曰公孫述藉導江之資值王莽之虐民莫援者得跨巴蜀而欺天罔物自取滅亡者也然妖夢告終期數有極奉身歸順猶可以免矜愚遂非何其頑哉劉焉器非英傑圖射僥倖璋才非人雄據土亂世其見奪取陳子以爲非不幸也昔齊侯嗤晉魯之使旋蒙易乘之困魏君賤公叔之侍人亦受割地之辱量才懷遠誠君子之先畧也觀劉璋曹公之侮慢法正張松二憾旣徵同怨相濟或家國覆亡或三分天下古人一饋十起輟沐揮洗良有以也

華陽國志卷第五

華陽國志卷第六



劉先王志

晉 常璩 著
明 吳琯 校

先王諱備字玄德涿郡涿縣人漢景帝中山靖王勝
後也勝子貞元狩六年封涿縣陸渾侯因家焉祖
父雄察孝廉為東郡范令父弘早亡先王幼孤其母
貳履織屨自食舍東南前庭上有桑樹生高五丈餘
遠望更宜如車蓋人皆異之或謂當出貴人先王少
時與宗中諸兒戲於樹下言吾必乘此羽葆蓋車叔

父子敬謂曰汝勿妄言滅吾門也年十五母遣行學與宗人劉德然遼西公孫瓚俱事故九江太守同郡盧子幹德然父元起常資給先主與德然等元起妻曰各自一家何能常爾起曰宗中有此兒非常人也而瓚深與先主善瓚年長先主兄事之喜狗馬音樂美衣服長七尺五寸垂臂下膝顧自見耳能下人喜怒不形於色善交結豪俠年少爭附之中山大商張世平蘇雙等見而竒之多與之金先主由是得合徒衆河東關羽雲長同郡張飛翼德並以壯烈爲之禦侮先主與二子寢則同牀食則共器恩若弟兄然於

稠人廣衆中侍立終日中平元年從校尉鄒靖討黃巾賊有功除安喜尉求謁督郵不得乃入縛執之杖二百以綬繫督郵頭頸着馬柳柱委官亡命頃之應大將軍何進募有功除下密丞復爲高堂尉遷爲令瓚爲中郎將表先主爲別部司馬拒冀州牧袁紹數有戰功守平原令進領平原相郡民劉平恥爲之下使客刺之客服其德告之而去北海相魯國孔融爲黃巾賊所圍使太史慈求救於先主因主曰孔文舉聞天下有劉備乎以兵救之廣陵太守下邳陳登元龍太尉球孫也有雋才輕天下士謂功曹陳矯曰閨

門雍穆有行吾敬陳元方父子水清玉潔有德有言
吾敬華子魚博聞強識竒偉卓犖吾敬孔文舉雄姿
傑出有王霸之畧吾敬劉玄德名昭畫此後徐州牧陶謙表先
主爲豫州刺史謙病篤謂別駕東海糜竺曰非劉備
不能安此州也謙卒竺率州人迎先主先主未許廣
陵太守下邳陳登進曰今漢室陵遲海內傾覆立功
立事在今日鄙州殷富戶口百萬欲屈使君撫臨州
事先主曰袁公路近在壽春此君四世五公海內所
歸可以州與之登曰公路驕豪非治亂之主今欲爲
使君合騎步十萬上可以匡主濟民成五霸之業下

可以割地守境書功於竹帛若使君不見聽許登亦
未敢聽使君也北海相孔融謂先主曰袁術豈憂國
忘家者耶冢中枯骨何足介意今日之事百姓與能
天與不取能悔不可追先主遂領徐州牧

建安元年曹公表爲鎮東將軍封宜城亭侯先主與
袁術相拒而下邳守將曹豹叛爲呂布所敗先主失
妻子轉軍海西糜竺進妹爲夫人及客二千金銀
寶物資之先主因而獲振連和於布布還其妻子先
主衆萬餘移軍小沛布惡之自攻先主先主歸曹公
公以爲豫州牧益其軍使伐布失利布將高順復虜

先主妻子送布公使夏侯惇助先主不能克三年公
自征布生禽之布曰使布爲明公將騎天下不足定
也公有疑色先主曰公待布能如丁建陽董太師乎
公頷之布曰先主曰大耳兒最叵信者也遂殺布先
主還得妻子從公還許爲左將軍公禮之甚重出則
同輿坐則同席又拜關羽張飛皆中郎將公謀臣程
昱郭嘉勸公殺先主公慮失英豪望不許袁術自淮
南欲經徐州北就袁紹獻帝舅車騎將軍董承受命
衣帶中密詔當殺公承先與先主及長水校尉种輯
將軍吳子蘭王子服等同謀以將行未發公從容謂

先主曰天下英雄惟使君與操本初之徒不足數也
先主方食失匕箸會天震雷先主曰聖人言迅雷風
烈必變良有以也一震之威乃至於此也公亦悔失
言先主還沛解公使覘之見其方披葱使廝人爲之
不端正舉杖擊之公曰大耳翁未之覺也其夜先主
急東行昱嘉復言之公馳使追之不及先主遂殺徐
州刺史車胄以叛留關羽行下邳太守事身還小沛
而承等謀洩受誅先主衆數萬遣從事北海孫乾自
結於袁紹公遣將軍劉岱王忠擊之不克
五年公東征先主先主敗績妻子及關羽見獲先主

奔青州刺史袁譚奉迎道路馳以白父紹紹身出鄴
二百里與先主相見公壯羽勇銳拜偏將軍初羽隨
先主從公圍呂布於濮陽時秦宜祿爲布求救於張
楊羽啓公妻無子下城乞納宜祿妻公許之及至城
門復白公疑其有色自納之後先主與公獵羽欲於
獵中殺公先主爲天下惜不聽故羽常懷懼公察其
神不安使將軍張遼以情問之羽歎曰吾極知曹公
待我厚然吾受劉將軍恩誓以共死不可背之要當
立効以報曹公公聞而義之是歲紹征官渡遣梟將
顏良攻東郡太守劉延於白馬公使遼羽爲先鋒羽

望見良麾蓋策馬刺良於萬衆中斬其首還紹將莫
敵遂解延圍公即表封羽漢壽亭侯重加賞賜羽盡
封其物拜書告辭而歸先主左右欲追之公曰彼各
有主先主說紹南連荊州牧劉表紹遣將其卒兵至
汝南公使將蔡陽擊之先主謂曰吾勢雖不便汝等
百萬來未如吾何曹孟德單車來吾自去陽等必戰
爲先主所殺公旣破紹自南征汝南先主遣糜竺孫
乾詣劉表表郊迎之待以上賓使屯新野潁川徐元
直致瑯琊諸葛亮曰孔明卧龍也將軍願見之乎先
主曰君與俱來庶曰此人可就見不可屈致也先主

遂造亮凡三因屏人曰漢室傾頽姦臣竊命主上蒙塵孤不度德量力欲信大義於天下而智術淺短遂用猖獗至于今日志猶未已君謂計將安出亮對曰自董卓以來豪傑並起跨州連郡不可勝數曹操比於袁紹則名微而衆寡然遂能克紹以弱爲彊雖云天時抑人謀也今操已擁百萬之衆挾天子而令諸侯此誠不可與爭鋒也孫權據有江東已歷三世國險而民附賢能爲之用此可以爲援而不可圖也荊州北據漢沔利盡南海東連吳會西通巴蜀此用武之國而其主不能守殆天所以資將軍也益州險塞

沃野天府之土高祖因之以成帝業劉璋闇弱張魯在北國富民殷而不知卹賢能之士思得明君將軍旣帝室之胄信義著於四海總覽英雄思賢如渴若跨有荆益保其險阻西和諸戎南撫夷越結好孫權內修政理天下有變命一上將將荊州之軍以向宛洛將軍身率益州之衆出於秦川天下孰不簞食壺漿以迎將軍者乎如此則霸業可成漢室可興矣先主曰善與亮情好日密自以爲猶魚得水也

十三年表卒少子琮襲位曹公南征琮遣使請降先主屯樊不知曹公卒至至宛先主乃知遂將其衆去

比到當陽衆十餘萬人車數千兩日行十餘里別遣
關羽乘船會江陵或謂先主曰宜速行雖擁大衆披
甲者少曹公軍至何以禦之先主曰夫濟大事以人
爲本今人歸吾何忍棄之公以江陵有軍實恐先主
據之乃釋輜重以輕騎五千追先主一日一夜行三
百里及於當陽之長坂先主棄妻子與諸葛亮張飛
等數十騎走公盡獲其民衆急追先主張飛據水斷
橋橫馬按矛曰我張翼德也可來決死公徒乃止先
主徑趨漢津適與羽船會而趙雲身抱先主弱子後
主及雍先主甘夫人相及濟江亮曰事急矣請奉命

求救於孫將軍時權軍柴桑旣服先主大名又悅亮
奇雅卽遣周瑜程普水軍三萬助先主拒曹公大破
公軍於赤壁焚其舟船曹公引歸先主表琦爲荊州
刺史又南征四郡武陵太守金璇長沙太守韓玄桂
陽太守趙範零陵太守劉度皆降會琦病歿羣下推
先主爲荊州牧治公安權稍畏之進妹琦女好權遣使
云欲共取蜀荊州主簿殷觀進曰若爲吳先驅進未
能克蜀退爲吳所乘即事去矣今但可然贊其伐蜀
而自說新據諸郡未可與動吳必不敢越我而獨取
蜀如此進退之計可以收吳蜀之利先主從之權果

爲孫策所
殺
往江陵
爲吳所
殺
拒蜀軍
出

輟計遷觀別駕從事

十六年益州牧劉璋遙聞曹公向漢中討張魯內懷
恐懼別駕從事蜀郡張松說璋曰曹公兵彊無敵若
因張魯之資以取蜀土誰能禦之璋曰吾固憂之而
未有計松曰劉豫州使君之宗室而曹公之深讎也
善用兵若使之討魯魯必破魯破則益州疆曹公雖
來無能爲也璋然之遣法正迎先主正因陳益州可
取之策先主留諸葛亮關羽等守荊州自將萬人入
益州至涪璋出迎相見甚歡張松令法正白先主及
謀臣龐統進說便可於會所襲璋先主曰此大事也

不可倉卒璋推先主行大司馬領司隸校尉先主亦
推璋持鎮西大將軍益州牧璋增先主兵使擊張魯
璋還成都先主到葭萌未卽討魯樹恩德以收衆心
明年曹公征孫權權呼先主自救先主遣使告璋曰
曹公征吳吳憂危急孫氏與孤本爲唇齒又樂進在
青泥與關羽相拒今不往救羽進必大克轉侵州界
其憂有甚於魯魯自守之賊不足慮也乃從璋求萬
兵及資寶欲以東行璋但許兵四千其餘皆給半張
松書與先主及法正曰今大事垂可立何如釋去松
兄廣漢太守肅懼禍及已白璋發其謀于是璋斬松

嫌隙始構矣璋敕關戍諸將文書勿復關通先主先
主怒召璋白水軍督楊懷責以無禮斬之使黃忠卓
膺勒兵向璋先主徑至關中質諸將并士卒妻子引
兵與忠膺等進到涪據其城璋遣劉瓚等拒先主於
涪皆敗退保綿竹璋復遣李嚴督綿竹諸軍嚴率眾
降先主先主軍益強分遣諸將平下屬縣諸葛亮張
飛趙雲等將兵泝流定白帝江州江陽惟關羽留鎮
荊州先主進軍圍雒時璋子循守城被攻且一年

建安十九年魏破進圍成都數十日璋出降蜀中殷
盛豐樂先主置酒大饗士卒取蜀城金銀分賜將士
法正關羽金五百斤銀千斤糜竺金五千兩錦段萬疋

先主遂領益州牧以諸葛亮為軍師將軍署左將軍
府事法正揚武將軍蜀郡太守關羽督荊州事張飛
為巴西太守馬超平西將軍不用許靖法正說曰有
獲虛譽而無實者靖也然其浮名稱播海內人將謂
公輕士乃以為長史龐羲為司馬李嚴為犍為太守
費觀為巴郡太守徵益州太守南郡董和掌軍中郎
太守漢嘉王謀為別駕廣漢彭羸為治中辟零陵劉
巴為西曹掾廣漢長黃權為偏將軍於是亮為股肱
正為謀主飛羽超為爪牙靖羲及糜竺簡雍孫乾山
陽伊籍為賓友和嚴權本劉璋所授用也吳懿費觀

璋之婚親也。彭萊璋所排擯也。劉巴已所宿恨也。皆處之顯位。盡其器能。有志之士。無不競勸。羣下勸先主納劉瑁妻。先主嫌其同族。法正曰。論其親疎。何異。晉文之於子圉乎。從之。正既臨郡。睚眦之怨。一餐之惠。無不報復。或謂諸葛亮曰。法正蜀郡太縱橫。將軍宜啓主公。亮曰。公之在公安也。北畏曹操之強。東憚孫權之逼。內慮孫夫人興變於肘腋之下。孝直爲輔翼。遂翻飛翺翔。不可復制。如何禁法。使不得行其志也。孫夫人才捷剛猛。有諸兄風。侍婢百人。皆仗劍侍立。先主每下車。心常凜凜。正勸先主還之。

二十年孫權使使報先主欲得荊州。先主報曰。吾方圖涼州。涼州定以荊州相與。孫權怒。遣呂蒙襲奪長沙零陵桂陽三郡。先主下公安。令關羽入益州。會曹公入漢中。張魯定巴西黃權。進曰。若失漢中。則三巴不振。此割蜀人股臂也。於是先主與吳連和。分荊州江夏長沙桂陽東屬南郡零陵武陵西屬引軍還江。夏以權爲護軍。迎魯。魯已北降曹公。權破公所署三巴太守杜濩。朴胡袁約等。公留征西將軍夏侯淵。益州刺史趙顥。及張郃守漢中。公東還。郃數犯掠巴界。先主率張飛等進軍宕渠之蒙頭。拒郃。相持五十餘

日飛從他道邀郤戰於陽石遂大破郤軍郤失馬緣山獨與麾下十餘人從間道還南也

二十一年先主還成都

二十二年蜀郡太守法正進曰曹操一舉降張魯定漢中不因此勢以圖巴蜀而留淵郤身遽北還非智不逮力不足將內有憂逼耳今筭淵郤才略不勝我將率舉衆往討則必可禽天以與我時不可失也先主從之以問儒林校尉巴西周羣羣對曰當得其地不得其民若出偏軍必不利先主遂行諸葛亮居守足食足兵也

二十三年先主急書發兵軍師亮以問從事犍爲楊洪洪對曰漢中蜀之喉咽存亡之機若無漢中則無蜀矣此家門之禍男子當戰女子當運發兵何疑亮以法正從行白先主以洪領蜀郡太守後遂即真初洪爲犍爲太守李嚴功曹去郡數年已爲蜀郡嚴故在職而蜀郡何祇爲洪門下書佐去郡數年已爲廣漢太守洪故在官是以西土咸服亮之能攬拔英秀也後洪祇俱會亮門下洪謂祇曰君馬何駛祇對曰故吏馬不爲駛明府馬不進耳

二十四年先主定漢中斬夏侯淵張郃率吏民內徙

先主遣將吳蘭雷同入武都皆沒乃舉羣茂才時州後部司馬張裕亦知占術坐漏言言先主得蜀寅卯之間當失漢凶年在庚子誅曹公爲魏王王西征聞法正策曰固知玄德不辨此又曰吾收奸雄略盡獨不得正邪羣下上先主爲漢中王大司馬以許靖爲太傅法正爲尚書令零陵賴恭爲太常南陽黃權爲光祿勳王謀爲少府武陵廖立爲侍中關羽爲前將軍張飛爲右將軍馬超爲左將軍皆假節鉞又以黃忠爲後將軍趙雲翊軍將軍其餘各進官號軍師諸葛亮曰黃忠名望本非關張馬超之倫也今張馬在

近親見其功猶可喻指關遙聞之恐必不悅先主曰吾自解之時關羽自江陵圖曹仁於樊城遣前部司馬犍爲費詩拜假節羽怒曰大丈夫終不與老兵同列不肯受拜詩謂曰昔蕭曹與高祖幼舊陳韓亡命後至論其班爵韓最居上未聞蕭曹以此爲怨今王以一時之功隆崇於漢升蕭意之輕重寧當與君侯齊乎主與君侯譬猶一體禍福同之愚謂君臣不宜計官號之高下爵位之多少也羽卽受拜初羽聞馬超來降素非知故書與諸葛亮問其人才亮知羽忌前荅曰孟起黥彭之徒一世之傑當與翼德竝驅爭

先猶不如髯之絕倫也羽省書忻悅以示賓客羽美鬚髭故亮稱云髯也羽臂嘗中流矢每天陰疼痛醫言矢鋒有毒須破臂刮毒患乃可除羽卽伸臂使治時適會客臂血流離盈於盤器而羽引酒割炙言笑自若魏王遣左將軍于禁督七軍三萬人救樊漢水暴長皆爲羽所獲又殺魏將龐德威震華夏魏王議徙許都以避其銳而孫權襲江陵將軍傅士仁南郡太守糜芳降吳羽久不拔城魏右將軍徐晃救樊羽退還遂爲孫權所殺吳盡取荊州以劉璋爲益州牧住秭歸是歲尚書令法正卒謚曰翼侯以尚書劉巴

爲尚書令

二十五年春正月魏武王薨嗣王丕卽位改元延康蜀傳聞漢帝見害先主乃發喪制服追謚曰孝愍皇帝所在竝言衆瑞故議郎楊泉亭侯劉豹青衣侯向舉偏將軍張裔黃權司馬屬殷純別駕趙苻治中楊洪從事祭酒何宗議曹從事杜瓊勸學從事張爽尹默譙周等上河洛符驗孔子所甄赤三日德昌九世會備合爲帝際洛書寶號命曰天度帝道備稱皇又言周羣父未亾時數言西南有黃氣立數十丈而景雲祥風從璇璣下來應之如圖書必有天子出方今

大王應際而生與神合契願速卽洪業以寧海內先
主未許冬魏王丕卽皇帝位改元黃初漢獻帝遜位
爲山陽公

章武元年魏黃初二年也春太傅許靖安漢將軍糜
竺軍師將軍諸葛亮太常賴恭光祿勳黃權少府王
謀等乃勸先主紹漢絕統卽帝號先主不許亮進曰
昔吳漢耿弇等勸世祖世祖辭讓耿純進曰天下英
雄喁喁冀有所望若不從議者士大夫各歸求主無
從公也世祖感之今曹氏篡漢天下無主大王紹世
而起乃其宜也士大夫隨大王久勤苦者亦欲望尺

寸之功如純言耳先主乃從之亮與博士許慈議郎
孟光建立禮儀擇令辰費詩上疏曰殿下以曹操父
子逼主篡位故乃羈旅萬里糾合士衆將以討賊今
大敵未克而先自立恐人心疑惑昔高祖與楚約先
破秦者王及屠咸陽獲子嬰猶推讓况今殿下未出
門便欲自立愚臣誠不爲殿下取也朝廷左遷詩帥部
永昌從事夏四月丙午先主卽帝位大赦改元章武
以諸葛亮爲丞相假節錄尚書許靖爲右司徒張飛
車騎將軍領司隸校尉進封西鄉侯馬超驃騎將軍
領涼州刺史封粲鄉侯北督臨沮偏將軍吳懿爲關

中都督進侯魏延鎮北將軍李嚴輔漢將軍襄陽馬良爲侍中楊儀爲尚書蜀郡何宗爲鴻臚立宗廟祫祭高皇帝世祖光武皇帝五月辛巳立皇后吳氏吳懿妹劉璋兒瑁妻也子禪爲皇太子六月立子永爲魯王理爲梁王先王將東征以復關羽之恥命張飛率巴西萬兵將會江州飛帳下將張達范疆殺飛持其首奔吳初飛羽勇冠三國輒俱稱萬人之敵羽善待小人而驕士大夫飛愛敬君子而不卹小人是以致敗先主常戒之曰卿刑殺過差鞭撻健兒令在左右此取禍之道飛不悟故敗先主聞飛營軍都督之有

表也曰噫飛死矣命丞相亮領司隸校尉秋七月先主東伐羣臣多諫不納廣漢秦宓上陳天時必無其利先主怒繫之于理孫權送書請和先主不聽吳將陸議李異劉阿等軍秭歸左右領軍南郡馮習陳留吳班自建平攻破異等軍次秭歸武陵五谿蠻夷遣使請兵

二年春正月先主軍秭歸吳班陳戒等水軍屯夷陵夾江東西岸二月將進黃權諫曰吳人悍戰而水軍汭流進易退難臣請爲先驅以當寇陛下宜爲後鎮先主不從以權爲鎮北將軍督江北軍先主連營稍

前軍於夷道獠亭遣侍中馬良經佷山安慰五溪蠻夷夏六月黃氣見自秭歸十餘里中廣十餘丈後十數日與吳人戰先主敗績馮習及將張南皆死先主嘆曰吾之敗天也委舟舫由步道還魚復將軍義陽傅彤爲後殿兵衆死盡彤氣益烈吳將喻令降彤罵曰吳狗何有漢將軍降者遂戰死從事祭酒程畿獨泝江退衆曰後追已至宜解舫輕行畿曰吾在軍未習爲敵之走况從天子乎亦見殺黃權偏軍孤絕遂北降魏李異劉阿等追躡先主屯南山先主改魚復曰永安丞相亮聞而歎曰法孝直若在則能制主上

使不東行旣復東行必不傾危矣八月司徒靖卒是歲驃騎將軍馬超亦卒臨沒上疏曰臣宗門二百餘口爲孟德所誅略盡唯從弟岱當爲微宗血食之係深託陛下岱官至平北將軍拜彤子兪左中郎將冬十月詔丞相亮營南北郊於成都孫權聞先主在白帝甚懼遣使請和先主使太中大夫南陽宗瑋報命十有一月先主寢疾十有二月漢嘉太守黃元素亮所不善聞先主疾病慮有後患舉兵拒守

三年春正月召丞相亮於成都詔亮省疾于永安元燒臨邛城治中從事楊洪啓太子遣將軍陳曷鄭綽


由青衣水伐元滅之二月亮至永安先主謂曰君才十倍曹丕必能安國終定大事若嗣子可輔輔之如其不才君可自取亮涕泣對曰臣敢竭股肱之力效忠貞之節繼之以死先主又爲詔敕太子曰汝與丞相從事事之如父亮與尚書令李嚴並受寄託夏四月先主崩于永安宮時年六十三亮表後主曰大行皇帝邁仁樹德覆育無疆昊天不弔今月二十四日奄忽升遐臣妾號咷如喪考妣乃顧遺詔是惟太宗百寮發哀三日除服到葬期復服其郡國守相令長丞尉三日除服五月梓宮至成都謚曰昭烈皇帝秋

八月葬惠陵

議曰漢末大亂雄傑並起若董卓呂布二袁韓馬張楊劉表之徒兼州連郡衆踰萬計叱咤之間皆自謂漢祖可踵桓文易邁而魏武神武幹畧戡屠盪盡于時先主名微人鮮而能龍興鳳舉伯豫君徐假翼荆楚翻飛梁益之地克胤漢祚而吳魏與之鼎峙非英才命世孰克如之然必以曹氏替漢宜扶信順以明至公還乎名號爲義士所非及其寄死託孤於諸葛亮而心神無貳陳子以爲君臣之至公古今之盛軌也

華陽國志卷第六

國志卷第七



晉 常璩 著
明 吳瑄 校

劉後主志

後主諱禪字公嗣先主太子甘夫人所生也襲位時
年十七

建興元年夏五月後主即位尊皇后吳氏曰皇太后
大赦改元於魏黃初四年吳黃武二年也立皇后張
氏車騎將軍張飛女也封丞相亮武鄉侯中護軍李
嚴假節加光祿勳封都鄉侯督永安事中軍師衛尉

魯國劉琰亦都鄉侯中護軍趙雲江州都督費觀屯
騎校尉丞相長史王連中部督襄陽向寵及魏延吳
懿皆封都亭侯楊洪王謀等關內侯南中諸郡竝叛
亂亮以新遭大喪未便加兵遣尚書南陽鄧芝固好
於吳吳王孫權曰吾誠願與蜀和親但主幼國小慮
不自存芝對曰吳蜀二國之地吳有三江之阻蜀有
重險之固大王命世之英諸葛一時之傑合此二長
共爲唇齒進可兼并天下退可鼎足而峙大王如臣
服於魏魏則上望大王入朝其次求太子入侍若其
不從則奉辭伐叛蜀必順流見可而進如此江南之

地非復大王之有也吳王大悅與蜀和親使聘歲通
芝後累往權曰若滅魏之後二主分治不亦樂乎芝
對曰滅魏之後大王未深識天命者戰爭方始耳權
曰君之誠懇乃至於此書與亮曰丁宏挾張蜀志宏
作宏孫
權謂宏言
多涉豔陰化不實和合二國惟有鄧芝

二年丞相亮開府領益州牧事無巨細咸決於亮亮
乃撫百姓示儀軌約官職從權制盡忠益時者雖讎
必賞犯法怠慢者雖親必罰服罪輸辭者雖重必釋
遊辭巧飾者雖輕必戮善無微而不賞惡無纖而不
貶庶事精練物究其本循名責實虛僞不齒終乎封

域之內畏而愛之刑政雖峻而無怨者以其用心平
勸戒明也辟尚書郎蔣琬及廣漢李邵巴西馬勳爲
掾南陽宗預爲主簿皆德舉也秦宓爲別駕犍爲
梁爲功曹梓潼杜微爲主簿皆州俊彥也而江夏費
禕南郡董允郭攸之始爲侍郎贊揚日月吳遣中郎
將張溫來聘報鄧芝也將返命百官餞焉惟宓未往
亮累催之溫問曰彼何人也亮曰益州學士者也及
至溫問宓曰君學乎荅曰五尺童子皆學何況小人
溫曰天有頭乎在何方也宓曰在西詩云乃眷西顧
知其在西又曰天有耳乎宓曰詩不云乎鶴鳴九臯

聲聞于天若無其耳何以聽之又曰天有足乎曰有
詩云天步艱難之子不猶若其無足何以步之又曰
天有姓乎曰姓劉何以知之曰其子姓劉又曰日生
於東乎曰雖生於東終沒於西荅問如響之應聲溫
大敬服宓亦尋遷右中郎將長水校尉大司農

三年春長水校尉廖立坐謫訕朝廷改徙汶山立自
荊州與龐統並見知而性傲侮後更冗散怨望故致
黜廢三月亮南征四郡以弘農太守楊儀爲參軍從
行步兵校尉襄陽向朗爲長史統留府事秋南中平
軍資所出國以富饒冬亮還至漢陽與魏降人李鴻

相見說新城太守孟達委仰於亮無已亮方北圖欲
招達爲外援謂參軍蔣琬從事費詩曰歸當有書與
子度相聞對曰孟達小子昔事振威不忠後命先帝
背叛反覆之人何足與書亮不答詩數率意率意凌
蜀書故凌遲於世于有二月亮至郡官皆道迎而亮
命侍郎費禕參乘禕官小年幼衆士於是莫不勸觀
四年永安都護李嚴還督江州巴郡以征西將軍汝
南陳到督永安封亭侯是歲魏文帝崩明帝立
五年魏太和元年也春丞相亮將北伐上疏曰今天
下三分益州疲弊此誠危急存亡之秋也然侍衛之

臣不懈於內忠志之士亡身於外者咸追先帝之遇
欲報之陛下也先帝以臣謹慎故臨崩寄臣以大事
受命以來夙夜憂歎故五月渡瀘深入不毛今南方
以定兵甲以足當獎率三軍北定中原庶竭駑鈍攘
除奸凶克復漢室還乎舊都此臣所報先帝而忠於
陛下願陛下託臣以討賊興復不効則治臣之罪以
告先帝之靈陛下亦宜自謀諮諏善道察納雅言不
宜引喻失所以塞忠諫之路也又曰親賢臣遠小人
先漢所以興隆昵小人疎君子後漢所以傾覆侍中
郭攸之費禕侍郎董允先帝簡拔以遺陛下斟酌規

益進盡忠言則其任也官省之事悉以諮之必能裨
補闕漏有所廣益也以尚書南陽陳震爲中書令治
中張裔爲留府長史與參軍蔣公琰知居府事二月
亮出屯漢中營沔北陽平石馬以鎮北將軍魏延爲
司馬

六年春丞相亮揚聲由斜谷道取郿使鎮東將軍趙
雲中監軍鄧芝據箕谷爲疑軍魏大將軍曹真舉衆
當之亮身率大衆攻祁山賞罰肅而號令明天水南
安安定三郡叛魏應亮關中響震魏明帝西鎮長安
命張郃拒亮亮使參軍襄陽馬謖裨將軍巴西王平

及張休李盛黃襲等在前違亮節度爲郃所破平獨
歛衆爲殿而雲芝亦不利亮拔將西縣千餘家還漢
中戮謖及沐盛以謝衆奪襲兵貶雲秩長史向朗以
不時臧否免罷超遷平參軍進位討寇將軍封亭侯
統軍五年亮上疏曰臣以弱才叨竊非據親秉旄鉞
以厲三軍不能訓章明法臨事而懼至有街亭違令
之闕箕谷不戒之失咎皆在臣臣授任無方春秋責
帥臣職是當請自貶三等以督厥咎於是以亮爲右
將軍行丞相事辟天水姜維爲倉曹掾加奉義將軍
封當陽亭侯亮書與長史張裔參軍蔣琬稱維曰姜

伯約西州上士馬季常李永南不如也冬亮復出散關圍陳倉糧盡還魏將王雙追亮亮合戰斬雙

七年春丞相亮遣護軍陳戒攻武都陰平魏雍州刺史郭淮出將擊戒亮自至建威淮退遂平二郡後主詔策亮曰街亭之敗咎由馬謖而君引愆深自抑損重違君意聽順所守前年耀師馘斬王雙今歲爰征郭淮遯走降集氏羌興復二郡威震凶暴功勳赫然復君丞相君其毋辭夏四月吳主孫權稱尊遣衛尉陳震慶問與蜀約分天下冬城漢樂

八年春丞相亮以參軍楊儀爲長史加綬遠將軍遷

姜維護軍征西將軍秋魏大將軍司馬宣王由西城征西車騎將軍張郃由子午大司馬曹真由斜谷三道將攻漢中丞相亮軍城固表進江州都護李嚴驃騎將軍將二萬人赴漢中嚴初求以五郡爲巴州書告亮言魏大臣陳羣司馬懿並開府亮乃加嚴中都護以嚴子豐爲江州都督大雨道絕真等還丞相亮以當西北征因留嚴漢中署留府事嚴改名平丞相司馬魏延將軍吳懿西入羌中大破魏後將軍費耀雍州刺史郭淮于陽溪延遷前軍師鎮西將軍封南鄭侯懿左將軍高陽鄉侯徙魯王永爲甘陵王梁王

理爲安平王皆以魯梁在吳分故也

九年春丞相亮復出圍祁山始以木牛運參軍王平守南圍司馬宣王拒亮張郃拒平亮慮糧運不繼設三策告都護李平曰上計斷其後道中計與之持久下計還在黃土時宣王等糧亦盡盛夏雨水平恐運漕不給書白亮宜振旅夏六月亮承平指引退張郃至青封交戰爲亮所殺秋八月亮還漢中平懼亮以運不辦見責欲殺督運領岑述驚問亮何故來還又表後主言亮僞退亮怒表廢平爲民徙梓潼奪平子豐兵以爲從事中郎與長史蔣琬共知居府事時費

禕爲司馬也

十年春丞相亮休士勸農車騎將軍劉琰與軍師魏延不和還成都秋旱亮練兵講武

十一年魏青龍元年也丞相亮治斜谷閣運糧略十二年春丞相亮以流馬運從斜谷道出武功據五丈原與司馬宣王對於渭南亮每患糧不繼使志不伸乃分兵屯田爲久住之基耕者雜於渭濱居民之間百姓安堵軍無私焉秋八月亮疾病卒于軍時年五十四還葬漢中定軍山塚足容棺斂以時服諡曰忠武侯鎮西大將軍魏延與長史楊儀素不和亮旣

侍迺勇猛又借儀等云不能備有所發常恨一人之
不平爲作甘或論二子不該死常舉刀飛儀儀涕淚
交流惟謀軍書詳和用中間終亮之世盡其器用儀
欲塞亮成規將提引迺使迺斷後委推次之迺怒舉
軍先歸而師各相表及迺府長史將儀侍中董允保
楊儀疑迺迺欲擊儀儀逃平北將軍馬超討賊迺
迺自以去險常求將數萬列行依韓信故事亮不許
以亮爲怯及儀將逃使費禕追迺迺曰公雖亡吾見
在當率銀擊賊豈可以一人亡廢國家大事乎使禕
報儀不可故欲討儀儀率諸軍還成都大赦以吳懿

爲車騎將軍假節督漢中事初亮嘗表後主以儀性
猜狹若臣不才可以將統代臣於是亮爲尚書令
總統國事以儀爲中軍師司馬費禕爲後軍師征西
姜維爲右監軍輔漢將軍郭芝前軍師鎮沓州刺史
張翼前領軍趙雲軍政廖立汶山關亭卒垂泣曰
吾終爲左丞相李平亦發病臥初立平爲亮所廢安
泰後尚書亮當自前復翼後人不能故感情焉
十二年拜尚書令將安爲大將軍領益州刺史以費
禕爲尚書令時討興元師進近亮儀疑超廢大位既
無賊客又無百姓願受新服侍卿重尤兼虎自中郎

將省衛兵軍師楊維自以年富在晚前雖為參軍長
史已常任伐物苦更處晚下書能望謂費祿曰公仁
際移川上善當果報降機處世軍當落度如
此邪令人悔不可追諱夫其言發徒落焉俄又上書
激切連行俄重拜吳以亮之卒也增已丘守焉人獨
亦身白帝軍右中郎宗衡使又吳主曰東之與西共
為一家何以益白帝守相對曰東增已丘之戍蜀益
白帝之兵俱事勢宜然不足相問也

十四年夏四月後主西巡至南山登觀文閣之流
武都氏王拜侯持降將軍張討逆之過期不至大將

道曉憂之牙門將巴西張敷曰健求附款至必無他
變阻健弟殺不能同功各將乖離是以楛耳健弟果
叛就魏侯率四百家流寓居廣都縣

十五年魏景初元年也夏六月皇后張氏薨諡曰敬
又是歲車騎將軍吳懿卒以後無軍安漢將軍王平
領漢中太守代總督漢中事懿從弟瑛漢大將軍何
進官偏丞相之子也舊常與懿官至驍騎將軍持節
都侯時南郊輔臣先賜客陵劉巴南鄭官亦至鎮南
將軍劉川表淋南鄭高翔至大將軍淋征西將軍
延熙元年春正月立皇后張氏敬來皇后傳也大赦

改元立子壽為太子昭為安定王以典學從事已西
遊周為太子宋令梓潼李雄為僕射皆名儒也冬十
二月大將軍魏延出屯漢中更拜王平以備漢中者大
將軍府事而李福為前監軍領大將軍印
延熙二年春三月遣大將軍魏延大司馬關羽討治中
從事健為楊義珍討為東曹掾義性簡脫與言時不
應各草走以高悅說曰大人心不同各如其面而悅
後言古人所戒義欲許於是耶則非本心然反與言
也則顯吾之非是以歡然此義之快也又督吳楊敏
言賊寇作事憤憤誠非前人也或以白魏延曰吾信

不如商人上者乞問憤憤之狀魏曰苟其不知則憤
憤矣復問何也後敏坐事下獄人以爲必死魏心無
適莫是以上下輯睦歸仰於琰蜀備稱治

延熙三年魏正始元年也魏延將軍姜維領大司馬
西征入屯中安南將軍馬忠率越雋太守張疑于越
雋郡

四年冬十月尚書令黃庭至漢中與大司馬魏延事
計表盡還

五年春正月姜維還屯沔縣大司馬魏延以丞相亮數
入春川不克欲順河東下征三郡副臣咸以爲不可

安南將軍馬忠自建寧還朝因至漢中宣詔旨于琬琬亦連疾動輟計遷忠鎮南大將軍封彭鄉侯六年大司馬琬上疏曰臣既闇弱加嬰疾瘵奉辭六年規方無成夙夜憂慘今魏跨帶九州除之未易如東西掎角但當蠶食然吳期二三連不克果輒與費禕馬忠議以爲涼州胡塞之要宜以姜維爲涼州刺史銜持河右今涪水陸四通惟急是赴若東北有虞應之不難冬十月琬還鎮涪以王平爲鎮北大將軍督漢中事姜維鎮西大將軍涼州刺史十有一月大赦遷尚書令費禕大將軍錄尚書事就遷江州都督

鄧芝車騎將軍

七年閏月魏大將軍曹爽征西將軍夏侯玄征蜀王平與護軍零陵劉敏拒興勢圍以大司馬琬疾病假大將軍禕節率軍自成都赴漢中裒魏旌旗啓路馬人擐甲羽檄交馳嚴鼓將發光祿大夫義陽來敏求共圍碁禕留意博奕色守自若敏曰聊試君耳君信可人必能辦賊也比至爽等退命鎮南大將軍馬忠平尚書事夏四月安平王子胤卒秋九月禕還大司馬琬以病固讓州職于費禕董允於是禕加大將軍領益州刺史允加輔國將軍守尚書令允立朝正

色處中上則匡主下帥羣司于時蜀人以諸葛亮蔣費及允爲四相一號四英宦人黃皓便辟佞慧畏允不敢爲非後主欲採擇採擇以充後官允曰妃后之數不可過十二允嘗與典軍義陽胡濟大將軍禕共期遊宴命駕將出郎中襄陽重恢造允修敬自以官卑年少求去允曰本所以出者欲與同好遊談耳君已自屈方展闊積舍此就彼非所謂也命解驂止駕允之下士接物皆此類也君子以爲有周公之德八年秋皇太后吳氏薨諡曰穆冬十有一月大將軍禕行軍漢中

一則官卑年少求去

九年夏六月禕還成都秋大赦司農孟光於衆中責禕曰夫赦者偏枯之物非明世所宜有也今主上賢仁百寮稱職有何旦夕之急數施非常之恩以惠奸宄之惡上犯天時下違人理豈具瞻之精美所望於明德哉禕但顧謝焉初丞相亮時有言公惜赦者亮荅曰治世以大德不以小惠故匡衡吳漢不願爲赦先帝亦言吾周旋陳元方鄭康成間每見啓告治亂之道備矣曾不語赦也若景升季玉父子歲歲赦宥何益於治故亮時軍旅屢興赦不妄下也自亮歿後茲制遂虧蜀初闕三司之位以待天下賢人其鄉士

皆勳德融茂太常杜瓊學通行修衛尉陳震忠惇篤粹孟光亮直著聞皆良幹也但光好指摘利病太長秋南陽許慈普記載籍典掌舊文光祿來敏荆楚名族東官耆宿以舉措不慎前後數貶指當世美名不及特進太常廣漢鐔承光祿勳河東裴雋也其朝臣尚書巴西司學義陽胡博僕射巴西姚佃侍中汝南陳祇竝贊事業以故丞相長史向朗爲左將軍朗自去長史優游無事乃鳩合經籍開門誘士講論古義不豫世務是以上自執政下及童冠莫不宗敬焉冬十有一月大司馬琬卒謚曰恭侯中書令董允亦卒

超遷蜀郡太守南陽呂乂爲尚書令進姜維爲衛將軍與大將軍禕並錄尚書事維出隴西與魏將郭淮夏侯霸戰克之

十年涼州胡王白虎文治無戴等率衆降衛將軍維從之繁縣汶山平康夷反維復討平之過見廖立意氣自若維還假節

十一年鎮北將軍王平卒以中監軍胡濟爲驃騎將軍假節領兖州刺史代平督漢中事平始出軍武大

不知書

按本傳去手不能書

性警朗有思理與馬忠竝垂事績

平同郡句扶亦果壯亞平官至左將軍封宕渠侯後

張翼與襄陽廖化竝爲大將軍故時人爲語曰前有
何向後有張廖平本養外家何氏後復姓夏五月大
將軍禕出屯漢中

十二年魏嘉平元年也魏誅大將軍曹爽右將軍夏侯
霸來降淵子也拜車騎將軍四月大赦秋衛將軍
維出雍州不克將軍句安李韶降魏

十三年衛將軍維復出西平不克而還

十五年吳主孫權薨子亮立來告赴之如古義也立
子琮爲西河王命大將軍禕開府尚書令呂乂卒以
侍中陳祗守尚書令加鎮東將軍

劉東生
赴古

十六年春正月朔魏降人郭循因賀會手刃殺大將
軍費禕于漢壽諡曰敬侯禕當國名畧與蔣琬比而
功業相繼雖典戎于外慶賞刑威咸咨于已承諸葛
之成規因循不革故能邦家和一自禕沒後閭宦并
權衛將軍維自負才兼文武加練西方風俗謂自隴
以西可制而有禕常裁制不從至是無憚屢出師旅
功績不立政刑失措矣四月維將數萬攻南安魏雍
州刺史陳泰掠之維糧盡還

十七年魏征元元年也春衛將軍維督中外軍事大
赦夏六月維復出隴西隴西狄道長李簡舉縣降維

圍襄武魏大將徐質拔之維拔狄道河間臨洮三縣
民入蜀居于綿竹及繁是歲魏帝齊王廢高貴鄉公
卽祚

十八年春衛將軍維出議出征征西大將軍張翼廷
諍以國小不宜黷武維不聽夏率車騎將軍夏侯霸
及翼出狄道大破魏雍州刺史王經于洮西經衆死
數萬經退保狄道城翼曰可矣不宜進或毀此成功
爲蛇畫足維必進魏征西將軍陳泰拔狄道維退駐

鍾題

十九年魏甘露元年也春進衛將軍姜維爲大將軍

八月維復出天水至上邽鎮西大將軍胡濟失期不
至大爲魏將鄧艾所破死者甚衆士庶由是怨維而
隴以西亦無寧歲冬維還謝過引負求自貶削於是
以維爲後將軍行大將軍事立子瓚爲新平王大赦
二十年春大赦魏征東大將軍諸葛誕以淮南叛連
吳魏分關中兵東下後將軍姜維復從駱谷出長城
軍芒水與魏大將司馬望鄧艾相持

景耀元年維以誕破退還成都復拜大將軍史官言
景星見大赦改元宦人黃皓與尚書令陳祗相表裏
始豫政皓自黃門丞至今年爲奉車騎尉中常侍姜

維雖班在祇右權任不如蜀人無不追思董允者時
兵車久駕百姓疲弊太中大夫譙周著仇國論言可
爲文王難爲漢祖人莫察焉征北大將軍宗預自永
安徵拜鎮南將軍領兗州刺史以襄陽羅憲爲鎮軍
督永安事吳大臣廢其主亮立孫休來告難如同盟
也大將軍維議以爲漢中錯守諸圍適可禦敵不獲
大利不若退據漢樂二城積穀堅壁聽敵入平且重
關鎮守以禦大敵攻關不克野無散穀千里懸糧自
然疲退此餘敵之術也於是督漢中胡濟却守漢壽
監軍王含守樂城護軍蔣舒守漢城又於西安建威

武衛石門武城建昌臨遠皆立圍守

二年夏六月立子堪爲北地王恂爲新興王虔爲上
黨王以征西張翼爲左車騎將軍領冀州刺史廣武
督廖化爲右車騎將軍領并州刺史時南郡閻宇爲
右衛大將軍秋八月丙子領中護軍陳祇卒謚曰忠
侯祇在朝上希主指下接闔宦後主甚善焉以僕射
南鄉侯董厥爲尚書令

三年魏景初元年也秋九月追謚故前將軍關羽曰
壯繆侯車騎將軍張飛曰桓侯驃騎將軍馬超曰威
侯軍師龐統曰靖侯後將軍黃忠曰剛侯是歲魏帝

高貴鄉公常道鄉公即帝位

四年春三月追諡故鎮軍趙雲曰順平侯冬十月大赦拜丞相亮子武鄉侯瞻中都護衛將軍遷董厥輔國大將軍與瞻輔政以侍中義陽樊建守尚書令自瞻厥用事黃皓秉權無能匡矯者惟建特不與皓和好往來而秘書令河南郗正與皓比屋周旋皓從微不至著既不憎正又不愛之官不過六百石常免於憂

患按書百官表厥字龔龔亦義陽人建字長元

五年春正月西河王琮卒大將軍維惡皓之恣擅啓後主欲殺之後主曰皓趨走小臣耳往者董允切齒

吾嘗恨之君何足介意維本羈旅自託而功效無稱見皓枝附葉連懼於失言遜辭而出後主敕皓詣維陳謝維誘皓求沓中種麥以避內逼皓承白後主秋維出侯和爲魏將鄧艾所破還駐沓中皓協比閻宇欲廢維樹宇故維懼不敢還按沓中即古松州去文州三百里

六年春魏相國晉文王命征南將軍鄧艾鎮西將軍鍾會雍州刺史諸葛緒益州刺史師纂五道伐蜀大將軍姜維表後主求遣左右車騎張翼廖化督諸軍分護陽安關口及陰平橋頭黃皓信巫鬼謂敵不來啓後主寢其事羣臣不知夏艾將入沓中會將向駱

谷蜀方聞之遣張翼董厥爲安陽關外助廖化爲維
援繼大赦改元炎興比至陰平聞諸葛緒向建威故
待月餘維爲鄧艾所摧還陰平鍾會圍樂城遣別將
攻關分將蔣舒開門降督傅僉奮戰而死冬會以樂
城不下徑長驅而前翼厥之至漢壽也維化舍陰平
還保劔閣拒會會不能尅糧運懸遠議欲還而鄧艾
由陰平景谷傍入後主又遣都護諸葛瞻督諸軍拒
艾至漢涪不進尚書郎黃崇權子也勸瞻速行固險
無令敵得入坪言至流涕瞻不從前鋒已破艾逕至
涪瞻退保綿竹艾書與瞻曰若降者必表封琅邪王

瞻怒殺艾使戰于綿竹瞻軍敗績瞻臨陣歿崇及羽
林督李球尚書張遵皆必歿沒命瞻長子尚歎曰父
子荷恩不早斬黃皓以致敗國殄民用生何爲乃驅
馬赴魏軍而死百姓聞艾入坪驚迸山野後主會羣
臣議欲南入七郡或欲奔吳光祿大夫譙周勸降魏
魏必裂土封後主後主從之遣侍中張紹駙馬都尉
鄧良賈璽綬奉牋詣艾降北地王諶恚憤殺妻子而
後自殺艾至成都後主輿櫬面縛銜璧迎之艾親釋
其縛受其璧焚其櫬承制拜驃騎將軍使止其官執
黃皓將殺之受賂而赦之諸圍守皆奉後主敕令乃

下姜維未知後王降謂且固城素與執政者不平欲使其知衛敵之難而後逞志乃廻由巴西出鄆五城會被後主手令乃投戈釋甲詣鍾會降于涪軍士莫不奮擊以刃斫石明年春正月會構艾檻車見徵會圖異計竒維雄勇還其節蓋印號謂長史杜預曰姜伯約比中州名士夏侯太初諸葛公休不如也鄧艾亦謂蜀人曰姜維雄兒也會維每出同車坐同席將至成都自稱益州牧以叛恃維爲爪牙欲遣維爲前將軍伐中國維旣失策又知會志廣教會誅北來諸將諸將旣死徐欲殺會盡坑魏兵還復蜀祚密書通

心蓋亦
卷之六

後主曰願陛下忍數日之辱臣欲使社稷危而復安日月幽而復明魏太后崩會命將發喪因欲誅之諸將半入而南安太守胡烈等知其謀燒成都東門以襲殺會及維張翼後主太子璿等軍衆抄掠數日乃定三月後主舉家東遷洛陽丁亥封安樂縣公食邑萬戶賜綸萬匹奴婢百人他物稱此兄弟子孫爲郡都尉侯者五十餘人以譙周全國濟民封城陽亭侯秘書令郤正舍妻子隨侍後主相導威儀封關内侯於是尚書令樊建殿中督張通侍中張紹亦封侯劉氏凡得蜀五十年正稱尊號四十二年


蜀郡太守王崇論後主曰昔世祖內資神武之大才外拔四屯之奇將猶勤而獲濟然後登天衢車不輟駕坐不安席非淵明引鑒則中興之業何容易哉後主尋常之君雖有一亮之經緯內無骨肉之謀外無爪牙之將焉可包括天下也又曰鄧艾以疲兵二萬遠出江油姜維舉十萬之師案道南歸艾爲成禽禽艾已訖復還拒會則蜀之存亡未可量也乃迴道之巴遠至五城使艾輕進徑及成都兵分家滅已自招之然以鍾會之智略稱爲子房姜維陷之莫至尅捷籌策相應優劣惜哉愚以爲維徒能謀一會不慮窮

兵十萬難爲制御美意播越矣

議曰諸葛亮雖資英霸之能而主非中興之器欲一區區之蜀假已廢之命北吞強魏抗衡上國不亦難哉似宋襄求霸者乎然亮政脩民理威武外振爰迄琬禕遵修弗革攝乎大國之間以弱爲強猶可自保姜維才非亮匹志繼洪軌民嫌其勞家國亦喪矣

華陽國志卷第七

華陽國志卷第八



晉 常璩 著
明 吳瑄 校

大同志

古者國無大小必有記事之史表成著敗以明懲勸
稽之前代州郡宜然自劉氏祚替金德當陽天下文
明不及曩世近以多故族祖武平府君漢嘉杜府君
竝作蜀後志書其大同及其喪亂然近在李氏未相
條貫又其始末或有不詳第璩往在蜀櫛沐艱難備
諳諸故事更序次顯挺年號上以彰明德下以治違

亂庶幾萬分有益國史以廣識焉

魏咸熙元年蜀破之明年也以東郡袁邵爲益州刺史隴西太守安平牽弘爲蜀郡金城太守天水楊欣爲犍爲太守後主旣東遷內移蜀之大臣宗預廖化及諸葛顯等并三萬家於東及關中復二十年田租董厥樊建並爲相國參軍冬分州置梁州遣厥建兼散騎常侍使蜀慰勞

晉泰始元年春刺史袁邵以涪城將被徵故蜀侍郎蜀郡常忌詣相國府陳邵撫卹有方遠國初附當以漸導化不宜改易州將失遐外心相國聽留辟忌爲

舍人冬十月晉武帝踐祚

二年春武帝弘納梁益引援方彥用故黃金督蜀郡柳隱爲西河巴郡文立爲濟陰太守常忌河內縣令四年故中軍士王富有罪逃匿密結亡命刑徒得數百人自稱諸葛都護起臨邛轉侵江原江原方畧吏李高問術縛富送州刺史童策斬之初諸葛瞻與鄧艾戰於綿竹也時身死失喪或言生走深逃瞻親兵言富貌似瞻故富假之也

五年散騎常侍文立表復故蜀大臣名勳後五百家皆依故官號爲降

六年分益州南中建寧雲南永昌興古四郡爲嶲州
七年汶山守兵呂臣等殺其督將以叛族滅之初蜀
以汶山西五郡北逼陰平武督故於嶮要置守自汶
江龍鶴冉駝白馬氐種五圍皆置修屯牙門晉初以
御夷徼因仍其守

八年三蜀地生毛如白毫三夕長七八寸生數里
十年汶山白馬胡恣縱掠諸種夏刺史皇甫晏表出
討之別駕從事王紹等固諫不從典學從事蜀郡何
旅諫曰昔周宣王六月北伐者獫狁孔熾憂及諸夏
故也今胡夷相殘戎虜之常未爲大患而盛夏出軍

水潦將降必有疾疫宜須秋冬圖之未晚晏不聽遂
西行麇入營中軍占以爲不祥晏不悟胡康燒香言
軍出必敗晏以爲沮衆斬之夏五月軍至都安屯觀
坂上旅復諫曰今所安營地名觀坂自上觀下反上
之象徵不吉昔漢祖悟栢人以免難岑彭惡彭亡而
不去遂陷於禍宜移營他所晏不納其言夜所將中
州兵蔡雄宣班張儀等以汶山道險心畏胡之強晏
復懷諫于時衆庶所怨遂引牙門張弘督張衡等反
殺晏衆夜亂不知所爲惟兵曹從事犍爲楊倉彎弓
力戰射百餘發且詈雄衆擊之盡見殺從事廣漢王

紹亦赴之死初晏未出蜀中傳相告曰井中有人學士靳普言客入東井井益州之分野憂刺史戒客人耳又有猛風是逆風其日觀卦用事若軍西行護觀坂門人向天井益可慮也故旅懃諫云卒如其言弘等遂誣表晏欲率已共反故殺之求以免罪其衆抄掠百姓廣漢主簿李毅白太守弘農王濬宜急救益州禍亂保晏無惡必爲弘等所枉害濬從之而晏主簿蜀郡何攀以母喪在家聞亂釋纓經詣洛訴晏忠孝而弘等惡逆事得分明詔書因以濬爲益州刺史加輕車將軍濬斬弘等益州平

咸寧三年春刺史濬誅犍爲民陳瑞瑞初以鬼道教民其道始用酒一斗魚一頭不奉他神貴鮮潔其殯喪產乳者不百日不得至道治其爲師者日祭酒父母妻子之喪不得撫殯入弔及問乳病者轉奢靡作朱衣素帶朱幘進賢冠瑞自稱天師徒衆以千數百濬聞以爲不孝誅瑞及祭酒袁旌等焚其傳舍益州民有奉瑞道者見官二千石長吏巴郡太守犍爲唐定等皆免官或除名蜀中山川神祠皆種松柏濬以爲非禮皆廢壞燒除取其松柏爲舟船惟不毀禹王祠及漢武帝祠又禁民作巫祀於是俗無淫祀之俗

教化大行有木連理嘉禾黃龍甘露之祥三月被詔
罷屯田兵大作舟船爲伐吳計別駕何攀以爲佃兵
但五六百人無所辦宜召諸休兵借諸郡武吏并萬
餘人造作歲終可成濬從之攀又建議裁船入山動
數百里艱難蜀民冢墓多種松栢宜什四市取入山
者少濬令攀典舟船器仗冬十月遣攀使詣洛表可
征伐因使至襄陽與征南將軍羊祜荊州刺史宋庭
論進取計

四年春漢中都吏襲祚等謀殺太守姜宗以叛宗覺
堅守祚等燒南鄭市及平民屋族誅刺史濬當遷大

司農至漢壽重遣叅軍李毅詣洛與何攀竝表求伐
吳

五年詔書并濬龍驤將軍假節監梁益二州軍事除
何攀郎中參軍事以典軍從事張任趙明李高徐兆
爲牙門姚顯郄堅爲督冬當大舉秋攀使在洛安東
將軍王渾表孫皓欲北侵請兵朝議征却須六年攀
困表可因今取之策皓必不自逆帝乃許焉冬十有
二月濬因自成都帥水陸軍及梁州三水胡七萬人
伐吳臨發斬牙門將李延所愛侍將也以爭騎斬衆
莫不肅至江州詔書進濬平東將軍都督二州巴東

監軍唐彬及平南軍皆受指授別遣參軍李毅將軍
由涪陵入取武陵會巴陵

太康元年春三月吳平攀毅以功封各有差以淮南
胡羆爲益州刺史濬遷輔國將軍初濬將征問靳普
今行何如普對曰客星伏南斗中而太白歲星在西
方占曰東方之國破必如志矣普學術不貪榮貴卒
於布衣

三年更以益梁州爲輕車刺史乘傳奏事以蜀多羌
夷置西夷府以平吳軍司張牧爲校尉持節統兵州
別立治西夷治蜀各置長史司馬

五年罷寧州諸郡還益州置南夷校尉持節如西夷
皆舉秀才廉良

八年武帝子成都王穎受封以封蜀郡廣漢犍爲汶
山十萬戶爲王國易蜀郡太守號成都內史

元康六年復以梁益州爲重州遷益州刺史栗凱爲
梁州加材官將軍楊烈將軍趙嶽爲益州刺史加折
衝將軍關中氐及馬蘭羌反寇天水畧陽扶風始平
武都陰平發梁州及東羌鎮西討之不克益州遣牙
門馬玄尹方揀援之以鹿車運成都米給軍糧八年
嶽至州雖崇簡約而性實奢泰畧陽天水六郡民李

特及弟庠閻式趙肅何巨李遠等及氏叟青叟數萬家以郡土連年軍荒就穀入漢川詔書不聽入蜀益州勅關禁之而戶曹李苾按晉書李苾為侍御史開關放入蜀布散梁州及三蜀界汶山興樂縣黃石北地盧水胡成豚堅安角成明石等與廣柔平康文降劉紫利羌有讎遂與鱗峒羌郅逢等數千騎劫縣令求助討紫利大守楊邠撻殺豚堅而降其餘類遂叛殺長史冬西夷校尉西平麴炳表出軍遣牙門將孫眺為督護萬人征之戰于常安大為胡所破

九年炳以敗軍徵還晉夏用江夏太守陳摠為代胡

退散

永康元年詔徵刺史廡為大長秋遷成都內史中山耿滕為益州刺史折衝將軍因廡所服佩初廡以晉政衰而趙星黃占曰星黃者主陰懷異計蜀土四塞可以自安乃傾倉賑施流民以收衆心以李特弟庠衛六郡人勇壯厚卹遇之流民恃此專為劫盜蜀民患之滕數密表流民剛戇而蜀人懦弱客主不能相制宜遷還其本土不者與東三郡隘地觀其情態漸不可長將移秦雍之禍於梁益矣又言倉庫虛無以應敵萬一告急必益聖朝西顧之慮由是廡惡滕州

被詔書已遣文武士千餘人迎滕滕以廩未出州故在郡廩募庠黨羅安王利等劫滕大敗於廣漢宣化亭殺傳詔者滕議欲入州城功曹陳恂諫曰今州郡竝治兵怨懣日深入城必有大禍不如安住少城檄諸縣合村保以備秦氏且觀其變不爾可退任犍爲西渡江原以防非常滕不從冬十有二月滕入城登西門廩遣親近代茂取滕茂告之而去廩又遣兵討滕滕軍敗績自投少城上吏左雄負滕子竒依民宋寧藏廩購千金寧不出尋廩敗得免郡吏皆竄走惟陳恂面縛詣廩請滕死喪廩義而不殺也恂與戶曹

掾常敞共備棺塚葬之廩又遣軍逆陳摠摠至江陽聞廩有異志王簿趙模進曰今州郡不協必生大變惟當速行府是兵要助順討逆莫有動者也摠更緣道遲留至南安魚涪津以與廩軍遇白摠散財貨募士卒距戰若克州軍則州可得克順流而退必無害也摠不能更曰趙益州忿耿侯故殺之與吾無嫌何爲如此模曰今州起事必當立威雖不戰無益也言至垂涕摠不聽衆拖摠逃草中模衣摠服格戰廩兵殺模見非摠乃搜求摠殺之廩自稱大將軍益州牧以武陽令蜀郡杜淑別駕張粲巴西張龜西夷司

入以下世宋本補

馬龔尼江原令犍為費遠等為左右長史司馬參軍
徙犍為太守李庠為威寇將軍召臨邛令涪陵許弁
為牙門將召諸王官莫敢不往又以廣漢太守張徵
汶山太守楊郛成都令費立為軍祭酒時庠與兄弟
流驥妹婿李舍天水任回上官晶按晉書作上官扶風李
攀始平費佗氏符成隗伯董勝等四千騎在北門廡
使庠斷北道庠素東羌良將曉軍陳不用麾幟舉矛
為行五斬部下不用命者三人部陣肅然廡等忌之
遂於會所斬庠及其兄子弘等十餘人慮特等為變
又命為督將安慰其軍還特庠喪其夜特流徹眾散

歸縣竹廡遣故陰平令張衡外遷費恕就綬納皆為
特所殺牙門將許弁求為巴東監軍杜淑張粲固執
不許弁怒於州閣下手刃殺淑粲即亦殺弁二子廡
腹心也

永寧元年春正月廡遣萬餘人斷北道次綿竹以長
史費遠為縫前軍宿石亭持等相合得七百餘人夜
襲之因放火殺廡軍略盡進成都城中惶惧中都常
美與費遠季艾張徵等夜斬閣委廡走文武散盡廡
獨與妻子乘小船順水至廣都為下人朱竺所殺
趙廡字和叔本巴西安漢人也祖世隨張魯內移家

郎

趙王倫器之、歷長安、令天門、武陵太守、來臨州、長子昇在洛、亦見誅、特流至成都、殺西夷護軍姜發、及龔尼相、都令袁洽、因大抄掠、遣牙門王角、李基詣洛、表狀、初、梁州刺史羅尚、聞廢反、表廢非雄才、又蜀人不願為亂、必無同者、事終無成、敗亡可討、而俟惠帝因拜尚平西將軍、假節、護西夷、校尉益州刺史、給衛節兵一千、梁州兵二千、又配尚書都尉義部千五百人、合千五百人遷梓潼太守、樂陵徐儉為蜀郡太守、揚烈將軍、隴西辛舟為廣漢太守、羅尚又表請牙門將王敦兵七千餘人入蜀、特等聞尚來、甚懼、使弟驥奉迎、

特厚進寶物、尚以驥為騎督、特流奉牛酒勞尚於綿竹、王敦說尚曰、特等隴上盜劫塞賊、宜急梟除、無後患也、可因會所殺之、辛舟本趙王倫所用、非資次、當還、欲討廢以自新、亦以言之、尚不納、舟又謂特曰、故人相逢、不吉、當凶、特自猜懼、三月、尚至州治、汶山羌反于都安之天、拭山、遣王敦討之、殺數千人、大沒女弱為生口、單馬馳為羌所殺、御史馮談、張昌、攝秦雍州、從事督郵、移遷流民、徙者萬餘家、而特兄輔素留鄉里、託言迎家、既至蜀、因謂特曰、中國亂、不足還、遣天水閻式、累詣尚、求弛領、校權停、至秋、並進貨

賄于尚、諛許之。及秋，又求至冬。辛舟李苾以為不可，必欲移之。或為別駕杜歿說，逼移利害。歿亦欲寬迸民一年。辛舟李苾以為不可。尚從之。歿致秀才板出還家，知計謀不行故也。時有白虹頭在井里尾在東山，拖大城上。治中從事巴西馬休問閻式曰：「此何祥也？」式曰：「占言下有萬屍氣，甚迫于城，非佳應。」天孽可違乎？平西若能寬遷民，災自消矣。舟苾又白尚，流民前廡亂際多所枉沒，宜因移設閔以奪取之。秋七月，尚移書梓潼所在，抱閔。八月，閔皆城。閻式曰：「無寇而城，讎必保之。」蜀將亂矣。九月，遣軍：綿竹、揚

言種麥寔備越逸。舟又購特流首百疋，特驤思更其購云能送六郡大姓。閻趙任楊，李上官及氏、梁竇符、隗、董、費等首百疋。流民本無還意，大驚。諛趨特。冬十月，特流乃保赤祖為二營。特稱鎮北益州流鎮東，皆大將軍。兄輔驃騎弟驤驍騎。特長子蕩鎮軍，少子雄前軍。李含西夷校尉，含子國雛及任回、上官晶、李攀、費他皆將軍。以天水任威、上官惇、楊褒、楊發、楊珪、王達、趙歆、陰平李遠、武都李博、略陽文斌等參佐。而閻式何巨、趙肅亦為賓從。其餘皆有官跡。辛舟遣護軍曾元攻之，為特所殺。尚督護田佐牙門劉並助

舟復敗進圍廣漢尚復遣犍為太守李苾長史費達
助舟不能克舟託罪於綿竹令南郡改苾斬之而潰
圍走德揚特等得廣漢詐為表奏稱引梁統推奉竇
融故事以自貴大尚書檄告喻閻式、荅曰辛舟傾
巧杜景狂發曾元小豎田佐血氣下治李叔平才經
廊廟無將帥之氣討羸乏羗謂可長而式前為節下
及杜景文論留徙之宜人懷桑梓孰不願之但徃初
至隨穀庸債一室五分復值雨潦乞須冬熟而不見
聽必窮鹿^指菟虎但恐繩之大過逆民不肯延頸受刃
其憂在後即聽式言寬使治嚴不過去九月盡集十

月生道令達鄉里何有如此也雅聽未察卹彼過言
今辛舟奴亡叔平長遯支分勢解事漸及已所謂不
寤曲突徙薪而有焦爛之容也尚率其民盡渡郫水
以南尚阻長圍自都安至犍為七百里捍特等保廣漢
太安元年春尚牙門夏丘攻李特於立石失利征西
遣督護衙博討^衙博次梓潼晉復拜前廣漢太守張
微廣漢太守據德陽尚遣督護巴西張龜督四十牙
門軍繁城博方遣參軍蒙紹誘特降尚貽博書曰昔
年得李流牋降心欵欵由時威帖得還為寇聞特委
誠於下吏而流驥七八千人來寇日至姦凶之態詭

譎不測不可不重以持之也博不從故爲特所破於陽沔梓潼太守張演委倉庫走巴西巴西郡丞毛植五官襄珍舉郡降特衙博才兼文武征西大將軍河間王深器之初爲陰平太守爲從事巴郡毛扶所怨梁州人及西征征西許雄以陽沔之役寇尚未至聞鶴鳴便退博欲委罪梁州託以自不供給梁州治中表之博以是得罪晉乃更用許雄爲梁州刺史八月特破德陽流次成都北上李驥在毗橋尚遣將張興僞降於驥覘士衆虛實還以告尚尚遣精兵襲驥破之流驥并衆攻尚軍軍失利喪其器甲晉梁州刺史

許雄數遣軍討特特備嶮不得進征西乃遣監軍劉沈將西征以中國有事不果而南夷校尉李毅遣使兵助尚軍數挫特勢日盛

二年春正月朔特攻尚水上軍特從益底渡黨徒從赤水渡入郫及水西南緣江守軍皆散走太守徐儉逼降尚保大城特營流軍進屯江西之檢上蜀民懼先已結村保特分人就主之雄書諫特收質任無得分散猛銳流亦諫之特怒曰大事已定但當安民何緣疑動而劫害不止尚從事蜀郡任督按晉書作任明說尚曰侵暴百姓又分人衆散在諸村怠無無備殆天亡特之

秋也可告諸村密剋戰日內外擊之破特必矣尚從之從繼出督使宣旨告諸村期二月十日同時討特手書隱語曰在彼揚水督先詣特降究觀虛實特問城中督曰米穀已欲盡但有貨帛耳因求省家特與啓信諸村悉從督督還報尚如期出軍討特諸村亦起大殺特衆破退追及於繁之官桑斬特及兄輔遠等李流斂余衆還赤祖尚乘勝回施遊軍征盪傳特首洛陽焚其屍李雄以李離爲梓潼太守衆還赤祖推流爲大將軍大都督而荊州刺史宋岱水軍三萬助尚次墊江前鋒建平太守孫阜破特德陽守將騫

碩太守任臧徑至涪三月尚遣督護張龜何冲左汜等軍繁城而緜竹降涪陵民藥紳杜阿應尚尚又遣督護常深軍毗橋爲流驤禦蕩雄攻紳深破驤殺李攀弟恭復爲主左汜黃閭逼攻特北營營中氏羌因符成隗伯石定叛應汜閭攻蕩雄蕩毋羅掾甲略陳伯手刃羅傷目壯氣益烈又時成伯戰於內汜閭攻其外自晨至日中營垂欲破會流破深蕩雄破紳還適與汜閭會大破之成伯將其黨突出詣尚蕩策馬追退軍爲使長矛所椿死羅雄秘不發喪以安衆心流以特蕩歿而岱阜並至恐懼李含勸流降流從之

雄與驤諫之不納遣子世及含子胡質於臯李離聞父舅將降自梓潼還欲諫不及雄與離謀襲臯曰若功成事濟當爲人主要三年一更雄曰與君計雖定老子不從若何離曰當制之若不可便行大事雖君叔勢不得已老父在君夫復何言雄乃說六郡人士激以尚之自侵懼以共殘蜀民之禍陳臯可富貴之秋得以破臯臯軍死者甚衆而岱病亡荊州軍退轉攻尚流慙其短軍事任雄雄數破尚軍保大城夏四月尚殺隱士劉敞敞故州牧劉璋曾孫也隱居白鹿山高尚皓首未嘗屈志亦不預世事尚信祆言殺之

殺之日雷震人犬雨城中出水五月李流降于孫臯遣子爲質不可乃舉兵與李離襲臯臯軍敗績宋岱病卒墊江州軍退雄逼攻尚尚保大城中六月雄從帛羊頽渡攻殺汶山太守陳圖據郫城秋七月朔雄入郫城流盡移營據之三蜀民流併南入東下野無烟火鹵掠無處亦尋飢餓唯涪陵民千餘家在江西依青城山處士范賢自守平西叅軍涪陵徐輿求爲汶水太守撫帥江西民與尚掎角討雄尚不許輿怨之求使江西因叛降雄雄以爲安西將軍給其軍糧雄得以振九月流病死雄復稱大將軍都督州牧尚

數攻郿雄使武都朴泰謂尚曰李驥與雄以飢餓孤危日鬪爭相咎驥欲將民江西食穀若潛軍來我爲內應可得也尚以爲然大與金寶泰曰今事故未立效後取不晚也又求遣人自隨覘伺尚從之泰要發火遣隗伯諸軍攻郿驥使道設伏以長梯上伯軍伯軍見火起皆爭緣梯雄因放兵擊之大破尚軍雄徑追退夜至城下稱萬歲曰已得郿城矣人少城尚乃覺保大城驥別攻犍爲斷尚運道獲太守武陵龔恢恢爲天水西縣令任回爲吏回問曰識故吏不恢曰識汝耳郡吏星散惟功曹楊渙侍衛回謂曰卿義人

也吾力恐不能拔龔君不能免卿也宜早去渙曰背主求生何如守義而死遂併見殺以李溥爲犍爲太守雄生獲伯知其傷死創也伯女爲梁雙妻爲已用故不殺閏十二月尚糧運不繼而被攻急夜退牛鞞水東下留牙門張羅持城終夜比雄覺去已遠倉卒失節鉞羅持從後得之并護資應雄得成都梁州刺史許雄以討賊不進蓋車徵詣詔獄惟護軍與漢國太守杜孟治都戰帥趙汶荊州太守梓潼關守漢中元興元年春正月尚至江陽軍同卒寶詣洛表狀詔書權統巴東巴郡涪陵二郡供其軍賦冬尚移屯巴

郡遣軍掠蜀中斬雄從祖冉獲驥妻咎子壽兄弟十
二月雄太尉李離伐漢中殺戰帥趙汶

永嘉元年春尚施置關戍至漢安熨道時益州民流
移在荆湘州及越雋牂牁尚書置郡縣就民所在又
施諸村叅軍三月關中流民鄧定旬氏等掠漢中冬
辰勢以叛巴西太守張燕帥牙門武肇漢國郡丞宣
定遣兵圍之氏求救於李雄夏五月雄遣李離李雲
李璜李鳳入漢中救定杜孟治聞離至命燕什圍保
州城初燕攻定定衆飢餓僞降送金一器與燕燕納
之居七日氏至定還冬辰勢燕進圍之不聽孟治言

離至先攻肇營營破次攻定又破之燕懼戰將百騎
走離等大破州軍牙門蔡松退告孟治曰州軍以破
賊衆不可待也孟治怖護軍欲城守謂孟治曰賊來
雖衆客氣之常李來區區有東南之逼必不分宿兵於
外不過迎拔定氏耳孟治曰不然雄冒稱帝王縱橫
天下以遣重衆必取漢中雖有牢城士民破膽不可
與待寇也乃開門退走護軍北還孟治入大桑谷民
數千家車數千兩一夜行纔數十里而梓潼荆子以
父與孟治有隙合子弟追之及於谷口孟治棄子走
荆子獲之及吏民千餘家惟漢國功曹毋建荷檐仗

曰吾雖不肖一國大夫國亾不能存終不屬賊也餓
死谷中積十餘日離等引還漢中民旬方白落率吏
民還守南鄭

二年詔書錄尚討特功加散騎常侍都督二州進爵
夷陵侯長子宇以佩奉車都尉并次子延壽騎都尉
梁州以雄所破壞晉更以皇甫商爲梁州商不能之
官更用順陽內史江夏張光爲刺史治新城漢中民
逼李鳳寇掠東走荆沔

三年冬天水旬琦張金苟略陽羅美殺雄太尉李離
降尚雄太傅驤李雲季璜攻美爲所破殺雲璜雄從
弟也爲司空十有二月琦等送離母子於尚尚斬之
分其室

四年天水文石殺雄太宰李國以巴西降尚梓潼巴
西還蜀初巴西譙登詣鎮南請兵鎮南撫兵表爲揚
烈將軍梓潼內史義募三巴蜀漢民爲兵克復州郡
先征宕渠殺雄巴西太守馬脫還住涪折衝將軍張
羅進據犍爲之合水巴蜀爲語曰譙登治涪城文石
在巴西張羅守合水巴氏那得煎秋七月尚薨于巴
郡尚字敬之一名仲字敬真襄陽人也歷尚書丞郎
武陵汝南太守徙梁州臨州詔書除長沙太守下邳

皮素字泰混爲益州刺史兼西夷校尉揚烈將軍領義募人及平西將軍當進治三關時李驥急攻譙登素次巴東勅平西將軍張順楊顯救登尚子宇恚恨加登糧運不給素至涪欲治執事執事懷懼冬十有二月素至巴郡降人天水趙攀閻蘭等夜殺素建平都尉暴重殺宇及攀巴郡亂不果掾登三府官屬上巴東監軍冠軍將軍南陽韓松爲刺史校尉治巴東五年春正月李驥破涪城獲登巴西梓潼復爲雄有荆湘有亂氏符成隗文作亂宜都西上巴東雄衆攻棘道走健爲太守魏紀殺江陽大守姚襲二月氏隗

宋本無也下八字

文等反於巴東暴重討之未下重殺刺史韓松松字公治南陽人也魏大司徒暨孫也自領三府事三月三府文武與巴東太守吏共囚重及妻子於宜都殺之共表巴郡太守張羅字景治行三府事羅治枳自討隗文於宮圻破降之旬月復叛劫巴郡太守黃龕託以爲主龕窮急自殺主簿楊預諫曰文之宿惡江川所知拘劫明府誰不危心虛假之名孰當信之可使張將軍知其丹誠何遠如此龕曰賊已道斷何緣得令景治知之預乃作龕書遣弟逃氏詣羅曰子宜宣城吾自明之耳隗文聞怒囚龕執預問遣信狀龕

曰不遣也文乃考預一日夜預不言文欲殺龕預死杖下文義之赦龕羅遣軍討之破還羅自討之敗績身歿羅河南梁人也巴中無復餘種矣文馳略吏民西上降雄將任回獲犍爲太守魏紀三府文武共表平西司馬王異行三府事又領巴郡太守梁州刺史張光復治漢中

六年龍驤將軍江陽太守犍爲張啓與廣漢羅琦共殺異異字彥明蜀人也啓復行三府事羅琦行巴郡太守啓病亡啓字進明犍爲人蜀車騎將軍張翼孫也三府文武復共表涪陵太守義陽向沈行西夷校

尉吏民南入涪陵

建興元年春沈卒涪陵多疫癘蜀郡太守江陽程融宜都太守犍爲楊芬西夷司馬巴郡常歆都安令蜀郡常倉弘等共推汶山太守涪陵蘭維爲西夷校尉時中原旣亂江東有事棟援無所顧望融等共率吏民北出枳欲下巴東遂爲雄將李恭費黑所破獲五月梁州刺史張光討王如黨涪陵李運巴西王建於盤蛇便作山疑其欲叛也運建走保胸山光遣軍攻破殺之建女聞楊虎保黃金山以叛討之虎夜棄營還趣厄水去州城四十里住光遣其子孟萇討之迭

有勝負光亦助於武都氏王楊茂搜虎亦求採於茂
搜初茂搜于難敵遣養子適賈梁州私買良人子一
人光怒鞭殺之難敵以是怨光曰使君初來犬荒之
後兵民之命仰我氏活氏有小罪不能貫也陰謀討
光會光虎求採秋八月茂搜遣難敵將騎入漢中外
言助光內實應虎至州城下光以牛酒饗勞遣與孟
萇共討虎孟萇自虎前難敵繼後與虎戰久難敵從
後擊孟萇大破生禽孟萇殺之九月光患於州人共
推始平太守胡子序領州冬十月虎與氏急攻州城
子序不能守委城退走氏虎得州城發光塚焚其屍

喪難敵得光鼓吹妓樂自號刺史虎領吏民入蜀漢
中民張咸等討難敵退還咸復入蜀於是三州沒爲
雄矣蜀自太康至于太安頻怪異成都北鄉有人嘗
見女子僻入草中往視物如人有身形頭目口無手
足能動搖不能言廣漢有馬生角長大各半寸又有
驢無皮毛袒肉飲食數日必繁什邽郡江原生草高
七八尺莖葉赤子青如牛角內史耿滕以爲朱草表
美於成都王

元康三年正月中歛一夜有火光地仍震童謠曰
城堅益底窳郡中細子李特細又曰江橋頭闕下市

成都北門十八字及尚在巴郡也又曰巴郡葛當下
美巴郡皮素之西上也又曰有客有客來侵門陌
其氣欲索武平府君云譙周言巴沒三十年後當有
異人入蜀蜀由之亡蜀亡之歲去州三十三年又曰
宋岱不歿則孫阜不交市三旬之間流離之首懸於
轅門愚以爲宋岱方進阜見得質及更推敗設岱生
在無所保據矣杜弢自湘中與柳監軍書曰前諸人
不能寬李特一年又不以徐士權爲汶山太守而屯
故如此謂失之毫釐差以萬里斯言有似然必以不
杜漸爲恨者流民初西當承詔書閉關不入其次易

代趙廡選宜內遣平西綿竹之會聽王敦之計少可
以寧毫釐之覺非彼之謂也

譙曰先王規方萬國必兼親尊賢能而任宗盟者蓋
內藩王室外禦叛侮故元牧有連率之職奉貢無失
職之愆爰及漢氏部州必卿佐之才郡守皆台鼎之
望是以王尊王褒著名前世第五倫蔡茂徑登三司
斯作遠之准格不凌之令範也自大同後能言之士
無不以西土張曠爲憂求主皇宗樹賢建德于時莫
察視險若夷缺垣不妨任非其器啓戎長寇遂覆三
州詩所謂四國無正不用其良也

華陽國志卷第八

華陽國志卷第九

晉常璩著

明吳瑄校

李特雄壽勢志

李特字玄休畧陽臨渭人也祖世本巴西宕渠賓民種黨勁勇俗好鬼巫漢末張魯居漢中以鬼道教百姓賓人敬信值天下大亂自巴西之宕渠移入漢中魏武定漢中曾祖父虎與杜朴胡約楊車李黑等移于畧陽北土復號曰巴人特父慕爲東羌獵將特兄弟五人長兄輔字玄政次特特弟庠字玄序庠弟流

字玄通流弟驥字玄龍皆銳驍有武幹特長子蕩字仲平好學有容觀少子雄字仲儁初特妻羅氏夢雙虹自門昇天一虹中斷羅曰吾二兒若有先亡在者必大貴雄少時辛冉相當貴有劉化者道術士也言關隴民皆當南移李氏子中惟仲儁天姿奇異終爲人主鄉里人多善之與叔父庠並以烈氣聞人多歸之旣克成都衆皆饑餓驥乃將民入郫王城食穀芋雄遣信奉迎范賢欲推戴之賢不許更勸雄自立永興元年冬十月楊驥楊珪共勸雄稱王雄遂稱成都王追尊曾祖庸曰巴郡桓公祖慕隴西王父特景王

母曰太后追謚世父輔齊烈王仲父庠梁武王仲父流秦文王兄蕩廣漢壯文公以叔父驥爲太傅庶兄始爲太保外兄李國爲太宰國弟離爲太尉從弟雲爲司徒璜爲司空閻式爲尚書令驥爲僕射發爲侍中珪爲尚書洪爲益州刺史徐輿鎮南王達軍師具置百官下赦建元太武迎范賢爲丞相從弟置流子也以不陪列誅之賢旣至尊爲天地太師封西山侯復其部曲軍征不預租稅皆入賢家賢名長生一名延久又名九重一曰支字元涪陵丹興人也光熙元年雄稱皇帝改元晏平永嘉三年羅羨訇琦等殺李

通鑑改其載十七卷

秋日孤雄年号建興

二卷平五与華陽國志

同則不應以晋書載

祀漢有大武之元也

載國志天地上有留

以另四字則此本非温

皇可見之有明矣

離於梓潼時閻式去雄依離并見殺驤攻不克時李雲李璜皆戰死明年文碩殺李國以巴西梓潼爲晉平冠將軍李鳳在晉壽梁州先已爲雄所破不守而譙登在涪平西參軍向奮屯漢安之宜福張羅屯平無後漢書越雋郡有會無城逼雄雄將張寶弟全在訇琦中雄遣寶反爲奸許以代離寶素凶勇先殺人而後奔梓潼密結心腹會羅尚遣使慰勞琦琦等出送其使寶從後閉城門琦等奔巴西雄得梓潼拜寶爲太尉雄自攻奮奮走遣驤攻登登初將驤子壽欲以誘驤被攻急救援不至還驤壽五年春驤獲登遣李始督李鳳

攻巴西殺文碩是歲雄姨弟任小受張羅募手刃雄頭雄幾死改元玉衡是後扶風鄧芝楊虎等各率流民前後數千家入蜀以鳳爲征北梁州任回鎮南南夷寧州李恭征東南蠻荊州皆大將軍校尉刺史雄驤勤卹百姓於內鳳回恭招流民於外稱有功氏符成隗文旣降復叛手傷雄母及其來也咸釋其罪厚加待納皆以爲將天水陳安舉隴右來降武都氏王楊茂搜奉貢稱臣杜弢自湘州使使求援晉涼州刺史張駿遣信交好漢嘉夷王冲遣子質頃之朱提審炤率民歸降建寧爨量蒙嶮委誠其餘附者日月而

至雄乃虛也受人寬和政後遠至邇安年豐穀登乃
興文教立學官其賦民男丁一歲穀三斛女丁一斛
五斗疾病平之戶調絹不過數丈綿不過數兩事少
後稀民多富實至乃閭門不閉路不拾遺獄無滯囚
刑不濫及但爲國威儀無則官無秩祿職署委積班
序無別君子小人服章不殊貨賄公行懲勸不明行
軍無號令用兵無部伍其戰勝不相讓敗不相救攻
城破邑動以虜獲爲先故綱紀莫稱李鳳在北數有
戰降之功時蕩子雉屯晉壽害其功大興元年鳳以
巴西叛驤討之久任梓潼不敢進雄自至涪驤遂斬

鳳以壽代鳳以知州征事二年驤伐越雋又分伐朱
提○三年獲太守西夷校尉李釗夏進伐寧州大敗
於螳螂還初氏王楊茂搜子難敵堅頭爲劉曜所破
奔晉壽晉壽守將李稚蕩第二子也受其賂遺不送
成都曜旣引還稚遣難敵兄弟還武都遂即叛稚稚
悔失計連白雄求伐氏雄許之羣臣多諫雄不從遣
稚兄玲以侍中中領軍統稚攻難敵由白水道壽遣
田稚弟珩由陰平入二道討氏難敵等先拒壽珩珩
壽不進而玲稚徑至下辨以深入無繼大爲氏所破
稚玲皆歿者千餘人雄深自咎責以謝百姓玲蕩

元子有名望志尚雄欲傳以後嗣甚痛惜之雄妻
任無子養弟班爲子雄自有庶子十五人羣臣上
立嗣雄曰孫仲謀割有江東伯符基兆子止侯爵國
志恥之宣公舍子立弟君子以爲知人吾將彌縫國
志之恥以繼宣公之美驥與司徒王達諫以爲不可
雄不從永昌元年冬立班爲太子驥泣曰亂始於是
矣泰寧元年越雋斯叟反攻圍任回及太守李謙遣
其征南費黑救之咸和元年夏斯叟破二年謙移郡
民於蜀三年冬驥歿追贈相國謚曰漢獻王壽以喪
還拜玠征北梁州代壽以班行撫軍將軍脩晉壽軍

屯五年拜壽都督中外諸軍大將軍中護軍西夷校
尉錄尚書摠統如驥冬壽率征南費黑征東任邵伐
巴東至建平監軍母丘奧退保宜都六年春壽還遣
任邵屯巴雄以子越爲車騎住廣漢秋壽伐陰平冬
城涪縣七年秋壽南征寧州以費黑爲司馬與邵攀
等爲前軍由南廣入又別遣任回子調由越雋冬十
月壽黑至朱提朱提太守董炳固城寧州刺史尹奉
遣建寧太守霍彪大姓爨深等助炳時壽已圍城欲
逆拒之黑曰料城中食少霍彪等雖至齋糧不多宜
令人入城共消其穀猶嫌其少何緣拒之彪等皆入

城城久不下壽欲急攻之黑諫曰南道險俗好反亂
宜必待其詐勇已困但當日月制之全軍取勝以求
有餘溷牢之物何足汲汲也壽必欲戰果不利乃悉
以軍事任黑八年春正月炳彪等出降威震十三郡
三月刺史尹奉舉州委質遷奉於蜀壽領寧州南夷
初平威禁甚肅後轉凌掠民秋建寧州民毛衍羅屯
等反殺太守邵攀牂牁太守謝恕舉郡爲晉壽破之
九年春分寧州置交州以霍彪爲寧州建寧麋深爲
交州刺史封壽建寧王張駿使參軍傅穎治中張淳
遺雄書勸去尊號稱藩於晉雄引見謂曰吾過爲士

大夫所推然本無心於帝王也貴州將令行河沙常
所希冀進思共爲晉室元功之臣退思共爲守藩之
將掃除氛埃以康帝宇而晉室陵遲德聲不振引領
東望有年月矣會獲來貺情在閭室有何已已穎淳
以爲然使聘相繼巴郡嘗告急云有東軍雄曰吾常
慮石勒跋扈侵逼瑯琊以爲耿耿不圖乃能舉軍使
人欣然雄之雅談多如此類三月壽還夏六月癸亥
雄疾病卒時年六十一僞謚曰武帝廟稱太宗凡自
立三十年冬十二月丙寅葬成都墓號安都陵也
班字世文蕩第四子也少見養於雄年十六立爲太

子好學愛書每觀書傳謂其師友天水文夔隴西董融等曰吾見周景王太子晉魏太子丕吳太子孫登文章鑒識超然卓絕未嘗不有慙色何古人之難及乎進止周旋勤於咨問但性輕躁失在田獵甲子襲位珩來奔喪勸遣雄子越還江陽而欲令期代已知北事班以未葬不許遣珩還涪冬十月癸亥期越殺班於臨次并殺班仲兄領軍都弟珩奔晉期僞謚班曰戾太子壽追謚曰哀皇帝子幽顯爲期所殺班兄弟五人皆兵死四人無後珩在晉歷巴郡襄陽宜都太守龍驤將軍永和三年從征西於山陽戰死也

期字世運雄第四子也母冉賤雄妻任養爲子少攻學問有容觀雄時令諸子各募合部曲多者纔得數百人而期獨得千餘人爲安東將軍雄亡越自江陽來赴喪兄弟怏怏旣以班非雄所生又慮珩不利已與兄越密謀圖班太史令韓豹上言宮室有陰謀兵氣戒在親戚班不悟遂因夜哭越殺班期自立以越爲相國與壽并錄尚書事進壽大都督徙封漢王使討珩於涪封越建寧王以仲兄霸爲中領軍鎮南弟保鎮西西夷校尉汶山太守從兄始征東代越皆大將軍珩走卽拜壽梁州知北事咸熙元年春正月立

妻閻氏爲后下赦改元玉恒秋以司隸景騫爲尚書
令征南費黑爲司隸班舅羅演爲僕射舅羅演與漢
王相天水上官澹謀襲期立班子幽謀泄殺澹并誅
班母羅瑒子礮稚妻登二年忌從子載多才藝託他
事誅之而霸保皆暴病死於是大臣自疑骨肉不相
親而期志益廣忽慢公卿政刑失錯四年夏四月壽
自涪還襲期假以誅越騫爲言越請散財募士格戰
期謂壽不自薄不許旣誅越騫初廢期爲邛都縣公
五月乃殺期及誅李始等殺兄弟十餘人期死時年
二十四謚曰幽王五年徙其妻子於越雋勢又使人

就越雋誅其子

壽字武考有幹局愛尚學義志度少殊於諸子雄奇
之自代父爲將志在功名故東征南伐每有效事雄
疾病侍疾左右左右侍臣造雄顧命寄託於壽期之
殺班也李始初欲附壽圖共討期壽不敢始怒說期
取壽憚李珩在北欲藉壽討之故許壽旣受漢封北
伐珩告以去就利害假道故珩得由巴順水東下吳
壽雖代珩鎮涪歲終當入朝覲常自危嫌輒造漢中
守將張才急書告方外寇警咸康二年冬北入漢中
破走司馬勳壽見期越兄弟十餘人年方壯大而手

下有強兵懼不自全數聘命高士巴西龔壯壯雖不應恐見害不得已數見壽時岷山崩江水竭壽緣劉向之言而惡之每謀壯以自安之術壯之父及叔皆爲特所殺欲假手報讐未有其由因說立事何如舍小從大以危易安開國裂土長爲諸侯名高桓文勲流百代矣壽從之陰與長史畧陽羅恒巴西解思明共謀據成都爲晉稱藩會養弟攸從成都病還次道中乃佯言越藥殺之又詐造妹壻任調書言期越當廢壽以惑羣下羣下信之乃誓文武許賞城中資財得數千人南攻成都子勢爲開門內應遂獲期越誅

其宗族十餘人兵入虜掠民家姦淫雄公主及李氏諸婦多所殘害數日廼定恒與思明及李奕王利等勸壽稱鎮西將軍益州牧成都王以壯爲長史告下又勸令送期於晉任調與司馬蔡興侍中李艷及張烈等勸壽自立壽亦生心遂背思明所陳之計稱漢皇帝尊父驤曰獻帝母咎氏曰太后下赦改元漢興以恒爲尚書令思明爲廣漢太守任調鎮北梁州知東羌校尉李奕鎮西西夷校尉更代諸郡及卿佐皆用宿人及巴叅佐省六州以從子權爲鎮南南夷寧州於是成都諸李子弟無復秉兵馬形勢者雄時舊

臣及六郡人皆斥廢也秋七月李奕從兄乾與大臣合謀欲廢壽壽懼使子廣與大臣盟要爲兄弟進李闕爲征東荊州移鎮巴郡八月天連陰雨禾稼傷損百姓饑疫草莽臣龔壯上封事曰臣聞陰德必有陽報故于公理獄高門待封伏惟獻皇帝寬仁厚惠宥罪甚衆靈德洪洽誕鍾陛下陛下天性忠篤愛遺建節志齊周霍誠貫神明而志緒違理顛覆顧命管蔡旣興讒諛滋蔓大義滅親撥亂濟危上指星辰昭告天地歎血盟衆舉國稱藩天應人悅白魚登舟霆震助威烈風順義神誠允暢日月光明而論者未喻權

時定制淫雨汜瀆垂向百日禾稼損傷加之饑疫百姓愁望或者天以監示陛下又前日之舉止以救禍陛下至心本無大圖而今久不變天下之人誰復分明知陛下本心者哉且玄官之讖難知而盟誓顧違一旦疆場有急內外騷動不可不深思長久之策永爲子孫之計也愚謂宜遵前盟誓結援吳會以親天子彼必崇重封國歷世雖降階一等永爲靈德宗廟相承福祉無窮君臣銘勲於上生民寧息於下通天下之高理弘信慎之美義垂拱南面歌詩興禮上與彭韋爭美下與齊晉抗德豈不休哉論者或言二州

人附晉必榮六郡人事之不便昔豫州入蜀荆楚人
貴公孫述時流民康濟及漢征蜀殘民大半鍾鄧之
後拔兵大掠誰復別楚蜀者乎論者或不達安固之
基惜其名位在昔諸侯自有卿相司徒司空宋魯皆
然及漢藩王亦有丞相今義歸彼但當崇重豈當減
削昔劉氏郡守令長方仕州郡者國亡主易故也今
日義舉主榮臣賴寧可同日而論也論者又謂臣當
爲法正陛下覆臣如天養臣如地恣臣所安至於名
榮漢晉不處臣復何爲當侔法正論者或言晉家必
責質任及徵兵伐胡何以應之案晉不煩尺兵一國

來附威卷四海廣地萬里何任之責胡之在北亦此
之憂今平居有東北之虞縱令徵兵但援漢川猶差
二門耳臣託附深重忘疾病之穢實感殊遇冀以微
言少補明時常懼殞歿不寫愚心辜負恩顧謹進愴
恫伏願罪戮壽不悅然拘前言秘藏之九月僕射任
顏雄妻弟也謀反誅并殺雄子約等五年春二月晉
將伐巴郡獲李閔閔恭子也初受許自牛鞞以東土
斷與閔執政者以爲不可乃止復不益兵故覆沒閔
弟豔以是怨故與朝右有隙是時壽疾病恒思明等
復議奉晉計尋巴郡破壽以爲附晉晉當以兵威故

不能自斷遂輟計三月拜李奕鎮東代閔夏建寧太守孟彥率州人縛寧州刺史霍彪於晉舉建寧爲晉遣右將軍李位都討之時權在越雋秋又遣尚書廣漢李擴爲御史入南中擴祖毅晉故寧州刺史以向與南人有舊故遣之擴從兄演自越雋上書勸壽歸正返本釋帝稱王壽怒殺之車騎將軍王韜爲參軍右車騎將軍王韜爲參軍九字前後文不相屬不知記何事也今仍舊本存此九字於後以待攷

晉康帝建元元年壽卒勢立改元太和太史令韓皓上言熒惑守心乃宗廟不修之譴勢乃更命祀成始祖太宗皆謂之漢勢之弟大將軍廣以勢無子求爲

太弟勢不許馬當解思明固請許之勢疑與廣有謀

收當思明斬之廣自殺思明被收歎曰國之不亡以

我數人在也今其殆矣思明有智畧敢諫諍馬當素

得人心及其歿士民無不哀之冬李弈自晉壽舉兵

反單騎突門門者射殺衆潰勢大赦境內改年嘉寧

勢驕淫不卹國事中外離心蜀土無獠魯皓切西是

始從山出自巴至犍爲梓潼布滿山谷大爲民患加

以饑饉境內蕭條三年春二月桓温伐蜀軍至青衣

勢大發兵遣胥堅等將之胥子感切姓也自山陽趣合水諸

將欲設伏江南以待晉兵胥堅不從引兵自江北駕

喬琦渡向

曲岸曰琦

温自將步卒直指成都

堅至犍為乃知與温異道還自沙頭津濟北至温已

軍於成都之十里陌堅眾自潰勢悉眾出戰于笮橋

笮音昨

中書監王嘏散騎常侍常璩勸勢降勢乃夜開

東門走至葭萌使散騎常侍王幼送降文於温勢至

建康封歸義侯 李氏自起事至亡六世四十七年

正僭號四十三年蜀中亦有怪異期時有狗豕交木

冬榮勢時涪陵民樂氏婦頭上生角長三寸凡三截

之又有民馬氏婦妊身兒脇下生其母無恙兒亦長

育有馬生駒一頭兩身相着六耳一牡一牝又有天

雨血於江南數畝詎李漢家舂米自臼中跳出遂斂

於箕中又跳出寫於篋中又跳出有猿居鳥巢至城

下地仍震又連生毛其天譴不能詳也

譙曰特流乘釁險害雄能推亡固存遭皇極不見遇

其時與期倡為禍階而壽勢終之詩所謂亂離瘼矣

奚其適歸者也長老傳譙周讖曰廣漢城北有大賊

曰流曰特攻難得歲在玄宮自相賊終如其記先識

預覩何異古人乎歷觀前世僭之徒縱毒虐劉未

有如茲每惟殷人丘墟之歎賈生過秦之論亡國破


家其監不遠矣

按常璩華陽國志目錄第九卷及序志皆云述李特雄期壽勢志則先固有志也今諸本皆無之意者傳寫脫漏因循不錄遂失之爾今本諸通鑑所述參以載記所書續成勢志用補其闕以俟後之博洽君子云又史載散騎常侍常璩實勸李勢降桓温璩必作志者因續記此云

華陽國志卷第九

華陽國志卷第十上

先賢士女摠讚



含和誕氣、人倫資生、必有賢彥、為人經紀、宣德達教、博化篤俗、故太上立德、其次立功、其次立言、品物煥炳、彝倫攸叙也、蓋梁爰存、在前代則夏勲配天、而彭祖侔地、及至周世、韓服將命、蔓子忠墜、然顯者猶鮮、豈國史簡闕、亦將分以秦楚、希預華同、自漢興以來、迄乎魏晉、多士克生、髦俊盖世、愷元之疇、感于帝思、於是璽書交馳、於斜谷之南、束帛弋于梁益之鄉、或廼龍飛紫閣、允陟璿璣、亦有盤桓利居、經綸皓素、其耽懷道術、服膺六

藝輅車之招旃旌之命徵名聘德忠臣孝子烈士賢女
高幼足以根玄風貞淑可以方蘋蘩者奕世載美是以
回方述作來世志士莫不仰高軌以咨詠憲洪猷而儀
則擅名八區為世師表矣故耆舊之篇較美史漢而今
志州部區別未可摠而言之用敢撰約其善為之述讚
因自注解甄其洪伐尋事釋義略可以知其前言往行
蜀郡士女

嚴平怡泊皓然沉冥

嚴遵字君平成都人也雅

性澹泊學業加妙專精大易耽於老莊常卜筮於市假
著龜以教與人子卜教以孝與人弟卜教以弟與人臣

卜教以忠於是風移俗易上下茲和日閱人得百錢則
閉肆下簾授老莊著指歸為道書之宗揚雄少師之稱
其德杜陵李強為益州刺史謂雄曰吾真得君平矣雄
曰君但可見不能屈也強以為不然至州修禮交遊
之見強服其清高而不敢屈也歎曰揚子雲真知人也
年九十卒雄稱之曰不慕夷即由矣不作苟見不知治
苟得久幽而不改其操雖隨和以加諸

仲元抑々邦家儀刑

李弘字仲元成都人少讀五

經不為章句處陋巷淬勵金石之志威儀容止邦家師
之以德行為郡功曹一月而去子贄以見辱殺人太守

曰、賢者之子、必不殺人、故之、贅自以枉語家人弘遣亡命、太守怒、讓弘、對曰、贅為殺人之賊、明府私弘枉法、君子不誘而誅也、石碣殺厚、春秋譏之、孔子稱父子相隱、直在其中、弘實遣贅、太守無以詰也、州命從事、常以公正諫、爭為志、揚子雲稱之曰、李仲元為人、也不屈其志、不累其身、不夷不惠、可否之間、見其兒者、肅如也、觀其行者、穆如也、聞其言者、愀如也、非正不言、非正不行、非正不聽、吾先師之所畏。

子雲玄遠、煥乎弘聖。

揚雄、字子雲、成都人也、少

貧好道、家無擔石之儲、十金之費而晏如也、好學

不為章句、初慕司馬相如綺麗之文、多作詞賦、車騎將軍王音、成帝叔舅也、召為門下史、薦待詔、上甘泉羽獵賦、遷侍郎給事黃門、雄既升秘閣、以為辭賦可尚、則賈誼升堂、相如入室、武帝讀大人賦、飄然有凌雲之志、不足以諷諫、乃輟其業、以經莫大於易、故則而作太玄、傳莫大於論語、故作法言、史莫善於蒼頡、故作訓纂、箴諫莫美於虞箴、故作州箴、賦莫孔於離騷、故反屈原而廣之、典莫正於爾雅、故作方言、初與劉歆、王莽、董賢同官、并至三公、雄歷三帝、獨不易官、年七十一、卒、自剗向父

子桓譚等深敬服之。其玄源淵懿，後世大儒張衡、崔子玉、朱仲子、王子雍皆為注解。吳郡陸公紀尤善於玄，稱雄聖人。雄子神童烏，七歲預雄玄文，年九歲而卒。

林生清寂，莫得而名。林問，字公孺，臨邛人也。善古學，古者天子有轎車之使，自漢興以來，劉向之徒，但聞其官，不許其職。惟問與嚴君平知之，曰：「使考八方之風雅，通九州之異同，主海內之音韻，使人主居高堂，知天下風俗也。」揚雄聞而師之，因此作方言，問隱遯，世莫聞也。

泛鄉忠貞，社稷是經。進為國程，稽攷典刑。愛莫助之，身殞朝傾。

何武，字君公，郫人也。初以對策甲科

為郎，歷揚兗州刺史，司諫校尉，京兆尹，清河、楚沛太守，廷尉，御史大夫。成帝初，具三公，拜大司空，封泛鄉侯。為人忠厚公正，推賢進士。在楚致兩龔，在沛厚兩唐。臨司諫，致茂陵何武，並居公位。進卒慶忌，皆並名賢。臨州郡，雖無赫赫之名，及去，民思之。才雖不及丞相薛宣、翟方進，而正直過之。哀帝即位，以朱博、趙玄為公，鄉用事，免官。見大夫鮑子都，函言訟之。丞相王嘉亦以為慨。帝復徵武為御史大

夫徙前將軍時大司馬新都侯王莽避帝外家丁
傳氏遜位亦以列侯見徵哀帝詔博舉太常莽徙
武求舉武以莽奸人之雄不許哀帝崩王太后太
皇莽姑也即日引莽入收大司馬董賢印綬詔舉
大司馬丞相孔光等逼王氏皆舉莽武與左將軍
公孫祿謀曰莽五父世朝權傾人主必危劉氏乃
舉祿亦舉武太后不從用莽為大司馬莽諷有
司劾奏皆免武就國後莽寢盛遂為宰衡安漢公
欲弔慕漢憚武與其孫紅陽侯王立不從元始三
年因呂寬吳章事檻車徵武自殺眾咸寬之莽

欲厭眾心謚武曰刺侯子况嗣平帝崩莽因居攝
後替王位

叔文播教變風為雅道洽化遷我寔西魯

張寬

字叔文成都人也蜀承秦後質文野太守文翁

遣官詣博士東受七經還以教授於是蜀學比於

齊魯巴漢亦化之景帝嘉之命天子郡國皆立文

學由翁倡其教蜀為之始也寬徙武帝郊甘泉泰

時過橋見一女子裸浴川中乳長七尺日知我者

帝後七車適得寬車對曰天有星主祠祀不齊潔

則作女令見帝感悟以為揚州刺史復別地莽之

官常不寬

此來自臨
廷林考

好立稱云七車張作春秋章句十五萬言

長鄉彬、文為世矩

司馬相如字長鄉成都人

也遊京師善屬文著子虛賦而不自名武帝見而善之曰吾獨不得與此人同世楊得意對曰臣邑子司馬相如所作也召見相如相如有作上林賦帝悅以為郎又上大人賦以風諫制封禪書為漢辭宗官至中郎將世之作辭賦者自楊雄之徒咸則之

王淵豔麗蔚若華圃

王褒字子淵資中人也以高

才文藻侍宣帝初為王褒作樂職中和頌宣帝時

又上甘泉洞簫賦帝善之令宮人誦之為諫大夫卒

子山翰藻遺篇有厚

楊終字子山成都人也年十

三已能作雷賦通屈原七遷章後坐太守徙邊作孤憤詩明帝時與班固賈逵並為校書郎刪太史公書為十餘萬言作生民詩又上符瑞詩十五章制封禪書著外傳十二卷章句十五方言皆傳於世者

少遷猛毅垂勳三邦

陳立字少遷臨邛人也成

帝時梓柯有亂將軍王鳳薦立為太守克平禍亂

徒守巴郡。秩中二千石。治有尤異。又徙天水太守。
為天下取。天子賜黃金四十斤。入為左衛護軍。

世公賦政。祥瑞來同。

王阜。字世公。成都人也。太

守。守第五倫。察舉孝廉。為重泉令。有鳧鳥集于文學
十餘日。迁益州太守。神馬出漢池河。甘露降。白鳥
見。民懷之。如父母。

猗歎。文父。散發幻童。德澹會稽。道崇辟雍。

張霸。字伯饒。謚曰文父。成都人也。年數歲。以知禮
義。諸生孫林。劉固。段著。守宗之。移家其宇。下啓母
就求師學。母憐其稚。對曰。饒能。故字伯饒也。為會

稽太守。撥亂興治。文學。徒以千數。風教大行道
路。但聞誦聲。百姓歌詠之。致達士顧奉公。孫松。畢
海。胡母觀。方虞先。王演。李根。皆至大位。在郡十年。
以有道徵拜議郎。遷侍中。遂授霸五更。尊禮于文
孝。年老卒。葬河南。

少府委之。作鄉作師。

趙興。字仲經。成都人也。太

尉戒孫也。與穎川李膺等並號八俊。三為侍中。自
樂祿俸。施貧。方授國師。未拜病卒。

何楊。研神。貫粵八徵。

何英。字封俊。郫人也。楊

由。字東侯。成都人也。二子學道經緯。英著漢德春

秋十五卷孫汶字景由亦深孝初徵上日食盜賊起有劾為謁者京師旱請雨即澍迂捷為屬國著世務論三十為卒揚由為太守廉范文季范稱能洵由言當有賊發頃之廣柔羌反寇殺長妮趙鄉人冷豐齊酒侯之值客未內由為知其多少又言人當致菓其色赤黃果有送柑橘者大將軍竇憲從太守索云氣圖由諫莫與尋憲受誅其明如此著書十篇而卒

司農明允國憲是維

任昉字文始成都人也初

為華令治奸賊七十餘人迂梁相尚書令清身檢

下大將軍梁冀憚之出為魏郡徙平原歲出租稅百萬冀誅復入為尚書令司隸校尉遷大司農卒弟愷徐州刺史亦有治名昉父循字伯度為長沙太守得其父時為五官事在精通也

俞君美秀牧後寤機

何霸字翁君司空武兄也

為郡戶曹刺史王尊將之官移諸郡不得遣迎太守唯霸白宜往太守遣霸尊大怒霸對曰太守遣霸非修敬也以去京師久遲知朝廷起居耳尊處下車持節對之因竒霸容止辟為別駕舉秀才為屬國中郎將弟綰潁川太守兄弟五人皆有名

伯騫推賢求善如飢

柳宗字伯騫成都人也初

結九友共學號九子及為州郡右職務在進賢接
致末次方張并遼王仲曾殷智孫等終至牧守州
望為諺日得黃金一筭不如為伯騫所議茂才為
陽夏太守

文侯顯印極位台衡

文侯趙戒字志伯少府典

祖也父定以遊俠稱戒順桓帝之世歷司徒太尉
登特進屢居公輔免憂患于無妄之世告歸于蜀
薨家

太尉頡頏志振頽綱

趙謙字彥信戒孫也歷位

鄉尹初平元年為太尉時董卓秉政欲迁天子長
安謙與司空荀爽固諫卓不聽以為車騎將軍奉
大駕西幸封洛亭侯拜司隸校尉忤卓指免討白
波賊有功封侯進司徒免拜尚書令大僕三年薨
謚曰忠侯

司徒繼踵倜傥權橫

趙溫字子柔謙弟以侍中

與同輩西迁封江南亭侯兄下初平四年拜司空
未期進司徒當世榮之時車騎將軍李傕與董承
張濟等爭權數遷移天子溫以書切責于傕天子
聞為寒心尋曹公入徙天子都許政出諸侯禮待

溫居公位十五年建安十三年薨

猶操道柄董李是讓

讓責也董卓李惟凶擅謙溫

平之初文侯與李固胡廣議立清河王蒜而冀欲立蠡吾侯趙戒脅而從之使李固枉死君子以為卓催之惡甚于梁冀謙摩卓之牙溫弄催之爪雖逼權勢以道陳訓賢其祖遠矣

侍中授命分節亦章

常洽字茂居江原人也自

荊州刺史遷京兆尹侍中長水校尉以兵衛大駕西幸催等作難常侍衛天子左右為催所殺

蠻夷猶擾倡亂南疆子恭要傳配穢于攘

楊竦字子恭成都人也永初中越雋攘昌夷反殘破郡縣衆十萬餘刺史張喬以竦勇猛授從事任平南中竦先以詔書告喻不服乃加誅煞虜三萬餘人獲生口千五百人財物四千萬降夷三十又種奉正奸蜀長吏九十人黃綬六十人南中清平會被傷卒喬奉州弔贈列畫東觀

伯春孟元匡正時君

張充字伯春

李絕字孟

元江原人也充為治中從事時刺史恃豪每見從事布廣地坐已自安高床上充入閣不肯進刺史寤乃更禮從事刺史辟公孫特大姓健為李威橋

稚充曹闕事節時有水災倫受刺史指以漢中斗平不足表聞絕固爭之後刺史至與倫不平求郡短劾倫不言水災幾對以詔書上災異不得由州倫迂司徒辟絕掾絕君希切說文今作幾揚羅為令遺愛在民揚班字仲桓成都人也羅衡字仲明伯郫縣人也俱師徵士何初山班為不韋茂陵令治化浹洽徙西城閭中令號時名宰衡為萬年令路不拾遺人家牛馬皆繫道邊曰屬羅公三府爭辟拜廣漢長二縣皆為立祠

小伯温恭預畜息紛

陳湛字小伯成都人也

歷教縣令民皆懷之州郡治中從事廣漢太守遣子詣州脩歡交使君欲納湛諫不可失羔羊義使君從之後有州郡私交者考之無得乃明也

孟由至孝遐葉晞風

禽堅字孟由成都人也

父信為縣史越雋為夷所得傳賣歷十一種去時堅方姓六月生母更嫁堅壯乃知父湮沒鬻力傭賃求碧珠以求父一至漢中三出徼外周旋萬里經六年四月突瘴毒狼虎乃至夷中得父相見悲感夷徼哀之即將父歸迎母致養州郡嘉其孝召功曹辟送事列上東觀太守王商追贈孝廉令李

必為立碑銘，迄今祠之。

仲昱勉師

仲昱，成都人也。少受學於嚴季。后季后為汶江尉，書呼仲昱。許十月，往會夷反，斬道。仲昱期於往，經渡六七，幾死。數年卒，得至汶江。為季后陳策，俱得免難，遠近歎之。

叔本慕仁

任末，字叔本，新繁人也。與董奉德俱學京師。奉德病死，推鹿車送其喪。師亡身病，費棺赴之道死。遺令勅子載喪至師門，叙平生之志也。

伯禽證將

朱普，字伯禽，廣都人也。為郡功曹。

太守與刺史王冀有隙，枉見劾。普詣新都獄，掠笞連月，肌肉腐臭。同死人證太守無事，勅其子曰：我死載喪詣闕，使天子知我心。事得情理，普以烈聞。

文寺代居

李磬，字文寺，嚴道人。為長章表主。

簿，旋牛夷叛，入攻縣表。倉卒走鋒，刃交至。磬傾身捍表，謂曰：乞然我，活我君。虜乃然之。表得免。太守嘉之，圖象府庭。

在三義敦終始可稱，人生於三事若一君。

父師也，言人靡不有初，鮮克有終。普磬可謂能終。

始也

炎光中微，巨述僭亂。

炎，火光也。漢以火德王。

自高祖至平帝十二世，國嗣三絕。平帝早崩，安漢公王莽字巨君遂篡天子位，稱新室皇帝，而茂陵公孫述字子陽為莽導江卒，正遂僭號于蜀。

章王刎首。

章明，字公孺，新繁人也。王皓，字子離。

江原人也。明為太中大夫，莽篡位，歎曰：「不以一身事二主，遂自然。」皓為美陽令，去莽歸蜀，公孫述號使，聘之。皓乃自刎，以頭付使者。述慙怒，誅其妻子。

侯剛哭漢。

剛字直孟，新繁人也。為郎，見莽篡位。

佯狂負木斗，守闕號哭。莽使人問之，對曰：「漢祚無窮，吾寧死之，不忍事非主也。」莽追然之。

公卿絕脰，亦蹈節貫。

王嘉，字公卿，江原人也。為

郎，去莽還蜀。公孫述先閉其妻子，使人徵之。嘉聞王皓死，歎曰：「吾後之哉。」亦自殺。述慙貫其妻子，羅生美至，思潘艱難。述方遂非，殘彼幹。

羅衍。

字伯紀，成都人也。為述郎，說述尚書解文。鄉鄭文伯使諫，述降漢。為子孫福，解鄭從之。述怒，閉二子於薄室。六年，二子守志不回，遂幽死。衍卒，察孝廉。

徵博士

劉主割據資我英俊鴻臚潤通與道推運

何宗字彥莫郫縣人也通經緯天官推步圖讖知
劉備應漢九世之運讚立先主為大鴻臚方授公
輔會卒

君肅矯類倬群

何祗字君肅宗族人也初

健為楊洪為太守李嚴功曹去郡數年以為廣漢
洪猶在官是以西土咸服諸葛亮之能攬援秀異
也祗徙健為太守卒

輔漢即健服時之懃

張裔字君嗣成都人也汝

南許文林稱其才鍾元常輩也為輔漢將軍丞相
長史丞相弋征居府統事足食足兵

太常清密邃遠鈎深

杜瓊字伯瑜成都人也師

事任安粗通經緯術藝為太常沉默慎密稱諸生
之淳

休之眾彥殊塗同臻金聲玉振蜀之球琳

休之美也眾言彥此四十三人也易曰殊塗同歸
百行齊致貴於流光顯稱揚名垂世此四十三人
者雖立行不同俱以垂美如金玉之音器為世名
也

述蜀郡人士

敬司穆、暢始玄終。敬司馬氏女，五更張伯饒妻也。霸前妻有三男一女，敬司產一男，撫教五子，恩愛若一。霸卒，葬河南。敬司與諸子還蜀，疾病遺令告諸子曰：「舜葬蒼梧，二妃不送，汝父在梁，吾自在蜀，亦各其志，勿違我勅也。」遂葬蜀。子光超稟母教為聘士也。

叔紀婉婉，十媛仰風。

叔紀，霸女孫也，適廣漢王

尊，至有賢訓，事姑以禮，生子商，海內名士。廣漢周幹，古朴彭颺，漢中祝龜，為作頌曰：少則為家之孝

女，長則為家之賢婦，老則為子之慈親，終溫且惠，秉心塞淵，宜謚曰化明惠母。

公乘氏張，兩髦義崇。

公乘，會妻，廣都張氏女也。

夫早亡，無子，姑及兄弟欲改嫁之，張誓不許，而言之不止，乃斷髮割耳，養會放子，事姑終身。

助陳撫孩，鄧萬分充。

助陳，臨邛陳氏女，健為

揚鳳珪妻也，鳳珪亡，養遺生子，守鄧，兄弟必欲改嫁，乃引刀割咽，宗族駭之，幾死，遂全其義。

二常焚，頽構再隆。

元常，靡常，江原人也，元常

廣都令常良女，適廣漢，便敬，負早亡，死，常無子，養

賓族子、父母欲嫁、乃祝刀誓志而死。靡常、仲山女、適成都殷仲孫、家遭疫氣死亡、惟靡常在、十八收葬、諸喪、養遺生子、立美成家。

紀常哀、精感昭融。

紀常、侍常洽女、趙侯夫

人也。父遇害、長安其二兄皆先沒、遣父門生瞿登、張順迎喪、時寇賊蜂起、晝夜悲哀、順登得將喪無恙、還時人皆以紀常精誠所感。

貢羅誓志

貢羅、郫羅倩女、景奇妻也、奇早亡、

無子、父愍其年壯、以許同郡向詩、貢羅白書誓父、不還家、父使詩乃白州、告縣、逼遣之、羅乃訴州、

刺史高而許之。

玆何忌生

玆何、郫何氏女、成都趙憲妻也、憲

早亡、無子、父母欲改嫁、何恚憤自幽、乃不食旬日而死、郡縣為立石表。

昭儀殉身

昭儀、新繁張氏女、廣漢朱叔賢妻

也、賢為郡督郵、建安十九年、劉主圍劉璋于成都、賢坐謀外降璋、以昭儀配兵將見逼、昭儀自殺、三軍莫不哀歎。

二姚見靈

廣柔、長郫姚超二女、姚妣饒未許

嫁、隨父在官、值九種夷反、然超獲二女、欲使牧羔

二女誓不辱乃以衣連腰自沉水中死見夢告兄
慰曰姊妹之喪當以某日至既下慰寤哀愕如夢
日得喪群縣齋象府廷

峨、叔媛表圖銘旌

叔善媛婉也言此十二女

皆圖象列傳

述蜀郡列女

右蜀郡士女讚第一


凡五十五人四十三人士十

二人女

華陽國志卷第十中

廣漢士女

講學冲遂洙泗是晞胤帝紹聖庶熙疇咨



楊宣字君緯什邡人也少受學於楚國王王子張天
文圖緯於河內鄭子侯師揚翁叔能揚烏言長於
災異教授弟子以百數成帝徵拜諫大夫帝無嗣
宣上封事勸宜以定陶恭王子為太子帝從之出
即宣為交州牧太子即位哀帝拜河南太守徵太
倉令上言宜封周公孔子後帝從之封周發孫相
如為褒魯侯孔子後孔均為褒成侯又薦遼東王
綱瑯琊徐吉大原郭越楚國龔勝等宜讚隆時雍

平帝時命持節為講學大夫與劉歆共校書居攝中卒門生河南李吉廣漢嚴象趙翹等皆作大儒長伯撫遐聲暢幾折虎命邦綽有餘徽

鄭純字長伯鄆人也為益州西部都尉處地金銀琥珀犀象翠羽出作此官者皆富及十世純獨清廉毫毛不犯夷漢歌歎表聞三司及京師貴重多薦美之明帝嘉之乃改西部為永昌郡以純為太守在官十年卒列盡頌東觀

三老決寔作父師

揚統字仲通新都人也

事華里先生炎高戒統曰漢九世王出圖書與

鄉適應之建武初天下求通

內識二卷

者不得永平中

刺史張志舉方正司徒魯恭辟掾與恭共定音律上家法章句及二卷解說遷侍郎光祿大夫以年老道深養于辟雍授几杖為三老卒內識二卷竟未詳

平仲淑道殆乎庶幾

王祐字平仲鄆人也少

與雒高士張浮齊名不應州郡辟命司隸校尉陳紀山名知人稱祐天下高士年四十二卒弟獲志遺言撰王子五篇東觀郎李勝文章士也作誄方之顏子列畫學官獲一作灌

文父明洞探賾索微。楊序字仲桓，統仲子也。道業
俾父三司及公車，連徵辟，拜侍中。上言：「四方及荆
揚、交州當兵起，人民疫蝗，洛陽大水，宮殿當灾。」三
府當免，近戚謀變，皆驗效。大將軍梁冀秉權，自退
去，授門徒三千人。本初元年，及建和中，特授聘，不
行。年八十三卒。天子痛惜，詔謚曰文父。弟子雒昭
約、鄧宰、綿竹、寇、懽、文、儀、蜀郡何、萇、幼正、侯、祈、升、伯
巴、郡周、舒、叔、布，及任、董、安、扶、等，皆徵聘，辟舉，馳名
當世。

元章玄伯，韜光匿耀。

段翳，字元章，新都人也。明經

術，妙占未來。嘗告大渡津口曰：「某日當有諸生二
人，荷擔問翳舍處者，幸為告之。」後竟如其言。又有
人從冀州來，奉積年，自以精究翳術，辭去。翳為筒
作書封頭，與之告曰：「有急發之。」至葭萌，爭津吏搃
從者頭，諸生發筒，中有書曰：「到葭萌，爭津破頭，
以膏裹之。生乃喟然，知不及。」翳還，更精學。翳常隱
匿，不使人知。門人皆號夫子。

稚子奕々，古之畏愛。

王渙字稚子，鄆人也。初為

河內溫令，路不失遺，卧不閉門。民歌之曰：「王稚子，
世未有，平徭役，百姓喜。」遷兗州刺史，部中肅清。徵

華陽國志 卷十
穉侍御史洛陽令聰明惠折公平廉正抑強扶弱
化行不犯發奸摘伏忽若有神京華密靜權豪畏
敬元興元年卒百姓痛哭二縣弔祭行人商旅莫
不祭之賈胡左威遭其清理制服三年洛陽弦歌
之為立祠天子悼惜每下詔書德令必賜後嗣與
卓茂等為伍

敬伯愷悌樹德播惠

王堂字敬伯鄆人也初臨

巴郡進賢達士舉孝子嚴永隱士黃錯及張滿陳
髮民為立祠徙任左扶風政教嚴明帝舅車騎將
軍閻顯大將軍竇憲中常侍江京等囑托輒拒之

白鹿見象不以為祥徙魯相又徙汝南守學陳蕃
為功曹應嗣司隸校尉號知人之鑑

叔宰濟人以禮進退

馮顥字叔宰鄆人也少師

事楊仲桓及蜀郡張光超後又事東平虞叔雅初
為謁者威儀濟濟為成都令遷越雋太守所在著
稱為梁冀所不善冀風州追之隱居作易章句及
刺奢說脩黃老恬然終日

大匠竒暢妙監玄察盡言世規祇以隕越

翟酺字子超雒人也少事段熲以明天官為侍中
尚書常見太史令孫懿歎欷涕泣曰圖書有賊臣

孫登將以才智為黃門開路君表相應之是以悽
愴後為京兆尹光祿大夫將作大匠上言漢四百
年當有弱主閉門聽政數在三百年之間薦故太
尉龐參故司徒李邵明通三才忠正可以輔立所
言每指刺疾權貴誣黜及尚書令尚堂芝交構免
死著援神契經說卒家

司隸聰敏奮名後葉

郭賀字喬鄉雒人也初為

太守黃幸戶曹幸有事與漢中太守李榮俱被徵
賀勸幸星行詣詔獄自歸得免榮稽留詔殺之由
是顯名太守蔡茂命為主簿茂夢坐太極殿上得

嘉禾三穗以問賀對曰明府位當至三公旬月茂
遷司徒表賀明律令稍遷侍中尚書僕射司隸校
尉荊州刺史明帝南巡狩善其治徵河南尹卒天
子痛惜賜錢三十萬

鐔蔡翮交友惟賢

鐔顥字子誦鄆人也蔡弓字

子騫雒人也俱攜手共學冬則侍親春行受業與
張霸李邵張皓陳禪為友共師司徒魯恭顥又與
王稚子同見察孝于太守陳司空歷豫州刺史光
祿大夫侍中衛尉弓為廬江太守徵拜郎而霸邵
皓禪皆為公卿

李麗采、文藻可觀

李尤、字伯仁、李勝、字茂通

雖人也、侍中賈逵薦尤有相如楊雄之才、明帝召
作東觀、辟雍得陽、諸觀賦銘、懷戎頌、百一十銘、著
政事論七篇、帝善之、拜諫大夫、樂安相、後與劉珍
共撰漢記、孫充有文才、勝為東觀郎、著賦論諫頌
數十篇

憲父懸車

王稚、字邦起、堂幼子也、屢拒孝廉

公府十五辟、公車徵、及授二千石、徵以太常、終不
詣、年八十一卒、門人錄其本行、謚曰憲父、癸未詔
書以安居聘請會已亡

夜哭越徵君遯肥

馮信、字季誠、鄆人也、郡三察

孝廉、州舉茂才、公府十辟、公車、再徵不詣、公孫述時
託目青盲、侍婢姦其前陽、不覺、述卒、以年老不出

董位循志、東帛也

董扶、字茂安、任安、字定祖、綿

竹人也、家居教授弟子、自遠而至、扶初應賢良方
正、詣京師、宰府十辟、公車三徵、再奉有道、為侍中
觀漢將亂、求為屬國、還蜀、安察孝及茂才、公府辟
公車徵、皆不詣、卒、布衣弟子杜徵、何宗、杜瓊皆名
士、至鄉佐

衣表泥博、提博士彥

王商、字文表、廣漢人也、博

學多聞。州牧劉璋辟為治中。試守蜀郡太守。荆州牧劉表、大儒南陽宋仲子，遠慕其名，皆與交好。許文休稱中夏王景興輩也。商勸璋攬竒援雋，甚善。匡拯薦致名士安漢、韋及陳寔、盛先、塾。江龔揚趙敏、黎景閬中王澹、江州孟彪，皆至州。右職郡守，又為嚴季立祠，正諸祀典。在官一十年而卒。

趙類拔萃，寔惟世信。

劉寵，字世信，綿竹人也。出

自孤微，以明公羊春秋。上計闕下，見除成都令。政教民肅，時諸縣多難治，乃換寵為郡令，又換鄭安。

漢皆垂績，還在成都。遷牂柯太守。初乘一馬之官，布衣疏食，儉以為教。居郡九年，乘之而還。吏人為之立銘。王商、陳實當世貴士，皆與為友。

鄧英亢烈，仰詐昂臣。

段恭，字鄧英，雒人也。少周

流七十餘郡，求師受學，經三十年。凡事馮翊、駱異、孫太山、彥之、章渤海、紀封陽，遂明天文二卷。東平虞叔雅，學絕高當世，遂遊于蜀。恭以朋友禮待之。後為上計掾，會有司劾太尉龐參，兼舉茂才孝廉。參性忠直，亮正為貴戚所擯，以患發病，遠近稱冤。恭不能耐其枉，抗疏表參忠直，不當以讒佞傷毀。

忠正帝悟即日召西曹掾問病尋羊酒尉勞參忠
士遊孝淳感物悟神 姜詩字士游雒人也事母
至孝母欲江水及鯉魚膾不能獨食須隣母共之
詩嘗供脩子汲江溺死秘言遣學不使母知于是
有涌泉出于舍側有江水之香朝朝出鯉魚二頭
供二母之膳其泉灌田六頃施及比隣公孫述平
後東精為賊掠害不敢入詩里時大荒餓精致米
肉與詩埋之永平三年察孝廉明帝詔曰大孝
入朝孝廉一切皆不之除江陽符長所居鄉皆為
之立祠

少林陰德陽報是甄

王忱字少林新都人也游

學京師見客舍有一書生困病忱隱視奄忽便絕
有金十斤忱以一斤買棺木九斤還要下葬埋之
後為大度亭長大馬一匹來入亭中又有綉被一
領飛墮其前人莫識者郡縣以畀忱後乘馬到雒
縣馬率忱入它舍主人問忱所由得馬忱具說其
狀并及綉被主人悵然曰鄉何陰德而致此忱說
昔埋書生事主人驚曰是我子也姓金名彥鄉乃
葬之不報天彰鄉德辟奉茂才除郿令宿藁亭中
教有人為鬼所煞忱上樓夜半有女子稱冤曰妾

洽令妻也。當之官宿此。枉為亭長所殺。大小二十口。埋在樓下。奪取財物。怵曰。汝何故以恒殺人。女子曰。妾不得白。日惟依夜。愬人。眠不肯應。恚故殺之。初來時。言無衣。怵以衣之。言訖。投衣而去。旦召游徼詣問具服。即收同謀十餘人。然之。送浚令喪還鄉里。當世稱之。

仲魚謙冲

羊期。字仲魚。鄴人也。父為交州刺

史。卒官期迎喪。不敢取官舍一物。郡三察孝廉。公辟州別駕。皆不應。太守尹奉。弃邠。名行礼樂。請為功曹。刺史必欲借期自佐。不得已為別駕。後為

太守孫寶。蔡茂。後諷曹功曹。當欲渡津。吏停車待之。三日將宿中亭。中有縣吏引車避之。為野王令。

雲卿安貧

朱倉。字雲卿。什邡人也。受學于蜀郡

張寧。食豆飲水。以調誦。同業憐其貧。資給米肉。終不受。著河洛解。家貧。恒以步行為郡功曹。每察孝廉。蓋碌々。諸公府試不就。州辟治中從事。以諷詠自終。

伯式玄照

折像。字伯式。雒人也。其先張江為

武威太守。封南陽折侯。因氏焉。父國為鬱林太守。

家貲二億故奴姬八百人盡散以施宗族卹贍親
舊葬死吊喪事東平虞叔雅以道教授門人朋友
自遠而至時人為諺曰折氏客誰朱雲鄉段郎英
中有佃子趙中平但說天文論五經

孟宗當仁味道好施清風邁倫 讚仲魚以下也杜

真字孟宗綿竹人也誦書百萬言兄事翟醜免
後尚書令與司隸校尉枉劾之復徵詣獄真上章
教之受掠笞六百獄中明醜無事京師壯之以漢
道微散財宗族不應公府辟命及辟長吏候迎每
交于門乃新髮以自絕

漢儒請雨精感慶雲 諒輔字漢儒新都人為郡

五官掾時天大旱請雨不降輔出禱祈乃積薪祝
神曰不雨欲自焚為貪叨吏謝罪百姓言終暴雨

韓揆義烈 韓揆字伯彥綿竹人也為令錡衷主

簿值黃巾賊入界扶衰走入草中衰遺永隱弱處
未還衰為賊所得見害揆殞殮葬埋訖詣從事賈
龍求兵討賊破曰本報令君而苟自活非忠乃
自殺

喬雲勇震 左喬雲綿州也少為左通所養為

子通坐任徒逃吏欲破通贖通無壯子故為吏

所侵喬雲時年十三喟然憤怒以銳刀斫吏解通
走將令出追初聞以為壯士及知是小兒為之流
涕

楊寬證將烈播友人

寬字叔仲新都人父斌証

令万世太守後諷以忠義壯聞寬為郡吏鄉人馬
閔章言太守五方與兄偕詣獄證之得理後方
當近南郡閔復章之寬乃發閔臨私事閔伏罪友
人汝錕為張明所斫寬怒縛明送錕家使自謝之
也

審叔執仇

審叔字茂泰廣漢人也友人張昌

共受業太學昌為河南大豪呂條所殺叔殺條自
拘河南獄順帝義而赦之

張復師讐

張鉗字子安廣漢人也師事犍為謝

衰死負土成墳三年衰子為人所殺鉗復其仇
自拘武陽獄會赦免當世義之

賈為士死分俸虞朱

賈栩家元集什邡人也雒孟

伯元為父復讐閔翊名往投之雒縣進曰元蹤栩
歎曰士以義遇我豈可倍哉然雒縣必移什邡負
我君乃自斫李勝言之以方虞卿魯之朱家

郭玉通直盖亦所脩

郭玉字通直新都人也明

方術伎妙用針作經方頌說官至太醫丞校尉
爰迄劉氏司農含章爽郎榮觀國之光

秦安字子勅綿竹人也初隱遁不應州郡之命丞相亮領益州牧以選為別駕中郎將吳使張溫將反命亮率百官餞之溫與安語答問響應辭義雅美溫大敬服以為蜀之有安猶魯有仲尼也遷長水校尉司農安甚有通理弟子譙周俱傳其業

李王四子並作琳琅

李朝字永南弟郃字偉南鄆

人也王士字義強從弟南字國山文表諸弟也先主領牧朝為別駕郡下上先主為漢中王其文朝

所造也後丞相亮府辟西曹掾亦有文才兄弟三人號三龍士歷宕渠犍為益州太守南善言議闕人流美稱自綿竹令為州右職

優游容與特進太常

鐔承字公文鄆人也歷郡

守州右職為少府大常時費姜秉政孟光來敏皆棲遲承以和獨立特進之也

徙事烈志諫君刎首

王累新都人也州牧璋從

別駕張松計遣法正迎先主主簿黃權諫不納累為徙事以諫不入乃自刎州門以明不可

鄭度進規忠謀罔受雖云天時抑由人咎

度綿竹

人也。先主自葭萌南攻說牧，璋曰：「左將軍懸軍襲我野穀，是資急駟。巴西梓潼民由涪水以南一切燒除野穀，固壘待之。彼請戰不許，久無所資，不過百日必當面縛。」先主聞而惡之，璋不納。言雖天在，亦由璋之愚。

永年負才，自喪世主。

彭策，字永年，廣漢人也。有

俊才。劉璋時坐事為徒，及先主入主，托龐統為州右職，失主意，左遷江陽太守。策怨望諸葛，以為心大志廣，難可保勸。先主因事誅之。

漢南哽々，天奪其守。

李邈，字漢南，郫兄也。牧璋

時為牛鞞長，先主領牧為從事，正旦命行酒，得進見。讓先主曰：「振威以將軍宗室肺腑，委以討賊元功，未効先寇而滅邈，以將軍之取郫州，甚為不宜也。」先主曰：「知其不宜，何以不助之？」邈曰：「匪不敢也，力不足耳。」有司將殺之。諸葛亮為請，得免。久之為犍為太守，丞相參軍。安漢將軍建興六年，亮西征，馬稷在前，亮將殺之。邈諫以秦赦孟明，用霸西戎，楚誅子玉，二世不競，失意亮還蜀。十三年，亮卒，後主素服發哀三日。邈上疏曰：「呂祿霍禹未必懷反，叛之心，孝宣不好為殺臣之君，直以臣惧其逼，主

畏其威故姦萌生亮身仗強兵狼顧帑臣五大不在邊臣常危之今亮歿蓋宗族得全西戎靜息大小為慶後主怒下獄誅之

詵彥造或哲或友昭得音芳垂名厥後
總讚此四十六人也

述廣漢人士

任母治內子成名賢

任安母妣氏也雍穆閨門

早寡立義資安遂事大儒安教授每為賑卹其弟子以慰勉其志于是安之門生益盈門

龐行養姑婦師之先

龐行姜詩妻也事姑晝夜

紡績以給供養子汲江水溺死秘言遣詣學常作冬夏衣投水中託言寄與子詩呼妻使為姑舂應命遲見遣不敢遠去遊于外供給因隣母致姑勅還

依義舅抗疏拜庭誠感主從女輟刑

義舅狄道長姜穆女綿竹司馬雅妻也既許婚父坐事徙朔方雅就婚死頽人送其喪尋父母死朔方義舅獨與弟孤居十年士大夫永終不肯乃上疏自訟求還鄉里天子愍悼下朔方便送遂下詔書定律令女已許嫁不得送父母徙

紀配新指以章厥身

紀配廣漢殷氏女廖伯妻

也年十六適伯早亡以已有美色慮人求已作詩三章自誓心而求者猶眾父母將許乃新指明情養子猛終義太守薛鴻圖象府庭

彭王進娥殘躄令誠

彭非廣漢王輔妻也王和

新都便敬妻也李進娥鄆人馮季宰妻也輔早亡叔父欲改嫁非乃詣太守五方截髮自誓敬亦早亡和養孤守義蜀郡何玉因謀介求之兄曉喻以公族可憑和恚割其一耳季宰亦早亡父母欲改嫁進娥亦剪髮自誓各養子終義

正流自沉玉潔水清

正流廣漢李元女楊文妻

也適文有一男一女而文沒以織履為業父欲改嫁乃自沉水中宗族救之幾死得免太守五方為之圖象

相烏哀福義不存生

相烏德陽人袁稚妻也十

五適稚二十稚亡無子父母欲改嫁之便自殺袁福亦德陽人王上妻也有二子上以喪親遇哀死福哀感終身父母欲改嫁乃自殺

汝氏丑胄由婦謙柔

汝敦妻某敦兄弟共居有

父母時財嫂心欲得妻勸送二兄敦盡讓田宅奴

婢與兄自出居，後敦耕得金一器，妻亦勸送二兄。夫妻共往，嫂性怯嗇，謂欲借貸，甚不悅。又見金踊躍，兄感悟，即出妻，讓財還弟，不受。相讓積年，並察孝廉，世為冠族。

思娟列媛美稱惟休。

摠讚十一人也。

述廣漢烈女。

右廣漢群士女讚第三。

凡五十六人，四十六人，士。

健為女女。

王延河平，纂禹之功。

建始五年，河決東郡，汜濫充豫四郡三十二縣，沒官民屋舍四萬所。御史大夫尹忠以不奉職致決，河自殺。漢史案苗緯，當有能循禹之功，在健柯之資陽求之，正得延世。徵拜河堤謁者，治河以竹絡，長四丈九圍，夾小舡載小石治之。三十六日，堤防成，帝嘉之，改元年曰河平，封延世關內侯，拜光祿大夫，乃賜黃金百斤。

文伯習禮，繼武孫通。

董鈞，字文伯，資中人也。

少受業於鴻臚王臨永平初議天地宗廟郊祀議
禮鈞與太常定其制又定諸侯王喪禮歷城門校
尉五官中郎將以儒學貴稱繼叔孫通

張公執憲克智克聰極位青紫寔作司空

張皓字叔明武陽人也以文聰明辟大將軍掾遷
尚書僕射彭城相進隱士閻立迂等徵拜廷尉延
光三年安常將廢太子為濟陰王皓與太常桓為
太僕來歷爭之安帝不許及安帝崩濟陰得立為
順帝以皓為司空久之免後徵為廷尉清河趙騰
等坐謗訕當誅所引八十餘人告以聖賢明義爭

之咸稱平當

子鸞司京桴鼓不鳴

趙旂字子鸞資中人也初

臨甘陵弘農郡甚善治民徵尚書遷司隸校尉時
梁冀子弟放恣旂以法繩之不敢為非京師肅清
桴鼓不鳴

孟文翹平顯有成

楊渙字孟文武陽人也以

清秀博雅歷臺郎相趙迂尚書中郎司隸校尉甚
有嘉聲美稱

伯邳正直翹揚聲

楊準字伯邳漢安縣人

也初為郡守大尉李固薦準累世忠直拜尚書大

傳陳蕃表為河東入為尚書令奏書治南陽太守
曹麻潁川太守書騰濟南太守孫訓等子弟依託
形勢淫縱徵廷尉治罪訓梁異婦家子也于是憚
之又薦朱禹盛精滕延為尚書陸稠為郡守皆名
士也桓帝即位拜河南尹遷司隸校尉異叔父梁
忠為執金吾不朝正初劾奏之朝士服其公亮徒
將作大匠

翁君將命迺播其聲

揚莽字弱君武陽人為功

曹刺史王尊當之州移書諸郡不得遣迎惟健為
遣莽何霸巴郡遣嚴尊大怒莽前對曰使君不

便奉迎謙也太守承迎敬也謙敬上下之節不可
廢也尊乃欣然請辟別駕舉茂才官至揚州刺史
尹遷司隸校尉異叔父梁忠為執金吾述時漆身
為厲佯狂避世述破為合浦守蜀中歆之曰鄙義
至至費奉居不仕乱世不避惡君脩身於蜀紀名
亦足後世為大族

任公開明

任永字君業樊道人也長歷數王莽

特託青盲公孫述時累不詣子弱井中死見而不
言妻淫于前面而不恠述平乃曰世適平日即清
妻自然光武徵之以年老不詣卒

民遷太守上封吏守闕請之三年不絕以子頌師
事少府李膺誅自免久之拜都令遷益
州太守上封事民涕泣送之至沮者七百人白水
縣者三百人值益州亂後米斗千錢穀至恩化暢
洽北去米斗八錢鴈鳥巢其廳事孕欲而去三府
表薦徵拜議郎自免歸州牧劉焉表拜都尉為人
廉正疾淫祠勅子孫惟脩善為禱仁義為福年八
十一而卒

盛國好學研頤聖真

楊克字盛國梓潼人也

少好學求師遂業受古學于扶風馬季長呂林公南

陽朱明叔頤川白仲職精究七經其朋友則頤川
荀慈明李元礼京兆羅叔景漢陽孫子夏山陽王
叔茂皆海內名士還以教授州里常言圖緯空說
去事希略疑非聖不以為教察孝廉為郎卒

漢伯隸業諸生之純

景鳶字漢伯梓潼人也少

與廣漢郝伯宗蜀郡任叔本頤川李仲勅海孟元
叔遊學七州遂明經

叔和慎終

杜撫字叔和資中人也少師事薛漢

治五經教授門生千人太守王鄉召為功曹司徒
辟不及聞公免不往承問東平憲王為驃騎將軍

辟西曹掾後罷為王師在驃騎府者遣之數年乃去數應三公徵撫侍送故公作詩通議說弟子南陽馮良以亦道學徵聘

君橋密精

趙松字君橋武陽人為童子數資問

費貽及知其避世密與周旋終不露之也述平奪茂才為上黨太守

英々四子利於君身

讚費貽以下

皇漢馳網官人失紀文紀蹇諤表明感否

張緝字文紀司空皓子也左漢朝公平廉正權宦側目憚之漢安元年以光祿大夫持節與侍中杜

喬循行州郡考察風俗出宮垣埋車先奏太尉桓為司徒劉壽尸祿素餐不堪其職出城又奏司隸校尉趙峻河南尹梁不疑汝南太守梁乾等賊穢濁亂檻車送廷尉治罪天子以乾梁異叔父貶秩免峻等又奏魯相冠儀々自然威風大行郡縣莫不肅懼還異恨之出為廣陵太守承叛亂後懷集撫卹甚有治化在官十年卒子續尚書續弟方為豫州牧子孫數世至大官

白虜狂僭亂離斯圯孝仲繫馬社稷是死

朱遵字孝仲武陽人也公孫僭踣遵為健為郡功

曹領軍拒戰于六水門，衆少不敵，乃埋車輪，絆馬必死。為述所殺，光武嘉之，追贈復漢將軍，郡縣為立祠。

建侯吊梁，効志知己。

趙敦，字建侯，武陽人也。初為新都令，德禮宣流。三司及大將軍梁冀累辟，終不詣。冀辟書不絕，後冀自殺，使者堅守，不使人弔問。敦獨往弔祭，訖自拘有司，天子赦之。

叔適敦孝石生江死記

隗相，字叔通，樊道人也。養母至孝，母欲食江中正

江中水，相冬夏汲之。一朝有橫石生正流中，哀帝世，察孝廉，平帝時為郎。

吳生致養亦感靈祉

吳孝順，叔和，樊道人也。事母至孝，赤烏巢其門，甘竈降其戶。察孝廉，永昌太守。

劉后初載，實多良才。季休忠亮，經事能治。

楊洪，字季休，武陽人也。先主領牧為部屬，從事及征漢中，丞相亮表為蜀郡太守。先主疾病，永安，召亮東行。漢嘉太守黃元反，後主用其計，克元，封閔

華陽國志 卷十中
內侯後為中郎將越騎尉忠清公亮甚信任之

德山耽學道以光時

伍梁字德山南安人也儒

學雅尚州選迎牧諸葛亮為功曹選五官為中郎將
列武作合度曠塗夷惜哉公舉師直凌遲

費詩字公舉南安人也先主領牧為前部司馬群
臣勸先主稱尊號詩上疏曰殿下以曹操父子逼
主篡盜故乃羈旅萬里糾合眾士將以討賊今敵

未大尅而先自立恐人心疑惑昔高祖獲子嬰猶尚推讓况未出門便欲自立耶以此左遷部永昌從事建興三年送丞相亮南征魏將李鴻來降說魏新太守孟達欲背魏向蜀亮方北面欲招達為外援欲與書詩進曰孟達小子昔事振威不忠後事先帝背叛反覆之人何足與書也亮嘿然詩終劉氏之世官位不盡其才君子以昭烈之弘曠武侯之明達詩吐直言猶尚凌遲况庸主昏世率意直言而妄肆効者哉

文然簡略言不詭隨

揚義字文然武陽人也輔

漢將軍張裔薦為丞相亮主簿大司馬蔣琬辟東曹掾歷二郡太守為射聲校尉性簡畧未嘗以甘言加人酒後言笑多慢詞失大將軍姜維意為維所廢延熙十八年作季漢輔臣讚在蜀書

車騎快々與國安危

張翼字伯恭文紀孫也以文

武才幹歷征西鎮南大將軍封定侯延熙十八年與大將軍姜維西征大破魏雍州刺史王經於狄道經衆死洮水者數萬人維欲進翼諫不可必進無功維時屢出隴西翼常廷爭為國小不宜黷武必為蛇畫足不聽不得已每快々徒行景耀元年

遷左車騎將領軍異州刺史蜀平後死

猗、衆偉、芳烈、名垂、方德、繹、勳、健之、瓊、瑰

述、健為、人士

進、揚、穆、先姑是憲

進、武、陽、楊氏女、大匠、廣、漢

王堂長子、博妻也、博後母、文有母儀之德、進揚則

其教、為行、閨門、雍穆、牂柯太守、李、禕、家亦假、係、每

不和、歎、恨、徒、富、貴、學、問、不、及、博、家、也

楊姬請父、厥族、蒙、援、克、諧、內、愛、訓、及、秀、彥

姬、武、陽

人也、生自、寒、微、父

坐事、閉、獄、楊、渙、始、為、尚

書、郎、告、婦、邠、縣、敬、重、之、姬、為、處、女、乃、邀、道、扣、渙、馬

訟父罪、言、辭、慷慨、涕、泣、渙、總、告、郡、縣、為、出、其、父、因

竒其才、為子文、方、聘、之、結、婚、大、族、二、弟、得、仕、官、遂

世為官門、後方為漢中、太、守、以、趙、宣、為、賢、將、察、孝

廉、亟、封、未、定、疾、卒、姬、秘、不、發、先、遣、孝、廉、上、道、乃、發

喪、宣、得、進、周、姬、之、力、也、後、文、方、兄、子、伯、邠、為、司、隸

枝、尉、時、姬、長、子、頴、伯、益、州、刺、史、仲、子、頴、二、千、石、伯

邠、以、稟、叔、母、教、迎、在、官、舍、每、教、邠、政、治、伯、邠、欲、舉

茂、才、選、有、二、人、伯、邠、欲、用、老、者、媿、以、其、耄、欲、舉、五

方、其、而、年、幼、以、咨、叔、母、勸、奉、方、後、趙、宣、為、健、為、五

方、為、廣、漢、姬、尚、在、故、吏、敬、之、四、時、承、問、不、絕

周度割體身節是全

周度焚道人也相登妻十

九登亡中年令吳後因人求之新髮以誓志後人猶欲求之乃割其鼻養子早亡其妻左亦年十九遂俱守義世咸感歎婦姑之身專其節操也

敬姬况淵誠烈邈然

曹敬姬南安人也周紀之

妻十七出適十九紀亡遺生子元余服闋父母以許孫賓台母病迎還知之自投水人赴之氣已絕一日一夜乃蘇自還依紀第居訓導元余歸為孝士年九十卒

身琰玉操彌久彌刊

身琰字瓊玉牛脾程氏女

張惟妻子十九適惟未期惟亡無子養兄子悅供養舅姑夙夜不急資中王冲欲娶琰叔父肱答以女志不可奪冲為太守李嚴督郵嚴記縣遣孝義掾奉羔鴈宣太守命聘之琰乃自投水救援不先後太守蘇高為立表太守蜀郡闕遣人恕掾諭曰身琰太守章陵劉威又為作頌故稱述也

韓姜自財后旌其寬

韓姜楚人尹仲讓妻也二

十讓亡服除資中董臺因從事王為表弟姜不許臺門生左習王蘇以為姜可奪教姜家言母病迎還韓氏因逼成婚姜聞故自裁太守巴郡弓楊哀之

然習蘇以報姜死

謝姬引次同穴齊定

姬南安人武陽成姜也成

死以已年壯無子將葬乃預作殯殮具毒藥須夫

棺入墓拊棺吞藥而死遂同葬縣以表郡言州

上尚書天子咨嗟下書每大赦賜家帛四疋蜀

穀二石

媛姜疋婦勉夫濟子投命囹圄義喻國士

趙媛姜

資中

人盛道妻也建安五年道坐過夫婦閉

獄中子翔方年五歲姜謂道曰官有常刑君不得已

矣姜在後何益君門戶君可同翔亡命姜代君死

可得繼君宗廟道依違數日姜苦言勸之遂解脫

給衣糧使去代為應對度走遠乃告吏殺之後遇

赦父子得還道雖仕官當世痛感終不更娶翔亦

不仕耳

黃帛求喪沉身中流靈精相感携夫共浮

黃帛楚道人張貞妻也貞受易於韓子方去家三

十缸覆死貞弟求喪經月不得帛乃自往沒處躬

訪不得遂自投水中大小驚視積十四日將夫手

浮出時人為語曰符有先洛楚道帛求其夫天下

無有其偶縣長韓子冉嘉之召帛子幸之縣股肱

烈哉諸媛節稱義遵叙之讚此九女也

述健為烈女

右健為士女讚第四


凡三十人 二十人女 九人女

華陽國志卷第十下

先賢士女摠讚

晉常璩著

吳瑄校



漢中士女

鄭子真褒中人也玄靜守道履至德之行乃其人也

教曰忠孝愛敬天下之至行也神中五徵帝王之要

道也成帝元舅大將軍王鳳備禮聘之不應家谷口

世號谷口子真漢中與立祠神中五徵未詳其義

衛衡字伯梁南鄭人也少師事隱士同郡樊季齊以

高行聞郡九察孝廉公府州十辟公車三徵不應董

扶任安從洛還過見之曰京師天下之市朝也足下猶之人耳何其在遠以虛名屢動徵書若至中國則價盡矣衡笑曰時有險易道有汙隆若樊季齊楊仲桓雖應徵聘何益於時乎苟無所則尼軻栖栖是以君平子真不屈其志其予之徒也哉吾何虛假之有安扶服之敬其言也

鄧先城固人也景帝時御史大夫晁錯患諸侯強大建議減削會吳楚七國謀反假言誅錯故吳相袁盎潛帝殺之拜盎太常使赦七國七國遂叛鄧公爲謁者入言軍事問曰七國聞晁錯死罷兵不對曰吳王

即山鑄錢煮海爲鹽謀反積數十年錯患之故欲削弱爲萬世策諸侯憂之計畫始行身死東市諸侯莫憚內杜忠臣之口外爲諸侯報怨臣竊爲陛下不取也帝歎息曰吾亦恨之武帝初爲九卿

張騫城固人也爲人強大有謀能涉遠爲武帝開西域五十三國窮河源南至絕遠之國拜校尉從討匈奴有功遷衛尉博望侯於是廣漢緣邊之地通西南之塞豐絕遠之貨令帝無求不得無思不服至今方外開通騫之功也

張猛字子游騫孫也師事光祿勳周堪以光祿大夫

給事中侍元帝帝當廟祭濟渭欲御樓船御史大夫薛廣德當車免冠乞頸血污車輪陛下不得廟祭矣帝不悅猛進曰主聖則臣直今乘船危就橋安聖主不乘危故大夫言之帝曰曉人不當如是也後與周堪俱以中正爲幸臣弘恭石顯所譖毀乍出乍徵堪平和猛卒自殺

楊王孫城固人也治黃老家累千金厚自奉養臨終告其子曰我死裸葬以復吾真但爲布囊盛尸入地七尺既下從足脫之以身親土其子不忍見王孫友人祁侯諫之王孫曰厚葬無益歿者也夫俾財送歿

今日入明日發此真無異暴骸中原裹以幣帛隔以棺槨哈以珠玉後腐朽乃得歸土不可故吾欲早就真宅祁侯無以易卒裸葬如其言

李郃字孟節南鄭人也少明經術爲郡侯吏和帝遣使者二人微行至蜀宿郃侯舍郃爲出酒夜飲露坐郃問曰君來時寧知二使何日發來耶二人怪問之郃指星言曰有二使星入益部後一人爲漢中太守命爲功曹察孝廉遂馳名爲尚書郎徙左丞稍遷至尚書僕射尚書令拜司空又進司徒清公直亮當世

稱名順帝世薨

精利穎

穎

穎

穎

穎

穎

穎

穎

李固字子堅，郃子也。陽嘉三年，以對策忠亢，拜議郎。

大將軍梁商后父也。表為從事中郎，授荊州刺史。值

州部有亂，至州先友其賢者南陽鄭叔躬、宋孝節、零

陵支宣雅，表薦長沙桂陽太守趙歷。卒，已奏免江夏

南郡太守孔疇、高賜等。州土自然安靜。按本傳固奏

賜等懼罪厚賂梁冀徙太山太守克寧盜賊入為將

作大匠，多致海內名士。南陽樊英、江夏黃瓊、廣漢楊

厚、會稽賀純、光祿周舉、侍中杜喬、陳留楊倫、河南尹

存、東平王惲、陳國何臨、清河房植等皆蒙徵聘。轉大

司農。順帝崩，太后臨朝，拜太尉。與后弟大將軍梁冀

太傅趙峻並錄尚書。冲帝崩時，徐揚有盜賊，太后欲

不發喪，須召諸王至。固爭不可，言國家多難，宜立長

君。太后欲專權，乃立樂安王為質帝。質帝崩，太后復

與梁冀謀所立。固與司徒南郡胡廣、司空蜀郡趙戒

書與冀引周勃、霍光立文宣以安漢之策。閻鄧廢立

之禍，言國統三絕，期運厄會，與崩之漸在斯。一舉宜

求賢王親近，不可寢嘿也。冀得書，召公卿列侯議所

立三公及鴻臚。杜喬僉舉清河王蒜，冀然之。奏御太

后中常侍曹騰私恨蒜，說冀明日更議。廣戒從冀，固

與喬必爭，蒜宜立中興才也。且年長識義，必有厚將

軍冀不聽策免固喬歲餘取下獄以無事出之京師
市邑皆稱千萬歲冀惡其爲人所善更奏擊之固書
與二公曰吾欲扶持漢室使之比隆文宣何圖梁將
軍迷謬諸子曲從以吉物爲凶成事爲敗漢家衰微
從是始矣將軍亦有不利吾雖死上不慚於天下不
愧於人求義得義死復何恨遂自殺二公得書歎息
流涕士民咸哀哭之桓帝無道冀尋受誅漢家遂微
政在閹宦無不思固也

張昷則字元脩南鄭人也爲牂牁太守威著南土永
昌越雋夷謀欲反畏則換臨其郡相諫而止號曰臥

虎以戍狄勲遷護羌校尉徵拜扶風又換臨桂陽皆
平盜賊巴郡板楯反拜隆集校尉鎮漢中徙梁州刺
史又爲魏郡太守所在稱治靈帝崩後大將軍袁紹
表爲長史不就丞相曹公拜度遼將軍

趙宣字子雅南鄭人也出自寒微以溫良博雅太守
犍爲楊文方深器異之遂察孝廉官至犍爲太守

趙瑤字元珪琰字稚珪凡七兄弟宣子也皆以令德
著聞瑤少有公望瑤始爲緱氏袁趙二公相與書曰
趙瑤在緱氏猛虎歸迹百里均耳叔平何難遷扶風
太守徙蜀郡司空張溫謂之曰昔第五伯魚徙蜀郡

為司空掃吾第以待足下矣瑤曰諾尋換廣漢卒琰始為青州刺史部下清肅徙梁相徵拜尚書不就陳綱字仲卿成固人也少與同郡張宗受學南陽以母喪歸宗為安眾劉元所殺綱免喪往復之值元醉臥還須醒乃殺之自拘有司會赦免三府並辟舉茂才拜弘農太守初至有兄弟自相責引退是後無訟者在官九年卒天子痛惜賜家錢四十萬

李法字伯度南鄭人也桓帝時為侍中光祿大夫數表宦官太盛椒房太重史官記事無實錄之才虛相褒述必為後笑帝怒免為庶人恬然以咎失為已責

久之徵拜汝南太守遷司隸校尉湛然無自得容

李燮字德公太尉固子也父歿時二兄亦歿燮為姊

所遣隨父門生王成亡命徐州傭酒家酒家知非常

人以女妻之延熹二年梁冀誅後月經陽道暈五車

史官上書昔有大星升漢而西捲舌揚芒迫月熒惑

犯帝座則有大臣枉誅星在西方太尉固應之今暈

如之宜有赦命錄其遺嗣以除此異於是下赦燮得

返舊四府並辟公車徵議郎與趙元珪潁川賈偉節

荀慈明張伯慎為友伯慎為潁川太守與慈明交相

言論偉節與焉京師以為臧否伯慎問趙元珪曰德

公所言何元珪曰無言也伯慎追歎曰當如德公兒輩徒靡涕耳慈明亦寤而心變拜東平相國王爲黃巾所沒得出天子復封之燹以爲不可果敗遷京兆尹時人爲之語曰李德公父不欲立帝子不欲立王陳雅字伯臺成固人也靈帝時爲諫大夫闡宦用事上疏曰昔孝和帝與中常侍鄭衆謀誅大將軍竇憲由是宦官秉權安帝幼冲和熹太后兄大將軍鄧騭輔政太后適崩中常侍江京等殺騭安帝登遐黃門孫程又殺車騎將軍閻顯孝桓帝又與中常侍單超等共誅大將軍梁冀陛下卽祚太傅陳蕃大將軍竇

武尚書令尹勳等欲誅宦官絕其奸擅盡忠王室建萬世策機事不密爲中常侍朱瑀等所殺此卽陛下所見今宦官強盛威傾人主天下鉗口莫敢言者海內怨望妖異竝作四方兵起萬姓辛苦陛下尚可以安柰後嗣何帝不省納出爲巴郡太守年七十五卒臨終戒其子曰期運推之天下將太亂雄夫力爭無以資財爲意吾亡依山薄葬亡歲餘靈帝崩大將軍何進復爲黃門所殺海內果亂終成三國也閻憲字孟度成固人也名知人爲綿竹令以禮讓爲化民莫敢犯男子杜成夜行得遺物一囊中有錦二

十五疋求其主還之曰縣有明君何敢負其化童謠歌曰閻尹賦政旣明且杲去苛去辟動以禮讓遷蜀郡民泣涕送之以千數

季歷字季子太尉固從弟也少修文學性行清白與鄭康成陳元方齊名弱冠拜新城令朝請都督

程苞字元道南鄭人也光和二年上計吏時巴郡板楯反軍旅數起征伐頻天子患之訪問益州計考以方畧苞對言板楯忠勇立功先漢爲帝義民羌入漢中輒蒙其力東征南戰世有功勞由不料卹以致叛亂非有僭盜能相羣殺兵臨之未必卒得不如但選

明能太守恩信懷服自然安定矣天子從之卒如其言後在道卒

祝龜字元靈南鄭人也年十五遠學汝隸及太學通博蕩達能屬文太守張府君竒之曰吾見海內士多矣無如祝龜者也州牧劉焉辟之不得已行授葭萌長撰漢中耆舊傳以著述終

段崇字禮高南鄭人也太守河間鄭厪命爲主簿永初四年涼州羌反溢入漢中從厪屯褒中虜東攻厪欲戰崇諫不可願固壘待之厪不聽出戰敗績崇與門下吏王宗原展及子勃兄子伯生推鋒死戰衆寡

不敵崇等皆死羌遂得厯殺之

程信字伯義南鄭人也時爲功曹守居馳來赴難殞
殮厯喪送還鄉里訖乃結故吏冠蓋子弟二十五人
言共報羌各募敢死士以待時太守鄧成命信爲五
官元初二年虜復來信等將其同志率先奮討大破
之信被八創天子咨嗟元初五年下詔書賜信崇
家穀數千斛有王宗原展及嚴孳李容姜濟陳巳曹
廉勾矩劉旌九人皆以令義爲鄭厯所命王宗原展
與厯同死孳容等七人與信共并命詔書旣賜崇信
家又賜九子家穀各五百斛給殯事復

四行提

燕邠字元侯趙嵩字伯高南鄭人也陳調字元化仲

卿孫也邠爲刺史卻儉從事使在葭萌與從事董馥
張胤同行儉爲黃巾賊王饒趙播等所殺邠聞故哀
慟說馥胤赴難二子不可邠難曰使君已死用生何
爲獨死之牧劉焉嘉之爲圖象學官誅馥等嵩事太
守蘇固固爲米賊張脩所疾殺嵩痛之仗劍直入脩
營殺十餘人幾獲脩死陳調少尚遊俠聞固死聚賓
客百餘人攻脩大破之進攻脩營乃與戰以傷死又
有陳術字申伯作者舊傳者也失其行事歷新城魏
興上庸三郡太守及錫光等不列也

漢字乃
述字乃乃
按又乃乃

穆姜安衆令程祗妻司隸校尉李法姊也祗前妻有四子興敦觀豫穆姜生二子淮基祗亡興等憎惡姜姜視之愈厚其資給六子以長幼爲差衣服飲食凡百如之久興等感寤自知失子道謁南鄭獄受不愛親罪太守嘉之復除門戶常以二月八月社致肉三十斤酒米各二斛六斗六子相化皆作令士五人州郡察舉基字稚業特雋免爲南郡太守

泰瑛南鄭楊相妻大鴻臚劉巨公女也有四男二女相亡教訓六子動有法矩長子元珍出行醉母十日不見之曰我在汝尚如此我亡何以帥羣弟子元珍

叩頭謝過次子仲珍白母請客旣至無賢者毋怒責之仲珍乃革行交友賢人兄弟爲名士泰瑛之教流於三世四子才官隆於先人故時人爲語曰三苗止四珍復起

杜泰姬南鄭人趙宣妻也生七男七女若元珪稚珪有望五人皆令德其教男也曰中人情性可上下也在其檢耳若放而不檢則入惡也昔西門豹佩韋以自寬宓子賤帶弦以自急故能改身之恒爲天下名士戒諸女及婦曰吾之委身在乎正順及其生也恩存於撫愛其長之也威儀以先後之體貌以左右之

恭敬以監臨之懃恪以勸之孝順以內之忠信以發之是以皆成而無不善汝曹庶幾勿忘吾法也後七子皆辟命察舉牧州守郡而漢中太守南鄭令多與七子同歲季考上計無不修敬泰姬執子孫禮

禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪敕二婦曰吾先姑母師也常言聖賢必勞民者使之思善不勞則逸逸則不才吾家不爲貧也所以粗食給吾者使知苦難備獨居時二婦再拜奉教從孫奉上微慢珪抑絕之感悟革行遭亂流行宗表

欲見之必自嚴飭從子孫侍婢乃引見之曰此先姑法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英妻太尉李固女也父爲梁冀所免兄憲公季公罷官歸文姬歎曰李氏滅矣乃與二兄議匿弟燮父門生王成亡命徐州涕泣送之謂成曰託君以六尺之孤若李氏得嗣君之名義參於程杵矣久之遇赦燮得還行喪服闋勅之曰先公爲漢忠臣雖歿之日猶生之年梁冀已族弟幸得濟豈非天乎慎勿有一言加梁氏加梁氏則連主上是又撥禍

也奉行之徙成在徐州各異處傭賃而私相往來成
病亡燹四時祭之

陳順謙成固人也順謙適鄧令曹寧十九寡居長育
遺孤八十餘卒兄弟陳規著書歎述之惠謙適張亮
則在扶風官下吏白欲重禁嚴防以肅非元脩訪於
惠謙惠謙曰恢弘德教養廉免恥五刑三千蓋亦多
矣又何加也兄弟伯思學仙道惠謙戒之曰君子疾
沒世名不稱不患年不長也且夫神仙愚惑如繫風
捕影非可得也伯思乃止陳伯臺稱云女尚書之後
耳

禮脩趙嵩妻張氏女也姑酷惡無道遇之不以禮脩
終無愠色及寧父母父母問之但引咎不道姑卒感
寤更慈愛之鄉人相訓曰作婦不當如趙伯高婦乎
使惡姑知變可謂婦師矣後姑病女來省疾姑却之
曰我死固當絕于賢婦手中後遭米賊嵩歿乃碧塗
面亂首懷刀託言病賊不逼也養遺生女依父叔立
義終身者也

韓樹南南鄭人趙子賤妻也子賤初爲郡功曹李固
之誅詔書下郡殺固二子憲公季公太守知其枉遇
之甚寬二子託服藥死具棺噐欲因出逃子賤畏法

救更驗實就殺之及固小子燮得還子賤慮燮報仇
賃人刺之燮覺告郡殺子賤初樹南諫子賤子賤不
從及臨死許共并命兄弟媿侍婢視守之經百餘日
乃怠白兄媿念一歿萬不得生不敢復圖死也上下
以為信然無幾時於幕下自殺

梓潼士女

古漢中縣女

德善任 擢讚此九人也

古漢中縣

文齊字子奇梓潼人也孝平帝末以城門校尉為犍
為屬國遷益州太守造開稻田民咸賴之公孫述時
拒郡不服述拘其妻子許之公侯招之不應乃遣使
由交趾貢獻河北述平世祖嘉之徵拜鎮遠將軍封

成義侯南中咸為立祠子忱有令德為北海太守

李業字巨遊梓潼人也少執志清白太守劉咸慕其

名召為功曹不詣咸怒欲殺之業徑入獄咸釋之公
孫述累聘不應述怒遣鴻臚尹融持毒藥酒逼之業
笑曰名不可毀身可殺不可辱也遂飲藥死述恥殺
名士賜錢百萬子暈逃匿不受建武中察孝廉為遂

久令

文堅

景毅字文堅梓潼人也太守丁羽察舉孝廉司徒舉
治劇為沅陽侯相高陵令立文學以禮讓化民遷太
守上封吏守闕請之二年不絕以子顧師事少府李

遷太守以下至十四
遂明侯以上宗

膺膺誅自免久之拜成都令遷益州太守上封吏民
涕泣送之至沮者七百人白水縣者三百人值益州
亂後米斗千錢毅至恩化暢洽比去米斗八錢鳩鳥
巢其廳孕育而去三府表薦徵拜議郎自免歸州牧
劉焉表拜都尉爲人廉正疾淫祠敕子孫惟修善爲
禱仁義爲福年八十一而卒

楊克字盛國梓潼人也少好學求師遂業受古學於
扶風馬季長呂叔公南陽朱明叔潁川白仲職精究
七經其朋友則潁川荀慈明李元禮京兆羅叔景漢
陽孫子夏山陽王叔茂皆海內名士還以教授州里

常言圖緯空說去事希畧疑非聖不以爲教察孝廉
爲郎卒

景鸞字漢伯梓潼人也少與廣漢郝伯宗蜀郡任叔
本潁川李仲渤海孟元叔遊學七州遂明經術還乃
撰禮略河洛交集風角雜書月令章句凡五十餘萬
言太守 賜命爲功曹察孝廉舉有道博士徵不詣
然上陳時政言經得失又戒子孫人紀之禮及遺令
期死葬不設衣衿務在節儉甚有法度卒終布衣
張壽字伯禧涪人也少給縣丞楊放家放爲梁賊所
得壽求之積六十始知其生存乃賣家鹽井得三十

萬市馬五匹往贖放道爲无所劫掠盡凡往二年計道遠不可得數乃單身詣虜涕泣自說虜哀其屢來遣放隨還郡召爲中侯詔書除巫尉以身佩印盡讓所有財物與三弟復爲郡掾章平賦役歲出二百五十萬遷功曹吏徙五官掾卒

李餘涪人父早世兄夷殺人亡命母慎當死餘年十三問人曰兄弟相代能免母否人曰趣得一人耳餘乃詣吏乞代母吏以餘年小不許餘因自死吏以白令令哀傷言郡郡上尚書天子與以財葬圖盡府

廷童子李餘涪人可考於此漢士女自篇

寇祺字宰朝梓潼人也與邑子侯曼俱學涼州曼後爲渤海王象所殺祺仗劍至象家值象病象謝曰君子不掩人無備安有爲友報讐殺病人也祺乃還久之復往殺象由是察孝廉爲灞陵令濟陰相

王晏字叔博涪人也與廣漢張昌寧叔受業大學昌爲河南呂條所殺晏叔殺條事在叔解

李助字翁君涪人也通名方校醫術作經方頌說方名

齊郭玉以上蜀闕文蓋不可缺不錄

李仁字德賢涪人也益部多貴今文而不崇章句仁知其不博乃游學荊州從司馬德操宋仲子受古學

以修文自終

神記

杜微字國輔涪人也任安弟子先主定蜀常稱聾闇

門不出建興二年丞相亮領州牧選爲主簿輿而致

之亮引見與書誘勸欲使以德輔時微固辭疾篤亮

表拜諫議大夫從其所志

尹默字思潛涪人也少與李仁俱受學司馬徽宋忠

等博通五經專精左氏春秋自劉歆條例鄭衆賈逵

父子陳元方服虔注說略皆誦述希復案本以左傳

授後主後主立拜諫議大夫丞相軍祭酒子宗亦爲

博士耳

李譔字欽仲仁子也少受父業又講問尹默自五經

四部百家諸子伎藝筭計卜數醫術弓弩機械之功

皆致思焉爲太子中庶子右中郎將著古文周易尚

書毛詩三禮左氏注解太玄指依則賈馬異於鄭玄

與王肅初不相見而意歸多同

李福字孫德涪人也先主初爲成都令建興九年遷

巴西太守後爲江州都督陽武將軍入爲尚書僕射

封平陽亭侯延熙初以前監軍司馬福同郡梓潼文

恭仲寶亦以才幹爲牧亮治中從事丞相參軍

李姜梓潼文氏女將作大匠廣漢王敬伯夫人也少

行傳考王潤蘭

卷之五人也

以上三列香

可前

呂

讀詩禮敬信前夫人有子博女紀流二人季姜生康
稚芝女始示凡前後八子撫育恩愛親繼若一堂祖
母性嚴子孫雖見官二千石猶杖之婦跪受罰於堂
歷五郡祖母隨之官後以年老不願遠鄉里姜亦常
侍養左右紀流出適分已侍婢給之博好寫書姜手
爲作袞於是內門相化動行推讓博妻捷爲楊進及
博子遵婦蜀郡張叔紀服姑之教皆有賢訓號之三
母堂仁義救康稚芝婦事楊進如舅姑中外則之皆
成令德季姜年八十一卒四男棄官行服四女亦從
官舍交赴內外官冕百有餘人當時榮之王氏遂世

興
杜慈專專女不諱只
杜慈涪杜季女巴郡虞顯妻也十八適顯顯亡無子

季欲改嫁與同縣楊上慈曰受命虞氏虞氏早亡妾
之不幸當生事賢姑久就養成室存亡等但欲在終
供養亡不有恨願不易圖季知不可告而奪也乃密

謀與強逼迫之慈縊而歿

敬楊涪郭孟妻楊文之女也始生失母八歲父爲閩

盛所殺無宗親依外祖鄭行年十七適孟孟與盛有
舊盛數往來孟家敬揚涕泣謂孟曰盛凶惡薄命爲
女非男比但惡讎未報未嘗一日亡也雖婦人拘制

惟志三媛仁賜義理
邦有斯嬖以馳題化

右梓潼安諧第六

兄弟十六人 三人女

以上子乃列傳目前

然父子恩深恐卒狂惑益君禍患君宜踈之孟以告
盛盛不納安漢元年盛至孟家敬楊以大杖打殺盛
將自殺孟止之與俱逃涪令雙勝出追聞其故而止
安尉二門會赦得免中平四年涪令向遵為立圖表

之

議曰二州人士自漢及魏二百四十八人而已九十一

七人士五十一人女後賢二十人合二百六十八人以示來世

之君子焉如其遺脫及後世可書者願貽後雋又春
秋穀梁傳首叙曰成帝時議立三傳博士巴郡胥君
安獨駁左傳不祖聖人後漢時魏郡太守王牧薦尹

方為三公天子詔尚書郎蜀郡張俊策之然不詳其
行事

議曰二州士女自漢及魏可謂眾矣何者世宗多士

則相如麟遊伯司鳳翔洛下雲翳叔文龍驤在孝宣

則王褒蔚炳中和作詠屬文甘泉葩為世鏡在元成

則君公蹇蹇心思國病慮經劉危直忤王聽其高者

則嚴君味道易俗移風仲元端委居為人宗若夫秉

心塞淵與物盈沖則楊子雲也名重泰山華夏仰崇

則鄭子真也不屈其身志高青雲則譙玄也不恥惡


君混道推運則楊宣也降及建武明章以來出者則

以下宗奉
有子乃

能內貫朝揆外播五教贊和鼎味經綸治要上荅太階下允民照處者則利居盤桓皓然玄蹈天爵翫之人爵則笑懸車門肆夷惠齊紹若斯之倫海內服其英名洙泗方其煥燿矣故曰漢徵八士蜀出其四又曰漢具四義蜀選其二可謂不衆乎然巴郡胥君安以儒學典雅稱於孝成蜀郡張俊策問尹方不出五經常議捷爲呂孟有託孤之節若茲之類郡邑往往垂象刊銘見有苗裔璩晚生長亂故老以沒莫所咨質不詳其事但依漢書國志陳君所載凡士女二百四十八人而已後賢二十人合二百六十八人以示來世之好事者如能詳其遺脫及有可書願附于左其傳志父祖子孫及有名失事失官位者不列寧州人士亦不列別爲目錄至晉元康末凡三百九十二人也

華陽國志卷第十

華陽國志卷第十一



常璩著

明 吳琯校

後賢志

聞之善志者述而不作序事者實而不華是以史遷之記詳於秦漢班生之書備乎哀平皆以世及事邇可得而言也西州自奉聖晉後俊瑋倜儻之士或脩德讓行止從時或播功立事羽儀上京策勳王府甄名史錄侔於先賢會遇喪亂軋遘華夏顛陸典籍多缺族祖武平府君愍其若斯乃操簡援翰拾其遺闕

然但言三蜀巴漢未列又務在舉善不必珍異揆之
耆舊竹素宜闡今更撰次損益足銘後觀凡二十人
綴之斯篇雖行故墜沒大較舉其一隅

衛尉散騎常侍文立廣休

散騎穆穆誠感聖君

西河太守柳隱休然

西河烈烈秉義居真

漢嘉太守司馬勝之興先

漢嘉克讓謙德之倫

郫令州主簿常助修業

郫君謇諤自固底身

江陽太守何隨季業

江陽皎皎命世清淳

梓潼太守王化伯遠

梓潼矜矜在險能平

太子中庶子陳壽承祚

庶子稽古遷固並聲

漢中太守李宓令伯

漢中躉曄才蓋羣生

犍爲太守杜軫超宗

捷爲印印友于是令

給事中在熙伯遠

給事孟恭尚德茂榮

中書郎王長文德雋

中書淵識寶道韜明

大長秋壽良文淑

長秋忠肅明允篤誠

大司農西城公何攀惠興

司農運籌思侔良平

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尚書三州都費立建熙

尚書準繩古之遺直

湘東太守常騫季慎

湘東汜愛仁以接物

武平太守常寬泰恭

武平疊疊冰清玉嶷

揚烈將軍梓潼內史譙登慎明

江陽太守侯馥世明

文立字廣休巴郡臨江人也少遊蜀太學治毛詩三禮兼通羣書州刺史費禕命爲從事入爲尚書郎復辟禕大將軍東曹掾稍遷尚書蜀并于魏梁州建首爲別駕從事咸熙元年舉秀才除郎中晉武帝方欲懷納梁益引致雋彥泰始二年拜立濟陰太守武帝立太子以司徒李胤爲太傅齊王驃騎爲少傅選立爲中庶子立上疏曰伏惟皇太子春秋美茂盛德日

新始建幼志誕陟大繇猶朝日初暉良寶耀璞侍從之臣宜簡俊又妙選賢彥使視觀則覩禮容棣棣之則聽納當受嘉話駭耳之言靜應道軌動有所采佐清初陽緝熙天光其任至重聖王詳擇終非糞朽能可堪任臣聞之人臣之道量力受命其所不諧得以誠聞帝報曰古人稱與田蘇遊非舊德乎立上故蜀大官及盡忠死事者子孫雖仕郡國或不才同之齊民爲劇又上諸葛亮蔣琬費禕等子孫流徙中畿宜見叙用一則以慰巴蜀民之心其次傾東吳士人之望事皆施行十年詔曰太子中庶子立忠貞清實

有思理器幹前在濟陰政事修明後事東宮盡輔導之節昔光武平隴蜀皆收其才秀所以援濟殊方伸叙幽滯也其以立爲散騎常侍累辭不許上疏曰臣子之心願從疏以求昵凡在人情貪從幽以致明斯實物性賢愚所同臣者何人能無此懷誠自審量邊荒遺燼犬馬老甚非左右機納之器臣雖至愚處之何顏詔曰常伯之職簡才而授何謙虛也立自內侍獻可替否多所補納甄致二州人士銓衡平當爲士彥所宗故蜀尚書犍爲程瓊雅有德望素與立至厚武帝聞其名以問立立對曰臣至知其人但年垂八

十稟性謙退無復當時之望不以上聞耳瓊聞之曰廣休可謂不黨矣故吾善夫人也西界獻馬帝問立馬何如對曰乞問太僕帝每善其恭慎遷衛尉猶兼都職中朝服其賢雅爲時名卿連上表年老乞求解簪還桑梓帝不聽咸寧末卒帝緣立有懷舊性乃送葬于蜀使者護喪事郡縣修墳塋當時榮之初安樂思世子早沒次子宜嗣而思公立所愛者立丞諫之不納及愛子立驕暴二州人士皆欲表廢立止之曰彼自暴其一門不及百姓當以先公故得爾也後安樂公淫亂無道何攀與上庸太守王崇涪陵太守張

寅爲書諫責稱當思立言凡立章奏集爲十篇詩賦
論頌亦數十篇同郡毛楚楊崇皆有美德楚耕犴守
崇武陵太守

柳隱字休然蜀郡成都人也少與同郡杜禎柳伸並
知名隱直誠篤亮交友居厚達於從政數從大將軍
姜維征伐臨事設計當敵陷陣勇畧冠軍爲牙門將
巴郡太守騎都尉遷漢中黃金圍督景耀六年魏鎮
西將軍鍾會伐蜀入漢川圍成多下惟隱堅壁不動
會別將攻之不能克後主旣降以手令敕隱乃詣會
晉文帝聞而義之咸熙元年內移河東拜議郎武帝

踐祚以爲西河太守在官三年以年老去官乞骸還
蜀卒於家時年八十長子充連道令次子初舉秀
杜禎字文然柳伸字雅厚州牧諸葛亮辟爲從事禎
符節令梁益二州都督伸度支禎子珍字伯重畧陽
護軍仲漢嘉巴東太守大同後並舉秀才珍子彌字
景文伸子純字偉淑有名德幹噐舉秀才巴郡宜都
建平太守西夷長水校尉巴東監軍

司馬勝之字興先廣漢綿竹人也學通毛詩治三禮
清尚虛素性澹不事榮利初爲郡功曹甚善綱紀之
體州辟從事進尚書左選郎徙秘書郎時蜀國州書

佐望與郡功曹參選而從事佯臺郎時重察舉雖位
經朝要還爲秀孝亦爲郡端右景耀末郡請察孝廉
大同後梁州辟別駕從事舉秀才歷廣都新繁令政
理尤異以清秀徵爲散騎侍郎以宗室禮之終以疾
辭去職卽家拜漢嘉太守候迎盈門固讓不之官閑
居清靜謙卑自牧常言世人不務求道德而汲汲於
爵祿若吾者可少以爲有餘榮矣訓化鄉閭以恭敬
爲先年六十五卒於家子尊賢佐皆有令德

常勛字修業蜀郡江原人也祖父員牂犍永昌太守
父高廟令從父閔漢中廣漢太守勛少與閔子忌齊

名安貧樂道志篤墳典治毛詩尚書涉治羣籍多所
通覽州命辟從事入爲光祿郎中主事入爲尚書左
選郎郡請迎爲功曹時州將董軍政置從事職典刑
獄以勛清亮復爲督軍治訟平當還察孝廉除郫令
爲政簡而不煩魏征西將軍鄧艾伐蜀破諸葛瞻於
綿竹威振西土諸縣長吏或望風降下或委官奔走
勛獨率吏民固城拒守後主檄令乃詣艾故郫穀帛
全完刺史袁邵嘉勛志節辟爲主簿勛善儀容翔集
動爲表觀言論壯烈州里重之然交友惟賢不交下
已者汎愛之恩猶不足邵征還道卒忌字茂通蜀謁

者黃門侍郎喪親以致孝聞察孝廉爲郎使吳稱職
歷長水參軍什邡雒令大同後刺史邵坐治城被徵
忌詣洛陳訴遠國初附君民始結不宜改易又表脩
治城池居安思危邊將常職事皆中情晉文帝時爲
相國辟忌舍人武帝踐祚拜騎都尉除河內令州名
爲難治忌挫折豪勢風教大行縣有姦嫂殺兄者羣
黨蔽匿前令莫得忌皆窮治入爲州都方議爲郡守
會卒忌爲人信道任數不從下人故爲貴勢所不善
是以作詩著論先攻已短臨喪與樂歡哀俱至爲士
類所稱忌友人廣漢段宗仲亦有學行蜀時官與忌

比袁邵爲主簿與忌共理郡事文帝善之梁州辟別
駕從事舉秀才稍遷官至雲南建寧太守

何隨字季業蜀郡郫人也漢司空武後世有名德徵
聘入官隨治韓詩歐陽尚書研精文緯通星曆郡命
功曹州辟從事光祿郎中主事除安漢令蜀亡去官
時巴土饑荒所在無穀送吏行乏輒取道側民芋隨
以縣繫其處使足所取直民視芋見縣相語曰聞何
安漢清廉行過從者無糧必能爾耳持綿追還之終
不受因爲語曰安漢吏取糧令爲之償察孝廉大同
後臺召不詣除河間王郎中令不就居貧固儉衣弊

蔬食晝躬耕耨夕脩講諷鄉族饋及禮厚皆不納目不視色口不語利著譚言十篇論道德仁義常有屠牽猪過隨門猪索斷失之強認溷中猪隨便牽猪與之屠人出門尋得其所亡猪謝隨還猪遂以包之有家養竹園人盜其笋隨遇行見之恐盜者覺怖走竹中傷其手足挈屐徐步而歸其仁如此太康中即家拜江陽太守民思其政年七十一卒官後州鄉人言議平當者皆相謂何江陽至于汶山夷有正直廉讓者亦號夷中何江陽杜景文何興仁皆爲作傳長子觀字巨忠清公淑慎知名州里察孝廉西都南安令

平西長史張昌作亂荊州從黨西上郡守無不望風降下至江陽平西將軍羅尚表爲安遠護軍討賊平殄除巴郡太守朝議欲以爲寧州刺史會病卒次子遊治中從事隨時同郡繁令張崇清廉推讓見稱當時

王化字伯遠廣漢郫人也漢將作大匠王堂後也祖父商字文表州牧劉璋時爲蜀太守有懿德高名在耆舊傳父彭字仲巴郡太守化兄弟四人少有令望化治毛詩三禮春秋公羊傳郡命功曹州辟從事光祿郎中主事尚書郎除閬中令爲政清靜察孝廉

大同後復端右郡察孝廉爲樂涇令

按晉書樂涇縣名屬西秦郡

縣近邊塞值胡虜反化率吏民積穀堅守虜斷道重圍孤絕七年伺虜怠惰出軍討之民得野掠大軍至虜退以功封關內侯遷朱提太守撫和殊俗得夷肆懽心轉在梓潼復有稱績爲人謹重言論方雅臧否允衷州里服其誠亮年七十二卒官弟振字仲遠亦有德望廣都令巴東太守叔弟岱字季遠恪居官次歷廣陽作唐令早亡少弟崇字幼遠學業淵博雅性洪粹蜀時東觀郎大同後梁州辟別駕別舉秀才尚書郎與壽良李宓陳壽李驥杜烈同入京洛爲二州

標雋五子情好未必能終惟崇獨以寬和無所彼此著蜀書及詩賦之屬數十篇其書與陳壽頗不同官至上庸蜀郡太守

陳壽字承祚巴西安漢人也少受學於散騎常侍譙周治尚書三傳銳精史漢聰警敏識屬文富豔初應州命衛將軍主簿東觀秘書郎散騎黃門侍郎大同後察孝廉爲本郡中正益部自建武後蜀郡鄭伯邑太尉趙彥信及漢中陳申伯祝元靈廣漢王文表皆以博學洽聞作巴蜀耆舊傳壽以爲不足經遠乃并巴漢撰爲益部耆舊傳十篇散騎常侍文立表呈其

傳武帝善之再爲著作郎吳平後壽乃鳩合三國史著魏吳蜀三書六十五篇號三國志又著古國志五十篇品藻典雅中書監荀勗令張華深愛之以班固史遷不足方也出爲平陽侯相華又表令次定諸葛亮故事集爲二十四篇時壽良亦集故頗不同復入爲著作鎮南將軍杜預表爲散騎侍郎詔曰作適用蜀人壽良具員且可以爲侍御史上官司論七篇依據典故議所因革又上釋諱廣國論華表令兼中書郎而壽魏志有失勗意勗不欲其處內表爲長廣太守繼母遺令不附葬以是見譏數歲除太子中庶子

太子傳從後再兼散騎常侍惠帝謂司空張華曰壽才宜真不足久兼也華表欲兼九卿會受誅忠賢排擯壽遂卒洛下位望不充其才當時寬之兄子苻字長任亦有文才繼壽著作佐郎上兼令苻弟蒞字叔度梁州別駕驃騎將軍齊王辟掾卒洛下蒞從弟階字達之州主簿察孝廉褒中令永昌西部都尉建寧興古太守階辭章燦麗馳名當世凡壽所述作二百餘篇符蒞階各數十篇一州先達及華夏文士多爲作傳大較如此時梓潼李驥叔龍亦俊逸噐知名當世舉秀才尚書郎拜建平太守以疾辭不就意在州

里除廣漢太守初與壽齊望又相暱友後與壽情好
攜隙還相誣攻有識以是短之亦自別傳

李宓字令伯犍爲武陽人也祖父光朱提太守父早
亡母何更行見養祖母治春秋左傳博覽五經多所
通涉機警辨捷辭義響起事祖母以孝聞其侍疾則
泣涕側息日夜不解帶膳飲湯藥必過目嘗口本郡
禮命不應州辟從事尚書郎太將軍主簿太子洗馬
奉使聘吳吳主問蜀馬多少對曰官用有餘民間自
足吳主與羣臣汎論道義謂寧爲人弟宓曰願爲仁
兄吳主及羣臣稱之大同後征西將軍鄧艾聞其名

四字字本不作去
引小注

請爲主簿及書招欲與相見皆不往以祖母年老心
在色養拒州郡之命獨講學立旌授生武帝立太子
徵爲洗馬詔書累下郡縣相逼宓上疏

疏在
本傳

武帝覽

之曰宓不空有名也嘉其誠欵賜奴婢二人下郡縣
供其祖母奉饁徙尚書郎河內溫令敷德陳教政化
嚴明太傅鉅平侯羊公薨無子帝令宗子爲世子嗣
之不時赴喪宓遣戶曹齋移推轂遣之中山諸王每
過溫縣必責求供給吏民患之宓至中山王過縣徵
芻芡薪蒸宓引高祖過沛濱老幼桑梓之供一無煩
費伏惟明王孝思惟則動職先戒本國望風式歌且

舞誅求煩碑所未聞命後諸王過不敢煩温縣盜賊
發河內餘縣不敢近温追賊者不敢經界隴西王司
馬子舒深敬友之而貴家憚其公直宓去官爲州大
中正性方亮不曲意勢位者失荀張指左遷漢中太
守諸王多以爲寃一年去官年六十四卒著述理論
論中和仁義儒學道化之士凡十篇安東將軍胡羆
與皇甫士安深善之又與士安論夷齊及司馬文中
杜超宗却令先文廣休等議論往返言經訓詰衆人
服其理趣釋河內趙子聲誅詩賦之屬二十餘篇壽
良李驤與陳承祚相長短宓公議其得失而切責之

常言吾獨立於世顧影爲儔而不懼者心無彼此於
人也故宓六子皆英挺秀逸號曰六龍長子賜字宗
碩州別駕舉秀才汝山太守少與東海王司馬元超
友昵每書詩往返雅有新聲少子興字儁碩太傅參
軍幼子盛碩寧浦太守宓同時蜀郡高玩字伯珍少
受學於太常杜瓊術藝微妙博聞強識清尚簡素少
與宓齊名官位相比大同後察孝廉除曲陽令單車
之縣移檄縣綱紀不使遣迎以明三才徵爲太史令
送者亦不出界朝廷稱之方論大用會卒
杜軫字超宗蜀郡成都人也父雄字伯休安漢雒令

軫少師譙周發明高經於譙氏之門郡命爲功曹鄧
艾旣破蜀被徵鍾會進成都時太守南陽張府君不
肯出官軫進曰征西囚執鎮西在近必有所遣軍亂
之際交害無常宜避正殿府君即出住下舍會果遣
參軍牽弘爲太守數百騎擐甲馳馬入郡前驅問侯
所在云已出善之按牽傳弘問軫所在軫正色對曰
前守達去就之機輒自出官舍以
侯君子弘器之弘復召爲功曹察孝廉除建寧令徙任山陽
新城池陽所在有治入爲尚書郎每升降趨翔廊閣
之下威容可觀中朝偉之遷犍爲太守惠愛在民還
爲州大中正軫旣才學兼該而器量侷儻武帝雅識

之方用內侍會卒時年五十八弟烈字仲武貞幹敏
識平坦和粹名譽侔軫察孝廉歷平康牛鞞南鄭安
陽令王國建首選爲郎中令遷衡陽太守兄軫喪自
上求去官以兄子幼弱軫喪飄飄欲扶將靈柩葬舊
墳武帝歎惜軫能用未盡而嘉烈弟意轉拜徙官犍
爲太守又轉湘東少弟良字幼論亦有當世局分舉
秀才茶陵新都令國王郎中令遷涪陵建寧太守兄
弟並興利里以爲美譚軫二子長子毗字長基少子
秀字彥穎珪璋琬琰世號二鳳毗舉秀才大將軍辟
掾太傅參軍平東長史尚書郎稍遷鎮南軍司益州

刺史主簿早卒

任熙字伯遠蜀郡成都人也漢大司農任昉之後世有德彥父元字秀明犍爲太守執金吾熙治毛詩京易博通五經事親至孝居喪毀瘠爲州鄉所稱察孝廉除南鄭令以病去官復授南鄭不就轉梓潼令爲政清淨辭疾告歸勤農力穡居室致給循訓闔門內則可法博愛以謙恭接物開門待賓傾懷下士客無長幼必有供饗清談遊講不妄失言祇慎著聞太康中除越雋護軍非其雅好不往徵給事中熙以待臣日月左右贊暉楊光不可徇私終以疾辭而蜀郡令

每至官爲之修謁歲致羊酒卽家拜朱提太守固讓不之官好述作詩誄論難皆燦豔年六十九卒於家子蕃字憲祖察孝廉新都令西夷司馬涪陵太守蕃子迪字叔孤少與巴西龔壯俱知名而學業優之早歿熙同時犍爲楊彭敬宗弟達訓宗各以德行稱同察孝廉彭比蘇令甘露降其縣達滇池令殊俗懷其德

王長文字德雋

按本傳字德啟

廣漢郫人也父顥字伯元犍

爲太守長文天姿聰警高暢敏識治五經博綜羣籍弱冠州三辟書佐丁時衰亂託疾歸家大同後郡功

曹察孝廉不就遂陽愚嘗着絳衣絳帽牽猪過市中
乞人與語僞不聞常騎牛周旋郡守至詣門修敬至
閭走出請終不還刺史淮南胡罷辟從事祭酒卧在
治罷出板舉秀才長文陽發狂疾步擔走出門罷累
遣教請還終不顧還家養母獨講學著無名子十二
篇依則論語又著通經四篇亦有卦名擬易玄以爲
春秋三傳傳經不同每生訟議乃據經撫傳著春秋
三傳十二篇又撰約禮記除煩舉要凡十篇皆行於
時長文才鑒清妙汎愛廣納放蕩闊達不以細宜廉
公爲意亦不好臧否人物故時人愛而敬之以母欲

祿養成寧中領蜀郡太守郕有孝子羅偶事親至孝
二親將亡時病不能食肉終身不食肉郡察孝廉長
文追爲立表以旌之宰府辟三司及撫軍大將軍王
濬累辟不詣濬薨以故州將軍吊祭元康初試守江
原令縣收得盜賊長文引見誘慰時適臘晦皆遣歸
家獄先有繫囚亦遣之謂曰教化不厚使汝等如此
長吏之過也蜡節慶賞宜就汝歸上下善相懽樂過
節來還當爲思他理羣吏惶遽爭請不許尋有赦令
無不感恩所宥人輟不爲惡曰不敢負王君將喪去
官民思其政大將軍梁王彤及諸府並辟長文曰吾

從其先命者遂應彤招爲從事中書郎諸王公卿慕其名咸與之交賈氏之誅從彤有功封關內侯再爲中書郎愍懷太子死於許下博士中書論虞祔之禮長文議虞祭宜還東宮以繼太子者爲王配食於頽川府君皆施行除洛陽令長文見彤曰王者不庶幾奏長文爲洛陽令彤笑荅曰卿乃不庶幾非王者也固辭不拜聞益州亂以通經筮得老蠶緣枯桑之卦歎曰桑無葉蠶以卒也吾蜀人殄於是矣拜蜀郡太守暴疾卒時年六十四長文時人蜀郡柳竺任興亦博學著聞俱爲州別駕竺在右職公亮蹇蹇刺史盛

怒欲殺人羣下請不聽竺乃懷縛徑入頓几上乃極陳其刑理刺史從謝還縛皆早亡

壽良字文淑蜀郡成都人也父祖二世犍爲太守良少與犍爲張徵費緝並知名治春秋三傳貫通五經澡身貞素州從事散騎黃門侍郎大同郡王簿上計吏察孝廉不就州辟王簿治中別駕舉才行刺史皇甫晏貢之三司遂辟太宰除霸城令始平太守治政著稱從扶風轉秦國內史文立卒後温令李憲表武帝言二州人士零頽才彥凌遲無復厠豫綱紀後進慰寧遐外者良公朝英特二州之望宜見超子紹繼

立後帝徵為黃門侍郎兼二州都給事中梁州刺史
遷散騎常侍大長秋卒塋洛北邛山徵字建興張翼
子也篤志好學官至廣漢太守緝字文平清檢有治
幹舉秀才歷城令涪陵太守遷譙內史

良公新起誌

何攀字惠興蜀郡郫人漢司空汎鄉侯武弟潁川太
守顯後也父包字休揚察舉秀孝皆不行除瑯琊王
中尉不就攀兄弟五人皆知名攀少夙成竒姿卓逸
弱冠郡主簿上計吏州辟從事刺史皇甫晏稱攀王
佐才也以為主簿泰始十年養母歸家晏為牙門張
弘等所害攀操表徑詣洛訟釋事得清刺史王濬復

辟主簿別駕咸寧三年濬被詔罷屯田兵作船為伐
吳計攀進曰今見佃兵但六百人計作船六七年才
可勝萬人後者未成前者已腐無以輔成國意宜輒
召四守休兵及諸武吏并萬餘人造作歲終可辦濬
疑輒召萬兵欲先上須報攀曰官家雖欲伐吳疑者
尚多率聞召萬兵必不見聽以佃兵作船船不時成
當輒召以速為機設當見却功夫已成勢不得止濬
善之議欲入山裁船動數百里艱難攀曰今冢墓多
種松栢當什四市取以速為機濬悅之任攀典舟船
器仗冬遣攀使洛攀曰聖人之功可成使人信之不

可必也夫高祖之大畧猶未察於韓信婁敬因蕭何子房而後用之今建非常之功或莫之信羊公使君同盟國家所重加曩日失策江陵思有夙駕宜與相聞此一助也濬曰何但羊叔子亦宋元亮爲優君至洛官家未有舉意便前至襄陽與羊宋論之攀旣至洛拜表獻策因至荊州與刺史宋庭論宋未許乃見羊祐累日共畫用兵之要攀曰若令循清海以趣京口壽春揚州直指秣陵兗豫踰海並據桑浦則武昌以東會稽以西騷然駭矣荊州平南徑造夏口巴東諸軍固守西陵益梁之衆身浮江東下封樂鄉要巴

丘則武陵零桂長沙湘東從風而靡矣但明信賞首尾俱會旌旗耀天四面雲合乘勝席捲傳檄南極吳會不盡平者未之有也羊祐大悅遂表請伐吳尋徵濬大司農至晉壽詔以濬爲龍驤將軍除攀郎中參濬軍事攀頻奉使詣洛時未婚司空裴公竒其才以女妻之五年秋攀使在洛安東將軍王渾表孫皓欲北上邊戍警戒朝議征伐必須六年攀上疏策皓必不敢出宜因今戒嚴掩取甚易中書令張華命宿下舍設諸難攀皆通之又濬性在忠烈受命必果宜重其位號詔書遷濬平東將軍督二州事吳平封關內

侯濬入拜輔國攀爲司馬上論時務五篇除滎陽令
進廷尉評有盜開城門下關者法據大辟攀駁之曰
上關執信之主下關儲備之物設有開上關何以加
刑遂減死多所議讞遷散騎侍郎太傅楊駿謀逆請
衆官攀與侍中傅祗侍郎王愷等往惠帝從楚王瑋
殿中中郎孟觀策戒嚴誅駿駿外已匆匆攀與祗踰
墻得出侍天子天子以爲翊軍校尉領熊渠兵一戰
斬駿社稷用安封西城公邑萬戶策曰於戲在昔先
王光濟厥世罔不開國列土建德表功也故逆臣楊
駿謀危社稷構兵飛矢集于殿庭白刃交於宮闈攀

受命奮討凶逆速殄忠烈果毅朕甚嘉焉今以魏興
之西城爲攀封國錫茲玄社苴以白茅永爲晉藩輔
往欽哉敬乃有土惠康黎元無或以墮爾顯烈又賞
絹萬疋攀固辭受五千疋又賜拜弟逢平鄉侯兄子
夔關內侯遷宣關內史不就轉東羌校尉西虜寇邊
遣長史楊威討之違攀指受失利徵還領越騎校尉
武庫災百官皆赴火攀獨以兵衛宮復賞絹五百疋
領河南尹遷揚州刺史假節在官數年德教敷宣征
虜將軍石崇表東南有兵氣不宜用遠人徵拜大司
農兼三州都自表以被疾錯忘不堪銓量人物讓都

職於任熙貴緝不聽遷兗州刺史錫寶劔赤舄固辭不之官時帝室政衰多害忠直又諸王迭起好結黨徒攀闔門治疾不與世務朝議欲以爲公會夢時年五十七天子愍悼追贈司農印綬謚曰桓公遺令敕世子務行恭儉引荀公曾諸葛德林爲模範子璋李毅字允剛廣漢郫人也祖父朝字偉南州別駕從事父旦字欽宗光祿郎中主事毅少散達不治素檢年二十餘乃詣郡文學受業通詩禮訓詁爲學主事太守弘農王濬臨學講試問祭酒姬豔曰學中有可成進幾百人豔對曰可有百人濬怒曰童冠八百而

成者百人教少何爲毅對曰如豔之言明府之教盛於孔氏不爲少也濬竒之命爲主簿濬常夢得三口刀人以禾益之手持不得以問郡丞與掾史莫能知毅對曰吉祥也三刀者州字而益之禾持不得禾傷失者秩字明府秩當至益州濬笑曰如卿言當相以爲秀才張弘殺益州刺史皇甫晏誣表晏反毅白濬曰皇甫侯起自諸生位極方州久當何求且廣漢與成都密邇而統梁州者矜益州之領須防在今日也益州有禍乃此郡之憂加張弘小豎衆所不與宜時赴討濬欲先上後行毅曰大夫出疆苟利社稷專之

爲賢何況殺主賊急當不拘常宜濬從之發兵與牙門滿泰等共討弘斬之詔書遷濬益州刺史毅復爲州主簿別駕舉秀才及濬伐吳與何攀並爲參軍吳平封關內侯除隴西護軍以疾去官徙繁令遷雲南太守濬臨薨上表後武帝思濬勲問毅所在徙犍爲使持節南夷校尉久之犍爲民毛詵李叡與朱提民李猛共逐太守杜俊雍約以叛衆數萬毅討破之斬詵猛首叡走依五茶夷亦叛晉朝復置寧州以毅爲刺史加龍驤將軍封成都內侯夷遂大反破沒郡縣攻圍州城中原亂而李雄寇蜀救援不至疾病薨於

窮城懷帝嘉其忠節追贈少府謚曰威侯毅性通博居情雅厚賑卹寒貧篤於故舊人咸愛歸之但好談論德量猶少從弟苾字叔平脩身砥礪名行數諫毅宜自矜嚴毅笑應之曰吾小來不治名素終杖旌節故可至九卿卿清儉履道卒不失成都令也時毅始受南夷而苾歷城令果作成都遷犍爲太守位官不及毅毅子釗世秉儒學有格望以父任爲謁者除壽林侯相不就爲尚書外兵郎自表赴難至牂牁夷斷道不得進經年以寧州城中無穀父疾病未知吉凶不食穀惟茹草迄至奔喪官至朱提越雋太守西夷

校尉毅女秀適漢嘉太守新都王載有才智父亡後州文武推領州三年二州當太清中位至方州節將者壽良何攀及毅永嘉中巴張奕希祖爲荊州刺史南蠻長水校尉蜀郡張峻紹茂爲監南中八部事西夷校尉持節事

楊邠自岐之犍爲武陽人也少好學志古澡厲名行州辟主簿別駕刺史王濬舉秀才安漢雒令國王中尉以選爲尚書郎遷汶山太守值夷復讐失誅俗和徙授巴東轉廣漢永嘉初進衡陽內史遇流民叛亂攻沒長沙湘東邠輒救助賊衆侵盛遂破郡城獲邠

欲以爲主邠不許賊晝夜執守邠候其小息夜急走比覺已去遠收餘衆軍重安欲投湘州刺史荀眺共圖進取會眺降賊邠孤軍固城賊攻圍之誓死不移遂卒城中時年六十九帝爲鎮東大將軍嘉其忠節死義遣使弔贈策曰惟永嘉七年四月己未使持節都督江陽諸軍事鎮東大將軍瑯琊王濬謹遺板命前衡陽內史楊君忠肅貞固守正不移雖危逼節義可嘉不幸殞卒孤城甚悼之今列上尚書贈君淮南內史魂而有靈嘉茲寵榮嗚呼哀哉邠同郡楊稷文曹泰始初爲交阯太守平九真鬱林日南四郡斬吳

交州刺史劉俊大將軍脩則武帝方授交州會孫皓遣大將軍薛珣陶璜十萬人攻稷被攻八月救援不至衆寡不敵遂爲珣璜所獲囚稷欲送皓稷歐血死帝嘉其忠烈歿命追贈交州刺史也

費立字建熙犍爲南安人也父楫字君讓巴西太守立學義冲邃玄靜沈嘿察孝廉王國中尉王年少好輕行遊觀立常正色匡諫及上疏風喻辭義剴切合箴規之體出爲成都令縣名難治立蒞之垂績以性公亮入爲州大中正除巴西太守不就轉梁益寧三州都督兼尚書值大駕西幸長安常與大臣居守在

洛加貞外散騎常侍封關內侯每准正三州人物品格褒貶帥意方規無復疏親莫不畏敬然委曲者多恨其繩墨數辭諸郡意在河秦汝潁久之朝議欲以爲荊州永嘉六年與子并沒于胡寇立時漢國呂毅叔偉德以清彥辟別舉秀才尚書郎秦國內史長水校尉貞外常侍梁州都督與立同沒胡寇

常騫字季慎蜀郡江原人也祖父竺字代文南廣太守侍中父偉字公然閬中令騫治毛詩三禮以清尚知名州辟部從事主簿郡請功曹察孝廉萍鄉令以選爲國王侍郎出爲縣竹令國王歸之復入爲郎中

令從王起義兵有功封關內侯遷魏郡太守加材官將軍以晉政衰覩中原不靜固辭去官拜新都內史時蜀亂民皆流在荆湘徙湘東太守疾病未拜卒年六十八騫性泛愛敦敬友宗族當官修理恕以撫物好咨問動必謙讓州鄉以爲儀範二州清官見述者先有宜都太守犍爲唐定義葉隴西太守巴西馮企休翊而後騫云

常寬字泰恭騫族弟郢令勗弟子也父廓字敬業以明經著稱早亡闔門廣學治毛詩三禮春秋尚書尤耽意大易博涉史漢彊識多聞而謙虛清素與俗殊

務郡命功曹及察孝廉不就州辟主簿別駕舉刺史羅尚秀才爲侍御史除繁令隨民安縣零陵以舉將喪去官湘州叛亂乃南入交州交州刺史陶咸表爲長史固辭不之職雖流離交城衣弊襜袍冠皮冠乘牛往來獨鳩合經籍研精著述依孟楊宗盧師矩著典言五篇撰蜀後志及後賢傳續陳壽耆舊作梁益篇元帝踐祚嘉其德行潔白拜武平太守民悅其政以榮貴非志在官三年去職尋梁碩作亂得免難卒於交州凡所著述詩賦論議二十餘篇子長生字彭祖亦有學行州主簿資中令治中從事早亡時蜀郡

太守巴西黃容亦好述作著家訓梁州巴紀姓族左傳抄凡數十篇漢嘉太守蜀郡杜龔敬修亦著蜀後志及志趙厥李特叛亂之事及喪紀禮式後生有取焉

譙登字慎明巴西西克國人譙周孫也仲父熙察孝廉本郡大中正沔陽令叔父同字彥紹少知名拒州郡之命梁州刺史壽良與東羌校尉何攀貢之三司及大將軍幕府爲尚書郎除錫令亦有爲作傳者登少以公亮義烈聞郡命功曹州辟主簿別駕從事領陰平太守郡五官素大姓豪擅侵凌羌晉登誅之郡

中皆肅後以李特作亂本郡沒寇父爲李雄巴西太守馬晚所殺乃東詣鎮南劉公請兵時中原亂守公三年不能得兵表拜揚烈將軍梓潼內史使合義募登凡募巴蜀流士得二千人鎮西將軍羅尚以退任巴郡登從尚索益軍討雄不得乃往攻宕渠斬晚食其肝巴西賊破復詣尚求軍尚叅佐多以必無利登憤恚數凌折之又加責於尚尚但下之而已會羅美殺雄太尉李離舉梓潼來降登徑進涪城雄自攻登爲登所破而尚將張羅進屯犍爲之合水文碩殺雄太宰李國以巴西降羅遣軍掠廣漢破雄叔父驤虜

其妻子募人斫雄頭賊以向困而尚本參佐恨登之見矜侮不供其軍食益州刺史皮素至巴東敕平西送故遣將張順楊顯救登至墊江素遇害顯還雄知登乏食遣驥致攻兵窮士餓誓死不退衆亦餓死而無去者永嘉三年爲驥所生得與登致雄言辭慷慨涕泣獻欵無服降臣折情雄乃殺之囚其軍士皆以爲奴虜昇兵士而連陰雨百餘日雄中以登爲枉而所領無辜怒氣感天下赦出登軍士湮沒者初尚之在成都也與雄攻戰郫令犍爲張昕欽明每摧破雄雄衆戰之而救助不能并心爲雄所殺雄常言羅尚

將均如張昕輩吾族早無遺矣時牙門左汜亦有戰功尚不能益其兵穀汜恚恨以母喪歸尚累召不往尚怒曰微左汜當不滅賊乎遂殺之雄聞汜死大小相賀登同郡縣李高亦有武幹平吳時與牙門將處前獲孫皓封縣侯官至金城鴈門太守

侯馥字世明江陽人也察孝廉平西參軍闕薨後巴郡亂避地入牂牁寧州刺史王遜鎮平西將軍復取爲參軍遜議欲遷牂牁太守謝恕爲涪陵太守出屯巴郡之把口表馥爲江陽太守往江陽之泚源撫卹蠻獠克復江陵請通長江雄征東大將軍李恭已在

江陽馥招降夷獠修繕舟艦爲進取計預白遜請軍
移恕俱出涪陵不能自前恭舉衆攻馥衆寡不敵爲
恭所破獲生虜馥送雄雄下廷尉責曰事君有死無
二其次破家與國今縱不死又無益國灰沒其分守
心而已無他顧望雄必欲屈之使馥同郡人張迎曉
喻之馥怒罵迎曰吾等國亡不能存大難不能死低
眉海內何面目相見也且王寧州治亂才也以吾有
桑梓之恥故遠上尚書遣吾討賊受命之日實忘寢
食但裁船未辦請軍未至牽搯不及爲他所先當滅
身隕碎以謝不及冀上不負日月下不愧王侯吾豈

苟生如卿兒女之人乎迎還白雄雄義而赦之時雄
衆寇所獲犍爲太守建寧魏紀漢國太守梓潼文琰
巴郡太守巴西黃龕涪陵太守巴西趙弼永昌謝俊
牂牁文猛皆區區稽顙無如馥者數年卒

譏曰文王多士才不同用孔門七十科行相揆百行
殊塗貴於一致若斯諸子或挺珪璋之質或苞瑚璉
之器或耽儒墨之業或韜王佐之畧潛則泥蟠躍則
龍飛揮翮揚芳流光遐紀實西土之珍彥聖晉之多
士也徒以生處限外服膺日淺負荷榮顯未克其能
假使植幹華宇振條神區德行自有長短然三趙兩


李張何之軌其有及之者乎譙登侯馥忠規奮烈美
志不遂哀哉

五公五公

司空何武 司空趙戒 太尉趙謙 司徒趙溫
司空張皓

華陽國志卷第十一

華陽國志卷第十二



晉 常璩 著

明 吳瑄 校

序志

巴蜀厥初開國載在書籍或因文緯或見史記久遠
隱沒寔多踈畧及周之世侯伯擅威雖與牧野之師
希同盟要之會而秦資其富用兼天下漢祖階之奄
有四海梁益及晉分益爲寧司馬相如嚴君平楊子
雲陽成子玄鄭伯邑尹彭城譙常侍任給事等各集
傳記以作本紀畧舉其隅其次聖稱賢仁人志士言

爲世範行爲表則者名挂注史錄而陳君承祚別爲耆
舊始漢及魏煥乎可觀然三州土地不復悉載地理
志頗言山水歷代轉久郡縣分建地名改易於以居
然辨物知方猶未詳備于時漢漢字十本無晉方隆官司
星列提封圖簿歲集司空故人君學士蔭高堂翳帷
幙足綜物土不必待本紀矣曩遭厄運函夏潛堙李
氏據蜀兵連戰結三州傾墜生民殲盡府庭化爲狐
狸之窟城郭蔚爲熊羆之窟宅遊雉鹿田棲虎豹平
原鮮麥黍之苗千里茂雞狗之響丘城蕪邑莫有名
者嗟乎三州近爲荒裔桑梓之域曠爲長野反側惟

水經注引耆
舊華陽國志

之心若焚灼懼益遐棄城隍靡聞迺考諸舊紀先宿
所傳并南裔志驗以漢書取其近是及自所聞以著
斯篇又畧言公孫述蜀書咸熙以來喪亂之事約取
耆舊士女英彥又肇自開闢終乎永和三年凡十篇
號曰華陽國志夫書契有五善達道義章法戒通古
今表功勳而後旌賢能恨璩才短少無遠及不早援
翰執素廣訪博咨流離困瘵方資腐帛於顛墻之下
求餘光於灰塵之中剝滅者多故有所闕猶愈於遺
忘焉

蜀紀言三皇乘祗車出谷口秦宓曰今之斜谷也及

武王伐紂蜀亦從行史記周貞王之十六年秦厲公城南鄭此谷道之通久矣而說者以爲蜀王因石牛始通不然也本紀旣以炳明而世俗間橫有爲蜀傳者言蜀王蠶叢之間周迴三千歲又云荆人鼈靈死屍化西土後爲蜀帝周萇弘之血變成碧珠杜宇之魄化爲子鵲又言蜀椎髻左衽未知書又翁始知書學按蜀紀帝居房心決事參伐則蜀分駢言蜀在帝議政之方帝不議政則王氣流於西故周失紀綱而蜀先主七國皆王蜀又稱帝此則蠶叢自王杜宇自帝皆周之叔世安得三千歲且太素資始有生必死

死終物也自古以來未聞死者能更生當世或遇有之則爲怪異子所不言況能爲帝王乎碧珠出不一處地之相距動數千里一人之血豈能致此子鵲鳥

今云是雋或曰雋周

今按說文云蜀王望帝姪其相妻慙亡去爲子雋鳥故蜀人聞

子雋鳴皆起云望帝雋戶圭切所言與蜀志所述相似爾雅亦云雋周子雋鳥也出蜀中四海有

之何必在蜀昔唐帝萬國時雍虞舜光宅八表大禹功濟九州后稷封殖天下井田之制庠序之教由來遠矣孔子曰述而不作信而好古竊比於我老彭則彭祖本生蜀爲殷太史夫人爲國史作爲聖則僊自上世見稱在昔及周之末服事于秦首爲郡縣雖濱

戎夷亦有冠冕故蜀紀曰大人之鄉方大之國也至于漢興反當荒服而無書學乎漢書曰郡國之有文學因文翁始若然翁以前齊魯當無文學哉漢末時漢中祝元靈性滑稽用州牧劉焉談調之末與蜀士燕胥聊著翰墨當時以爲極歡後人有以爲惑恐此之類必起於元靈之由也惟智者辨其不然幸也綜其理數或以爲西土噲固襟帶易守世亂先違道治後服若吳楚然故逋逃必萃奸雄闖覲蓋帝王者統天理物必居土中德膺命運非可資能恃險以干常亂紀雖鬻竊名號終於絕宗殄祀何者天命不可以

詐詭而邀神器不可以僥倖而取也是以四嶽三塗陽城太室九州之險而不一姓冀之北土馬之所產古無興國夫恃險憑危不階曆數而能傳國垂世所未有也故公孫劉氏以敗於前而諸李踵之覆亡於後天人之際存亡之術可以爲永鑒也于運犯曆破家喪國可以爲京觀也今齊之國志貫之一揆同見不臣所以防狂狡杜奸萌以崇春秋敗絕之道也而顯賢能著治亂亦以爲獎勸也其序曰

先王經畧萬國剖分厥甸巴梁式象縣辰九俊述職賦政以均佐周斃紂相漢亡秦寔繁其民世載其俊

述巴志一行
實下併入

華陽國志

卷之三

述巴志第一

維天有漢鑒亦有光實司羣望表我華陽炎劉是應
洪祚攸長述漢中志第二

井絡啓耀文昌契符茫茫禹蹟畫爲九州功冒普天
率土以休光靈遐照慶祚爽流邦家濟濟世德地球

述蜀志第三

蠢爾南域在彼要荒漢武德振蠻貊是攘開州列郡
幽裔來王柔遠能邇實須才良甄德表失以明紀綱

述南中志第四

赤德中微巨猾于篡白虜乘釁致民塗炭爰迄靈獻

皇極不建牧后失圖英雄迭進覆車齊軌蒙此艱難
述公孫劉二牧志第五

政去王室權流二桀瓜分天壤宰割民物舍彼信順
任此智計大道既隱詭詐競設並以豪特力爭當世
居正慮明名號絕替身兼萬乘籍同列國述劉先主

志第六

乾坤渾始樹君立王天工人代萬邦是望明不二日
地不二皇苟非其器窮高必亢濛濛後主弗慮弗滅
負乘致寇世業以喪述劉後主志第七

陽升三九品物始亨帝絃失振任非其良趙倡禍階

有刻脫此二句

亂是用長羅州播蕩朱旌莫亢皮張不造戎醜攸行
哀哀元黎碩瞻靡望述大同志第八

素精南飄天維弛綱薨薨特流肆其豺狼蕩雄纂承
殲我益梁牧守顛摧黔首辛嘗三州駸曠悠然以荒
絡結王綱民亦流亡述李特雄期壽勢志第九

華嶽降精江漢吐靈濟濟多士命世克生德爲世雋
幹爲時貞畧舉士女表諸賢明世濟其美不隕其名
述先賢士女摠讚論第十

皇皇大晉下土是覆化澹教洽誕茲彥茂峨峨俊乂
疊疊英秀如嶽之崇如蘭之臭經德秉哲綽然有裕

述後賢志第十一

博考行故摠厥舊聞班序州部區別山川憲章成敗
旌昭仁賢抑紕虛妄糾正謬言顯善懲惡以杜未然
述序志第十二

讓曰駟牡騤騤萬馬龍飛陶然斯猶阜會景畿麇獲

西守鹿從東麋郇伯勞之旬不接辰嘗茲珍嘉甘心

庶幾中爲令德一行可師瓊瑋俶儻貴韜光輝據中

體正平揖宣尼導以禮樂教化齊木訥剛毅有威

有懷鏘鏘官縣磬筦諧諧金奏石拊降福孔皆摠括
道檢摠覽幽微選賢與能人遠乎哉

成都人也宗本
一字孝注下同

益梁寧三州先漢以來士女目錄

高尚逸成都人嚴遵字君平成都人

林間字公孺臨邛人揚雄師之見方言

德行治中從事李弘字仲元成都人

給事黃門侍郎楊雄字子雲成都人

文學神童楊烏雄子七歲預父

侍中揚州刺史張寬字叔文成都人始受文翁遺東

中郎將司馬相如字長卿成都人

諫議大夫王褒字子淵資中人也

尚書郎楊壯成都人見揚子方言

美秀中郎將何霸字翁君

郿人也

執政大中司空汎鄉侯何武字君公

霸弟以忠正為三公王莽欲篡

殺之

穎川太守何顯

武帝兄弟五人皆在漢書武帝

黃門侍郎鄧通

蜀人孝文帝時為侍郎甚有寵無傳

卓王孫

臨邛人見食貨志姑仍舊列於執政目下無傳

政事左衛護軍陳立字少遷

臨邛人歷牂柯巴郡大水三郡太守治為天下

策

節士太中大夫章明字公孺

繁人也

尚書郎侯剛字宣孟

新繁人也

尚書郎王嘉字公卿

江原人也

美陽令王皓字子離

江原人也

右二十人在前漢

其侍郎田儀揚得意無善事在中也

知士博士羅衍字伯紀

成都人也

德政益州太守王阜字世公

成都人也

長沙太守任循字伯度

成都人少失父後為長沙守父流離遠屆長沙為郡五官

父之母識知是事在精通也無傳

公亮大司農司隸校尉任昉字文始

循子也

徐州刺史任愷字文悌

昉弟也無傳

文學侍中漢五更張霸字伯饒謚曰文父

成都人也

宋李光華石白
並是情字

校書郎楊終字子山成都人

聘士張楷字公超文父子無傳

張光超公超弟無傳

尚書張陵字處沖公超子自陵之後世有大官無傳

義士趙定成都人以延仁赴義濟窮恤乏為業無傳

保貴太尉司空特進厨亭文侯趙戒字志伯子定

文學國師太常趙典字仲經戒弟二子

忠亮太尉司徒郫惠侯趙謙字彥信戒孫其子孫襲爵亭侯不顯

道德司徒司空趙温字子柔謙弟自是後世有二十石

義烈侍中長水校尉常洽字茂尼江原人見趙温傳

道德侍御史常詡字孟元江原人在趙太尉公著舊傳本志無傳

述作謁者僕射何英字叔俊郫人作漢德春秋

經治犍為屬國何汶字景田英孫

高士楊由字哀侯成都人見後漢方術傳

篤愛高士侯祚字升伯繁人文父楊序弟子無傳

博士楊班字仲桓成都人何萇弟子

公府辟士羅衡字仲伯郫人亦萇弟子無傳

至孝孝廉禽堅字孟由成都人

推賢美陽令柳宗字伯騫成都人

求次方

王仲曾

張叔遼

殷知孫

並蜀人伯騫所拔皆致郡守失其官名

匡正治中從事張充字伯春

江原人

司空辟士李幾字孟元

江原人

猛畧部從事楊竦字子恭

成都人子統為二千石失其官

守憲陳湛字小伯

成都人

節士仲昱

成都人

高士王廣

皓子父為公孫述所聘自刎廣逃匿述破後郡及州命察舉皆不往曰吾不能復讐

敢當世榮稱也無傳

仁義志士任末字叔本

繁人

烈士嚴道主簿李磬字文寺

嚴道人

義烈郡功曹史朱普字伯禽

廣都人

巴郡太守朱辰字元燕

廣都人無傳

述作漢中太守鄭厓字伯邑

臨邛人作者舊傳本志無傳

右四十人在後漢

尚書郎張俊失其行事不載學張寧見朱倉傳朱倉字雲卿見

下自什邡人傳未詳

大鴻臚何宗字彥英

郫人

雙柏長何雙字漢偶

宗子雙柏乃建寧郡屬縣也無傳

穎逸廣漢犍為太守何祗字君肅

郫人

忠勲輔漢將軍張喬字君嗣成都人

玄寂太常杜瓊字伯瑜成都人

侍中常竺字代文在者舊傳本志無傳

安南將軍張表字伯達成都人伯父肅廣漢太守兄松字子喬州牧劉璋別駕從

事無傳

永昌太守王伉成都人見蜀書本志無傳

右八人在劉氏世

五更張霸夫人司馬敬司成都人

公乘會婦張氏廣都人

犍為楊鳳珪妻陳助臨邛人

廣漢便敬賓婦常元常江原人廣都令常良女也

殷氏婦常靡常江原人常備街女

趙侯夫人常紀常江原人常常侍女

景竒妻羅貞郫人羅備女也

趙憲妻何玟郫人

朱叔賢妻張昭儀繁人

廣柔長姚超二女姚妣饒郫人

廣漢王遵妻張叔紀霸女孫也

右十一人烈女

右蜀郡士女七十九人六十八人十一人女

明畧漢沔侯范目

閩中人以下士女雖間見巴志中然俱無傳

文學聘士洛下宏字長公

閩中人也

玄始侍御史任文孫

閩中人也

文學司空掾任文公

文孫弟也

先生胥君安

見春秋傳首

京兆尹徐誦字子產

閩中人也

忠正侍中譙隆字伯司

閩中人也

高濤太中大夫譙玄字君黃

閩中人也

潔白尚書郎譙瑛

玄子以易授孝明帝

公車令趙瑋字孫明

閩中人也

公府掾趙毅字仲都

瑋子也

公車臧太伯

宕渠人也見瑋傳

雋才涼州刺史趙宏字溫柔

閩中人也

右十三人在前漢

政事揚州刺史嚴遵字正思

閩中人也

徐州牧嚴羽字子翼

正思子也

長安令王偉卿

正思友見正思傳

政事大司農玄賀字文和

宕渠人也

將畧大鴻臚龐雄字宣孟

宕渠人也

政事幽州刺史馮煥

宕渠人也

明畧使持節車騎將軍馮緄字鴻卿煥子宕渠人

降虜都尉馮元字公信緄弟

尚書郎馮遵字文衡元子

政事司隸校尉陳禪字紀山安漢人

漢中太守陳澄禪子

別駕從事陳實字盛先澄孫與王文表為友

思防治中從事楊仁字文義閬中人

志士荊州刺史龔調字叔侯安漢人

忠貞魏郡太守趙晏字平仲安漢人

籌畫益州太守李顥字德印墊江人漢書及巴者舊也

汝南太守謁煥墊江人見汝南紀

度遼將軍桂陽太守然温江州人見巴者舊傳

美化越雋太守張翕字叔陽安漢人

越雋太守張璠翕子太守王堂察舉孝廉

至孝上蔡令趙邵字泰伯閬中人

孝子嚴永

名儒陳髦

隱士黃錯右三人巴郡太守王堂所進失其官位見堂傳

巴郡太守龔陽墊江人

茂才孟彪江州人右並王文表所薦

日南太守黎景閩中人見

茂才王澹文表傳

文學掾龔策登江人

桂陽太守李温宕渠人

戶曹掾趙芬宕渠人

上庸太守陳弘安漢人見巴紀

忠義宕渠主簿曲庾宕渠人也

宕渠主簿馮湛宕渠人也

烈士郝伯都閩中人也

右三十五人在後漢司諫校尉程鳥等失其事不錄

宗本在楊遠

義烈江陽太守程畿字季默閩中人也

程祁字公弘巴郡人也

楊汰字季儒巴郡人也

韓儼巴西人

黎韜巴西人三人見楊文然傳

壯烈將軍嚴頰臨江人也見張飛傳

玄真徵士周舒字叔布閩中人也

文學儒林校尉周羣字仲直舒子

博士周巨羣子也

雅重車騎將軍育陽景侯黃權字公衡閩中人在魏

尚書郎黃崇子也

勇壯折衝將軍西陵太守甘寧字興霸臨江人

政事鎮南大將軍彭鄉亭侯馬忠字德信關中人

將畧鎮北大將軍安漢侯王平字子均宕渠人

果壯左將軍宕渠侯句扶字孝興漢昌人見王平傳

將畧盪寇將軍關内侯張嶷字伯岐南充國人也

尚書僕射姚弋仲字子緒關中人見楊義傳諸葛故事也

別駕從事馬勳字盛衡關中人見季漢輔臣傳

尚書馬參字承伯關中人見蜀書

越雋太守龔祿字德緒安漢人父謀犍為太守見巴紀

鎮軍將軍龔曩字德光弟也

徵士譙咩字榮始西兗國人也周文

淵通散騎常侍城陽亭侯譙周字允南咩子也劉氏光祿大夫

右二十三人在劉氏三國之世

馬妙祊妻義貞烈

王元愜妻姬巴上皆關中人

童女趙英瑣女

耿秉妾行安漢人

右八人烈女

右巴郡凡士女七十九人七十三人

道德三老楊統字仲通

新都人曾祖仲績祁令父春卿為公孫述將

光祿大夫楊博字仲達

統長子無傳

文學侍中楊序字仲桓謚曰文父

博弟

高士寇懽字文儀

綿竹人序弟子見序傳

昭約字節宰

維人也序弟子二人見序傳

術藝使持節交州牧楊宣字君緯

什邡人

學士嚴象

廣漢人宣弟子附宣傳

大儒趙翹

廣漢人宣弟子附宣傳

烏丸校尉郭堅

維人無傳

光祿大夫侍中衛尉鐔顯字子誦

鄆人

廬江太守蔡弓字子騫

緡人

善績司隸校尉郭賀字喬卿

堅孫

永昌太守鄭純字長伯

鄆人

文學高士王祐字平仲

鄆人弟灌有文才不悉行事也

文才樂安相李尤字伯仁

維人也

尚書郎李充

尤孫也

文才東觀郎李勝字茂通

維人見尤傳

公亮將作大匠翟醜子超

維人

聘士王稚字叔起謚曰憲文

堂少子也

王博

堂長子失官位無傳

王遵

博子亦失官位無傳

隱士馮信字季誠

鄆人

善績蜀郡太守王商字文表

遵子也

隱士夫子段翳字元章

鄆人也

明廉侍御史洛陽令王渙字稚子

鄆人

司隸校尉王堂字敬伯

鄆人

亢烈辟士段恭字節英

新鄆人

越雋太守馬顥字叔宰

鄆人

武威太守南陽折侯張江

鄆人

鬱林太守折國

江四世孫因封國改姓折

高士折像字伯式

國之子也

治中祭酒朱倉字雲卿

什邡人

政事牂牁太守劉寵字世信

綿竹人

孝子江陽符長姜詩字士遊

雒人

陰德郿令王忱字少林

新鄆人也

交州牧羊甚

無傳

推讓野王令羊暮字仲魚

甚

文學侍中董扶字茂安

綿竹人揚厚弟子也

聘士任安字定祖

綿竹人亦厚弟子

高讓義士杜真字孟宗

綿竹人

精誠五官諫輔字漢儒新都人

義士楊寬字叔仲新都人父斌兄混皆有證明君事失其官位

義士張鉗字子安廣漢人

烈士賈栩字元集什邡人

節士甯叔字茂泰廣漢人

忠義綿竹王簿韓揆字伯彥

壯童左喬雲綿竹人

孝廉汝敦新都人

周幹廣漢人

彭勰廣漢人

古朴廣漢人右三人儒學文才見蜀志及王商傳
方術太醫丞郭玉字通直
右五十二人馳名漢世

別駕從事李朝字永南郫人也

丞相西曹掾李邵字偉南朝弟也

文才大司農秦宓字子敕綿竹人

益州太守王士字義疆郫人王祐從弟也

別駕從事王甫字國山文表弟也

優游特進太常關內侯譚承字公文郫人

才雋江陽太守彭萊字承年廣漢人

古事考三

忠謀從事鄭度緡竹人見劉璋傳

忠烈從事王累新都人見劉璋傳

右九人在劉氏世及二牧時

聘士任安母姚緡竹人也

姜詩妻龐行涪人也

姜嬪字義舊緡竹人伏道長姜穆女司馬雅妻

廖伯妻殷紀配人也廣漢

便敬妻王和新都人也

李珥字進娥郡人李氏女馮季宰妻也

王輔妻彭非廣漢人也

李平字正流廣漢李元女馮文妻

表稚妻相烏德陽人也

王上妻袁福德陽人也

汝敦妻夫姓不知何郡縣人也

右十一人烈女

右廣漢郡凡士女七十二人六十一人女十一人女

知術光祿大夫關内侯王延世字長叔資中人也

揚州刺史楊莽字翁君武陽人見何霸傳

忠壯復漢將軍朱遵字孝仲武陽人也

隱知徵士任永字君業廣道人也

隱遯合浦太守費貽字奉君南安人

精密上黨太守趙松字君喬武陽人

文學城門校尉董鈞字文伯資中人

秀穎司隸校尉楊渙字孟文武陽人見健為者舊傳

漢中太守楊文方渙子文方穎伯冀州刺史仲穎二千石失其行事無傳

政事司隸校尉楊準字伯邳文方兄子太守天尉李固舉之

清秀大司空張皓字叔明武陽人也

正直光祿大夫廣陵太守張綱字文紀皓子也

郎中張植綱子也

尚書張續植弟也

豫州牧張方字公始續弟也

正直司隸校尉趙旂字柔鸞資中人也

別駕從事王元武陽人刺史張喬時見楊統簿無傳

義士公車令杜撫字叔和資中人也

新都令趙敦字建侯武陽人也

孝士尚書郎隗相字叔通棘道人也

呂孟南安人不詳其事無傳

吳順字叔和棘道人也

學士韓子方棘道人張貞師無傳

謝褒南安人見張謝傳

右二十四人在漢世

政事蜀郡太守關內侯楊洪字季休武陽人

直率諫議大夫費詩字公舉南安人

忠正車騎將軍都亭侯張翼字伯恭綱後子徽見壽良傳

文學五官中郎將伍梁字德山南安人

文才射聲校尉楊義字文然武陽人

右五人在劉氏世從事賈龍不悉其事不錄

漢中太守楊文方妻陽姬武陽人

相登妻周度熨道人

曹敬字敬姬南安人周紀妻

程貞玦字瓊玉牛鞞人資中張惟妻也

尹仲讓妻韓姜熨道人

儀成妻謝姬南安人

趙媛姜資中人趙盛道妻也

張貞妻黃帛熨道人

楊進武陽人廣漢王博妻

右九人烈女

右犍為郡士女凡三十八人二十九人上九人女

忠正城陽中尉鄧先成固人也景帝時

楊王孫

致遠衛尉博望侯張騫成固人武帝時

爽朗給事中張猛騫孫武帝時

高尚逸民鄭子真成帝時

聘士衛衡字伯梁南鄭人樊志張弟子

大儒李頡南鄭人無傳

文學司徒李邵字孟節子頡

執正太尉李固字子堅子邵

雅望京兆尹李燮字德公子固少

奉車都尉李歷字季子固從弟也

善績司隸校尉李法字伯度南鄭人也

犍為太守趙宣字子雅南鄭人也

德望廣漢太守趙瑤字元珪宣子

温雅尚書趙琰字稚珪瑤弟

義壯弘農太守陳綱字仲卿成固人也

義烈從事陳調字元化綱子

知思巴郡太守陳雅字伯臺成固人

南郡太守程基字稚業南鄭人也見女傳

大鴻臚劉巨公南鄭人見列女傳

廣漢屬國張泰字伯疆南鄭人也無傳

政事度遼將軍張亮則字元修泰從弟

愷悌綿竹令閻憲字孟度成固人也

隱士樊志張字前公見征南傳

籌畫計曹入程苞字元道南鄭人也

大才葭萌長祝龜字元靈南鄭人也

義烈郡主簿段崇字禮高南鄭人也

義烈功曹程信字伯義南鄭人也

嚴孳

李容

陳巳

王宗

姜濟

曹廉

勾矩

劉旌

原展九人太守鄭履史見段崇程信傳

從事燕邠字元侯南鄭人也

主簿趙嵩字伯高南鄭人也

右三十人在後漢

陳術字申伯歷二郡太守見蜀書漢益部耆舊傳者

右一人劉氏世

李穆姜

安樂令程祇妻
李法姑也子基

劉泰瑛

巨公女
揚相妻

杜泰姬

南鄭人捷為
太守趙宣妻

楊禮珪

成固楊元珍
女陳省妻

李文姬

太尉固女
趙瑛妻

陳順謙

鄧令曹寧妻陳伯臺從女
也兄子陳規著書稱之

陳惠謙

順謙妹度遼府
軍張亮則夫人

張禮脩

南鄭人
趙嵩妻

韓樹南

南鄭人趙
子賤妻也

右九人烈女

右漢中郡士女凡四十九人

四十一人
九人女

忠義鎮遠將軍義侯文齊字子奇

梓潼人平帝用為
益州太守遂不服

王莽公孫述
光武嘉之

北海太守文恂

齊子

節士李業字巨遊

梓潼人

遂久令李暈

業子

益州太守景毅字文堅

梓潼人

政事有道景鸞字漢伯

梓潼人

文學孝廉楊克字盛國

梓潼人

壯烈濟陰相寇祺字宰朝

梓潼人

壯烈童人李餘

涪人也

義士功曹張壽

字伯儻 涪人也

義士王晏

字叔博 涪人也

方士李助

字翁君 涪人也

右十二人在漢世

尚玄諫議大夫杜微

字國輔 涪人也

文學李仁

字德賢 涪人也

太子中庶子李譔

字欽仲 仁子

太子家令尹默

字思潛 涪人也

丞相參軍文恭

字仲寶 涪人也

九二

果銳前監軍將軍司馬李福

字孫德 涪人見諸葛故事蜀書

右六人在劉氏世

文極

字季姜 涪潼人將作大匠王堂夫人也

巴郡虞顯妻杜慈

涪杜季女也

郭孟妻楊敬

涪楊女也

右烈女三人

右梓潼郡士女二十一人

十八人女三人

脩慎少府太常關內侯王謀

字元漢 漢嘉人也

雲南太守張休

右二人漢嘉人士在劉氏世

文學荊州刺史尹珍字道真母歛人也

巴郡太守傅寶字紀圖平夷人也

忠義冠軍將軍寧州刺史謝恕字茂理母歛人也

右三人雜牝人士

忠義大將軍朝侯祭酒錫光字長沖

右一人西城人士

忠義雲南太守陽遷亭侯呂凱字季平不韋人也

右一人永昌人士

義正安漢將軍建寧太守李恢字德昂

領軍襄習

御史中丞孟獲

右三人建寧人士

輔漢將軍孟琰字休明

右一人朱提人士

先泥和女絡符人也

右一人烈女江陽人

大凡三州十三郡自漢興至三國之終士女載傳記

者三百五十八人二百九十八人女

公七人

大將軍二十二二人

侯二十人

卿佐十四人

侍中七人

尚書五人

司隸校尉六人

州刺史十三人

郡守四十八人

國師三人

光祿大夫四人

尚書郎十二人

中書郎將御史六人

公車令諫議太中十一人

公府辟士八人

高士一人

聘士七人

徵士四人

節士四人

烈女五十二人

益梁寧三州三國兩晉以來人士目錄

添立目錄

明畧大司農西城公何攀字惠興

郡人

清綉大長秋壽良字文淑

成都人也

果烈西河太守柳隱字休然

成都人也

梁益二州都督杜禎

成都人

都督度支巴東太守柳伸字雅厚

成都人也

德行江陽太守何隨字季業

郫人

令德犍為太守杜軫字超宗

成都人

犍為太守杜烈字仲武

軫弟

建寧太守杜良字幼倫

益州刺史杜毗字長基

德行給事中任熙字伯遠

成都人

涪陵太守任蕃字憲祖

熙子

義正郫令常勛字修業

江原人

州都常忌字茂通

助從

令才太史令高玩字伯珍

江原人

閔才湘東太守常騫字季慎

江原人

述作武平太守常寬字泰恭

騫從弟

使持節西夷校尉張岐字紹茂

成都人

征西將軍西夷校尉益州刺史王異字彥明

成都人也

勇畧雍州刺史南中郎將重安開國侯李陽字文叔

郫人

征虜將軍廣漢梓潼太守楊謙字令志成都人

右二十二入蜀郡人在晉世

強濟少府成都威侯李毅字允綱郾人

西夷校尉李釗字世康郾子

仁讓漢嘉太守司馬勝之字興先郾人

德義梓潼太守王化字伯遠郾人

巴東太守王振字仲遠郾弟

作唐令王岱字季遠郾弟

述作蜀郡太守王崇字幼遠郾弟

素隱中書郎王長文字德儁郾人

建寧太守耿容字宗仲廣漢人

右九人廣漢人在晉世

漢中太守李宓字令伯武陽人

汶上太守李賜字宗碩郾子

太傅參軍李興字儁碩郾子

廣漢太守張徵字建興郾子

譙國內史費緝字文平南安人二子

執義衡陽太守楊邠字岐之武陽人

清正尚書費立字建熙南安人

右七人隸為人士在晉世

衛尉文立字廣休

臨江人

武陽太守楊守

臨江人

牂牁太守毛楚

人

右三人巴郡人在晉世

述作太守中庶子陳壽字承祚

安漢人

驃騎府掾陳蒞字叔度

壽兄子

上廉令陳符字長任

壽兄子

建寧太守陳階字達之

蒞弟

正直漢中太守閻續伯

安人

卓畧長水校尉荊州刺史張奕字希祖

南克國人

附江原常氏士女目錄

張佳胤輯錄

侍中長水校尉常洽

字茂尼

侍御史常翊

南廣太守常竺

字代文

閬中令常偉

字公然竺子

廣都令常良

郫令常勗

字修業

河內令常忌

勗弟

常仲山

湘東太守常騫偉子

戶曹掾常敞

中郎常美

都護常俊

都護常深

武平太守常寬字泰恭 騫從弟

治中從事常長生字彭祖 寬子

散騎常侍常璩字道將 寬族孫

右士十六人

便敬賓婦常元常良女

義烈楊烈將軍梓潼內史譙登字順明 周孫

令德錫令譙同字彥紹 周子見 周傳

右八人巴西人士在晉世

清重長水校尉呂淑字偉德

右一人漢中人

廣漢太守李驥字叔龍 福子

右一人梓潼人

忠義江陽太守侯馥字世明

右一人江陽人

三州後賢五十一人并前賢二百九十一人

讓曰凡此人士或見漢書或載者舊或見郡紀或在
三國書并取其秀異表之斯篇其洪伐張顯並附載
者齊之其但見名目而不詳其行故或有以傳無珍
善闕之以副直文爲實錄矣

華陽國志十三弓初閱見其批謬甚多特此書序及

以時刻對校乃知後才妄加竄定有使人笑者此本
尚存舊刻之失而出於錢仲寶亦不可信也原賦

己丑焯記

華陽國志卷第十三終



殷仲孫常靡常

仲山女

趙侯夫人常紀常

右女三人

佳胤曰江原常氏代有明德故大姓也道將立志儻
書其半豈以私親自嫌哉夫岷瀆委靈哲又作則儻
資國器寸璧是尊今考出土女共十九人自立錄目
又見道將承源家學修辭有經斯龍門世業良史稱
材間有行實詳畧不侔然英名遺烈垂在竹素庶幾
尚友遐心著龜孔邇者矣

東漢趙仰卿撰三輔名臣志士自處武以來五枚
靈之際皆名顏廷晉舉仲任說而論之謂
三輔伏解任常道將用其體其投華陽國志於
先賢之女或分或合每人皆有微隱明人則是者
者若為前生殊失古意全家有司刻版以看孰
是本從假非實字抄補義門何文另抄下他
日當從忠者如梓而引之或於十二月於崔忠疏補

華陽國志卷第十二

